

# প্রাগৈতিহাসিক

মানিক বন্দ্যোপাধ্যায়

বেঙ্গল পাবলিশার্স প্রাইভেট লিমিটেড  
১৪, বঙ্কিম চারুজ্জের স্ট্রীট, কলিকাতা-৭৩



প্রথম প্রকাশ : : ৭ এপ্রিল, ১৯৩৭

প্রথম সংস্করণ : ( বেঙ্গল ) অগ্রহায়ণ, ১৩৬৭

প্রকাশক : ময়ূখ বসু

বেঙ্গল পাবলিশার্স প্রাইভেট লিমিটেড

১৪, বঙ্কিম চাটুজ্জে স্ট্রীট

কলিকাতা-৭৩

মুদ্রক : শ্রীপ্রশান্ত কুমার মণ্ডল

স্টাটাল প্রিন্টিং ওয়ার্কস্

১বি, গোয়াবাগান স্ট্রীট

কলিকাতা-৬

প্রচ্ছদ : প্রণবেশ মাইতি

## সূচী পত্র

---

প্রাগৈতিহাসিক	১—১৪
চোর	১৪—২৮
মাটির সাকী	২৮—৩৭
যাত্রা	৩৭—৪৮
ঃ	৪৮—৫৭
ফাঁসি	৫৭—৭২
ভূমিকম্প	৭২—৮২
অঙ্ক	৮২—৯৮
চাকরি	৯৮—১১২
মাথার রহস্য	১১২—১২০

লেখকের আমাদের প্রকাশিত গ্রন্থ

পদ্মা নদীর মাঝি

জননী

শ্রেষ্ঠ পন্ন

চারটি উপন্যাস

সমস্ত বর্ষাকালটা ভিখু ভয়ানক কষ্ট পাইয়াছে। আষাঢ় মাসের প্রথমে বসন্তপুরের বৈকুণ্ঠ সাহার গদীতে ডাকাতি করিতে গিয়া তাহাদের দলকে দল ধরা পড়িয়া যায়। এগার জনের মধ্যে কেবল ভিখুই কাঁধে একটা বর্ষার খোঁচা খাইয়া পলাইতে পারিয়াছিল। রাতারাতি দশ মাইল দূরের মাথা-ভাঙা পুলটার নীচে পৌঁছিয়া অর্ধেকটা শরীর কাদায় ডুবাইয়া শরবনের মধ্যে দিনের বেলাটা লুকাইয়া ছিল। রাত্রে আরও ন'কোশ পথ হাঁটিয়া একেবারে পেহ্লাদ বাগ্দীর বাড়ী চিতলপুরে।

পেহ্লাদ তাহাকে আশ্রয় দেয় নাই।

কাঁধটা দেখাইয়া বলিয়াছিল, 'ঘাও খান সহজ লয় স্ত্রাক্রাং। উটি পাকবো। গা ফুলবো। জানাজানি হুইয়া গেলে আমি কনে' যামু? খুনটো যদি না করতিস—'

'তরেই খুন করতে মন লইতেছে পেহ্লাদ।'

'এই জনমে লা, স্ত্রাক্রাং'। বন কাছেই ছিল, মাইল পাঁচেক উত্তরে। ভিখু অগত্যা বনেই আশ্রয় লইল। পেহ্লাদ নিজে বাঁশ কাটিয়া বনের একটা দুর্গম অংশে মিন্জুরি গাছের নিবিড় ঝোপের মধ্যে তাহাকে একটা মাচা বাঁধিয়া দিল। তালপাতা দিয়া একটা আচ্ছাদনও করিয়া দিল। বলিল, বাদসায় বাঘ টাঘ সব পাহাড়ের উপরে গেছেগা। সাপে যদি না কাটে ত আরাম কইরাই থাকবি ভিখু।'

'থামু কি?'

'চিড়া গুর দিলাম যে? দু'দিন বাদে ভাত লইয়া আহুয়। , রোজ আইলে মাইনুবে সন্দ করব।'

কাঁধের ঘা'টা লতা পাতা দিয়া বাঁধিয়া আবার আশিবার আশ্বাস দিয়া পেহ্লাদ চলিয়া গেল। রাত্রে ভিখুর জ্বর আসিল। পরদিন টের পাওয়া গেল পেহ্লাদের কথাই ঠিক, কাঁধের ঘা ভিখুর দুর্নাইয়া উঠিয়াছে। ডান হাতটি ফুলিয়া তোল হইয়া গিয়াছে এবং হাতটি তাহার নাড়িবার সামর্থ্য নাই।

বর্ষাকালে যে বনে বাঘ বাস করিতে চায় না এমনি অবস্থায় সেই বনে জলে ভিজিয়া মশা ও পোকায় উৎপাত সহিয়া, দেহের কোন না কোন অংশ হইতে ঘটায়ে একটি করিয়া জেঁক টানিয়া ছাড়াইয়া জরে ও ষায়ের ব্যথায় মুকিতে

দুিকিতে ভিখু দু'দিন দু'রাত্রি সর্কার মাচাটুকুর উপর কাটাইয়া দিল। বৃষ্টির সময় ছাঁট লাগিয়া সে ভিজিয়া গেল, বোদের সময় ভাপনা গাঢ় গুমোটো সে হাঁপাইয়া হাঁপাইয়া খাস টানিল, পোকায় অত্যাচারে দিবারাত্রি তাহার একমুহূর্তের স্বস্তি রহিল না। পেহ্লাদ কয়েকটা বিড়ি দিয়া গিয়াছিল সেগুলি ফুরাইয়া গিয়াছে। তিন চার দিনের মত চিড়া আছে বটে কিন্তু গুড় একটুও নাই। গুড় ফুরাইয়াছে, কিন্তু গুড়ের লোভে যে লাল পিঁপড়াগুলি ঝাঁক বাধিয়া আসিয়াছিল তাহার এখনো মাচার উপরে ভিড় করিয়া আছে। ওদের হতাশার জ্বালা ভিখুই অবিরত ভোগ করিতেছে সর্বদে।

মনে মনে পেহ্লাদের মৃত্যু কামনা করিতে করিতে ভিখু তবু বাঁচিবার জন্ত প্রাণপণে যুঝিতে লাগিল। যেদিন পেহ্লাদের আসিবার কথা সেদিন সকালে কলসীর জলটাও তাহার ফুরাইয়া গেল। বিকাল পর্যন্ত পেহ্লাদের জন্ত অপেক্ষা করিয়া তৃষ্ণার পীড়ন আর সহিতে না পারিয়া কলসীটা লইয়া সে যে কত কষ্টে খানিক দূরের নালা হইতে আধ কলসী জল ভরিয়া আনিয়া আবার মাচার উঠিল তাহার বর্ণনা হয় না। অসহ ক্ষুধা পাইলে শুধু চিড়া চিবাইয়া সে পেট ভরাইল। একহাতে ক্রমাগত পোকা ও পিঁপড়াগুলি টিপিয়া মারিল। বিবাস্ত রস শুষিয়া লইবে বলিয়া জ্যোক ধরিয়া নিজেই ষায়ের চারি দিকে লাগাইয়া দিল। সবুজরঙের একটা সাপকে একবার মাথার কাছে সিন্জুরি গাছের পাতার ফাঁকে উকি দিতে দেখিয়া পুরা দু'ঘণ্টা লাঠি হাতে সেদিকে চাহিয়া বসিয়া রহিল এবং তাহার পর দু'এক ঘণ্টা অন্তরই চারিদিকের ঝোপে ঝপাঝপ লাঠির বাড়ি দিয়া মুখে যথাসাধ্য শব্দ করিয়া সাপ তাড়াইতে লাগিল।

মরিবে না। সে কিছুতেই মরিবে না। বনের পশু যে অবস্থায় বাঁচেনা সেই অবস্থায়, মাহুষ সে, বাঁচিবেই।

পেহ্লাদ গ্রামান্তরে কুটুম বাড়ী গিয়াছিল। পরদিনও সে আসিল না। কুটুমবাড়ীর বিবাহোৎসবে তাড়ি টানিয়া বেহঁস হইয়া পড়িয়া রহিল। বনের মধ্যে ভিখু কি ভাবে দিন রাত্রি কাটাইতেছে তিন দিনের মধ্যে সে কথা একবার তাহার মনেও পড়িল না।

ইতিমধ্যে ভিখুর বা পচিয়া উঠিয়া লালচে রস গড়াইতে আরম্ভ করিয়াছে। শরীরও তাহার অন্ন অন্ন ফুলিয়াছে। জ্বরটা একটু কমিয়াছে বটে কিন্তু সর্বদেই অসহ বেদনা দম ছুটানো তাড়ির নেশার মতই ভিখুকে আচ্ছন্ন অজিতভূত করিয়া ফেলিয়াছে। সে আর এখন ক্ষুধা তৃষ্ণা অহুভব করিতে পারে না। জ্যোকেরা তাহার রক্ত শুষিয়া শুষিয়া কচি পটোলের মত ফুলিয়া উঠিয়া আপনা হইতেই নীচে খসিয়া পড়িয়া যায়, সে টেরও পায় না। পায়ের ধাক্কা

জলের কলসীটা এক সময় নীচে পড়িয়া ভাঙিয়া যায়, বৃষ্টির জলে ভিজিয়া পুঁটুলির মধ্যে চিড়াগুলি পচিতে আরম্ভ করে, রাজে তাহার ঘায়ের গন্ধে আক্লষ্ট হইয়া মাচার আশে পাশে শিয়াল ঘুরিয়া বেড়ায়।

কুটুম বাড়ী হইতে ফিরিয়া বিকালের দিকে ভিখুর খবর লইতে গিয়া ব্যাপার দেখিয়া পেহ্লাদ গভীরভাবে মাথা নাড়িল। ভিখুর জন্ত এক বাটি ভাত ও কয়েকটা পুঁটিমাছ ভাজা আর একটু পুঁই চচ্চড়ি সে সঙ্গে লইয়া গিয়াছিল। সন্ধ্যা পর্যন্ত ভিখুর কাছে বসিয়া থাকিয়া ও-গুলি সে নিজেই খাইয়া ফেলিল। তারপর বাড়ী গিয়া বাঁশের একটা ছোট মই এবং তাহার বোনাই ভরতকে সঙ্গে করিয়া ফিরিয়া আসিল।

মই-এ শোয়াইয়া তাহারা দুজনে ভিখুকে বাড়ী লইয়া গেল! ঘরের মাচার উপরে খড় বিছাইয়া শয্যা রচনা করিয়া তাহাকে শোয়াইয়া রাখিল।

আর এমনি শক্ত প্রাণ ভিখুর যে শুধু এই আশ্রয়টুকু পাইয়াই বিনা চিকিৎসায় ও এক রকম বিনা যত্নেই একমাস মুমূর্ষু অবস্থায় কাটাইয়া সে ক্রমে ক্রমে নিশ্চিত মরণকে জয় করিয়া ফেলিল। কিন্তু ডান হাতটি তাহার আর ভাল হইল না। গাছের মরা ডালের মত শুকাইয়া গিয়া অবশ ও অকর্মণ্য হইয়া পড়িল। প্রথমে অতি কষ্টে হাতটা সে একটু নাড়িতে পারিত কিন্তু শেষ পর্যন্ত সে ক্রমতাটুকুও তাহার নষ্ট হইয়া গেল।

কাঁধের ঘা শুকাইয়া আসিবার পর বাড়ীতে বাহিরের লোক কেহ উপস্থিত না থাকিলে ভিখু তাহার একটি মাত্র হাতের সাহায্যে মধ্যে মধ্যে বাঁশের মই বাহিয়া নীচে নামিতে লাগিল এবং একদিন সন্ধ্যার সময় এক কাণ্ড করিয়া বসিল।

পেহ্লাদ সে সময় বাড়ী ছিল না, ভরতের সঙ্গে তাড়ি গিলিতে বাহির হইয়া গিয়াছিল। পেহ্লাদের বোন গিয়াছিল ঘাটে। পেহ্লাদের বৌ ছেলেকে ঘরে শোয়াইতে আসিয়া ভিখুর চাহনি দেখিয়া তাড়াতাড়ি পালাইয়া ষাইতেছিল, ভিখু তাহার একটা হাত চাপিয়া ধরিল।

কিন্তু পেহ্লাদের বৌ বাগ্দীর মেয়ে। দুর্বল শরীরে বাঁ হাতে তাহাকে আয়ত্ত করা সহজ নয়। এক ঝটকায় হাত ছাড়াইয়া সে গাল দিতে দিতে চলিয়া গেল! পেহ্লাদ বাড়ী ফিরিলে সব বলিয়া দিল।

তাড়ির নেশায় পেহ্লাদের মনে হইল, এমন নেমকহারায় মানুষটাকে একেবারে খুন করিয়া ফেলাই কর্তব্য। হাতের মোটা বাঁশের লাঠিটা বৌ-এর পিঠে এক ঘা বসাইয়া দিয়া ভিখুর মাথা কাটাইতে গিয়া নেশার মধ্যেও কিন্তু টের পাইতে তাহার বাকী রহিল না যে কাজটা যত বড় কর্তব্যই হোক, সম্ভব

একেবারেই নয়। ভিথু তাহার ধারাল দাঁটি বা হাতে শক্ত করিয়া বাগাইয়া ধরিয়া আছে। স্তভরাং খুনো খুনির পরিবর্তে তাহাদের মধ্যে কিছু অঙ্গীল কথার আদান প্রদান হইয়া গেল।

শেষে পেহ্লাদ বলিল, 'তোমার লাইগ্যা আমার সাত টাকা খরচ গেছে, টাকাটা দে, দিয়া বাইর' আমার বাড়ীর খেইকা,—দূর হ'।'

ভিথু বলিল, 'আমার কোমরে একটা বাজু বাইস্কা রাখছিলাম, তুই চুরি করছস। আগে আমার বাজু ফিরাইয়া দে, তবে যামু।'

'তোমার বাজুর খপর জানে কেডা রে' ?'

'বাজু দে কইলাম পেহ্লাদ, ভাল চাসত! বাজু না দিলি সা' বাড়ীর মেজোকর্ভার মত গলাভা তোমার একখান কোপেই দুই ফাঁক কইরা ফেলুম, এই তোরে আমি কইয়া রাখলাম। বাজু পালি' আমি অখনি যামু গিয়া।' কিন্তু বাজু ভিথু ফেরত পাইল না। তাহাদের বিবাদের মধ্যে ভরত আসিয়া পড়ায় দু'জনে মিলিয়া ভিথুকে তাহারা কায়দা করিয়া ফেলিল। পেহ্লাদের বাহমুলে একটা কামড় বসাইয়া দেওয়া ছাড়া দুর্বল ও পছু ভিথু আর বিশেষ কিছুই করিয়া উঠিতে পারিল না। পেহ্লাদ ও তাহার বোনাই তাহাকে মারিতে মারিতে আধমরা করিয়া ফেলিয়া বাড়ীর বাহির করিয়া দিল। ভিথুর শুকাইয়া-আসা বা কাটিয়া রক্ত পড়িতেছিল, হাত দিয়া রক্ত মুছিতে মুছিতে দুঁকিতে দুঁকিতে সে চলিয়া গেল। রাত্রির অন্ধকারে সে কোথায় গেল কেহই তাহা জানিতে পারিল না বটে, কিন্তু ছপুর রাতে পেহ্লাদের ঘর জলিয়া উঠিয়া বাগ্নী পাড়ায় বিধম হৈ চৈ বাধাইয়া দিল।

পেহ্লাদ কপাল চাপড়াইয়া বলিতে লাগিল, 'হায় সর্বনাশ, হায় সর্বনাশ! ঘরকে আমার শনি আইছিলো গো, হায় সর্বনাশ।'

কিন্তু পুলিশের টানাটানির ভয়ে মুখ ফুটিয়া বেচারী ভিথুর নামটা পর্যন্ত করিতে পারিল না।

সেই রাত্রি হইতে ভিথুর আদিম, অসভ্য জীবনের দ্বিতীয় পর্যায় আরম্ভ হইল। চিতলপুরের পাশে একটা নদী আছে। পেহ্লাদের ঘরে আশুন দিয়া আসিয়া একটা জেলে ডিক্কা চুরি করিয়া ভিথু নদীর স্রোতে ভাসিয়া গিয়াছিল। লগি ঠেলবার সামর্থ তাহার ছিল না, একটা চ্যাপ্টা বাঁশকে হালের মত করিয়া ধরিয়া রাখিয়া সে সমস্ত রাত কোন রকমে নৌকার মুখ সিধা রাখিয়া-ছিল। সকাল হওয়ার আগে শুধু স্রোতের টানে সে বেশী দূর আগাইতে পান্দে নাই।

ভিথুর মনে আশঙ্কা ছিল ঘরে আশুন দেওয়ার শোধ লইতে পেহ্লাদ হয়.



তাহার নামটা প্রকাশ করিয়া দিবে, মনের জালায় নিজের অস্থবিধার কথাটা ভাবিবে না। পুলিশ বহুদিন যাবত তাহাকে ধরিবার চেষ্টা করিতেছে, বৈকুণ্ঠ সাহার বাড়ীতে খুনটা হওয়ার ফলে চেষ্টা তাহাদের বাড়িয়াছে বই কমে নাই। পেহ্লাদের কাছে খবর পাইলে পুলিশ আশে পাশে চারিদিকেই তাহার খোঁজ করিবে। বিশ ত্রিশ মাইলের মধ্যে লোকালয়ে মুখ দেখানো তাহার পক্ষে বিপদের কথা। কিন্তু ভিখু তখন মরিয়া হইয়া উঠিয়াছে। কাল বিকাল হইতে সে কিছু খায় নাই। দু'জন জোয়ান মাহুবেব হাতে বেদম মার খাইয়া এখনো দুর্বল শরীরটা তাহার বাধায় আড়ষ্ট হইয়া আছে। ভোর ভোর মহকুমা শহরের ঘাটের সামনে পৌঁছিয়া সে ঘাটে নৌকা লাগাইল। নদীর জলে ডুবিয়া ডুবিয়া স্নান করিয়া গায়ের বস্তুর চিহ্ন ধুইয়া ফেলিয়া শহরের ভিতরে প্রবেশ করিল। ক্ষণে সে চোখে অন্ধকার দেখিতেছিল। একটি পয়সাও তাহার সঙ্গে নাই যে মুড়ি কিনিয়া খায়। বাজারের রাস্তায় প্রথম যে ভদ্রলোকটির সঙ্গে দেখা হইল তাহারই সামনে হাত পাতিয়া সে বলিল, 'হু'টো পয়সা দিবান কর্তা?'

তাহার মাথার জটবীধা চাপ চাপ রুক্ষ ধূসর চুল, কোমরে জড়ানো মাটির মত ময়লা ছেঁড়া ত্রাকড়া আর দড়ির মত শীর্ণ দোতুলামান হাতটি দেখিয়া ভদ্রলোকটির বুঝি দয়াই হইল। তিনি তাহাকে একটি পয়সা দান করিলেন।

ভিখু বলিল—'একটা দিলেন বাবু? আর একটা দেন।'

ভদ্রলোক চটিয়া বলিলেন—'একটা দিলাম, তাতে হল না,—ভাগ!'

এক মুহূর্তের জন্ত মনে হইল ভিখু বুঝি তাহাকে একটা বিস্ত্রী গালই দিয়া বসে। কিন্তু সে আত্মসম্বরণ করিল। গাল দেওয়ার বদলে আরক্ত চোখে তাহার দিকে একবার কটমট করিয়া তাকাইয়া সামনের মুড়ি মুড়কির দোকানে গিয়া পয়সাটা দিয়া মুড়ি কিনিয়া গোপ্রাসে গিলিতে আরম্ভ করিল।

সেই হইল তাহার ভিক্ষা করিবার হাতে খড়ি।

কয়েক দিনের ভিতরেই সে পৃথিবীর বহু পুরাতন ব্যবসায়িক এই প্রকাশ্যতম বিভাগের আইন কাছন সব শিখিয়া ফেলিল। আবেদনের ভঙ্গি ও ভাষা তাহার জন্ম ভিখারীর মত আয়ত্ত হইয়া গেল। শরীর এখন আর সে একেবারেই সাক্ষ করে না, মাথার চুল তাহার ক্রমেই জট বীধিয়া বীধিয়া দলা দলা হইয়া যায় এবং তাহাতে অনেকগুলি উকুন-পরিবার দিনের পর দিন বংশ বৃদ্ধি করিয়া চলে। ভিখু মাঝে মাঝে খ্যাপার মত দুই হাতে মাথা চুলকায় কিন্তু বাড়তি চুল কাটিয়া ফেলিতে ভরসা পায় না। ভিক্ষা করিয়া সে একটি ছেঁড়া কোট পাইয়াছে, কাঁধের ক্ষতচিহ্নটা ঢাকিয়া রাখিবার জন্ত দারুণ গুমোটের সময়েও

কোটটা সে গায়ে চাপাইয়া রাখে। শুকনো হাতথানা তাহার ব্যবসার সৰু চেয়ে জোরালো বিজ্ঞাপন, এই অঙ্কটি ঢাকিয়া রাখিলে তাহার চলে না। কোটের ডানদিকের হাতাটি সে তাই বগলের কাছ হইতে ছিঁড়িয়া বাদ দিয়াছে। একটি টিনের মগ ও একটা লাঠিও সে সংগ্রহ করিয়া লইয়াছে।

সকাল হইতে সন্ধ্যা পর্যন্ত বাজারের কাছে রাস্তার ধারে একটা তেঁতুল গাছের নীচে বসিয়া সে ভিক্ষা করে। সকালে এক পয়সার মুড়ি খাইয়া নেয়, দুপুরে বাজারের খানিক তফাতে একটা পোড়ো বাগানের মধ্যে ঢুকিয়া বটগাছের নীচে ইটের উম্মনে মেটে হাঁড়িতে ভাত রান্না করে, মাটির মালসায় কোনদিন রাঁধে ছোটমাছ কোনদিন তরকারী। পেট ভরিয়া খাইয়া বটগাছটাতেই হেলান দিয়া বসিয়া আয়ামে বিড়ি টানে। তারপর আবার তেঁতুল গাছটার নীচে গিয়া বসে।

সারাটা দিন শাস টানা শাস টানা কাতরানির সঙ্গে সে বলিয়া যায় : 'হেই বাবা একটা পয়সা : আমায় দিলে ভগবান দিবো : হেই বাবা একটা পয়সা—'

অনেক প্রাচীন বুলির মত 'ভিক্ষায়াং নৈব নৈব চ' শ্লোকটা আসলে অসত্য। সারাদিনে ভিখুর সামনে দিয়া হাজার দেড় হাজার লোক যাতায়াত করে এবং গড়ে প্রতি পঞ্চাশ জনের মধ্যে একজন তাহাকে পয়সা অথবা আধলা দেয়। আধলার সংখ্যা বেশী হইলে সারাদিনে ভিখুর পাঁচ ছ' আনা রোজগার হয়, কিন্তু সাধারণতঃ তাহার উপার্জন আট আনার কাছাকাছি থাকে। সপ্তাহে এখানে দু'দিন হাট বসে। হাটবারের উপার্জন তাহার একটা পুরা টাকার নীচে নামে না।

এখন বর্ষাকাল অতিক্রান্ত হইয়া গিয়াছে। নদীর দু'তীর কাশে শাদা হইয়া উঠিয়াছে। নদীর কাছেই বিষ্ণুমাঝির বাড়ীর পাশের ভাঙা চালাটা ভিখু, মাসিক আট আনায় ভাড়া করিয়াছে। রাজে সে ওইখানেই শুইয়া থাকে। ম্যালেরিয়ায় যুত একব্যক্তির জীর্ণ কিন্তু পুরু একটি কাঁধা সে সংগ্রহ করিয়াছে, লোকের বাড়ীর খড়ের গাদা হইতে চুরি করিয়া আনা খড় বিছাইয়া তাহার উপর কাঁধাটি পাতিয়া সে আয়াম করিয়া ঘুমায়ে। মাঝে মাঝে সহরের ভিতরে গৃহস্থবাড়ীতে ভিক্ষা করিতে গিয়া সে কয়েকখানা ছেঁড়া কাপড় পাইয়াছে। তাই পুঁটুলি করিয়া বালিসের মত ব্যবহার করে। রাজে নদীর জলো-বাতাসে শীত করিতে থাকিলে পুঁটুলি খুলিয়া একটি কাপড় গায়ে জড়াইয়া লয়।

স্বখে থাকিয়া এবং পেট ভরিয়া খাইয়া কিছুদিনের মধ্যে ভিখুর দেহে পূর্বের স্বাস্থ্য ফিরিয়া আসিল। তাহার ছাতি ফুলিয়া উঠিল, প্রত্যেকটি অঙ্গ সঞ্চালনে

হাতের ও পিঠের মাংস-পেশী নাচিয়া উঠিতে লাগিল। অবকদ্ধ শক্তির উদ্বেজনায় ক্রমে ক্রমে তাহার মেজাজ উদ্ধত ও অসহিষ্ণু হইয়া পড়িল। অভ্যস্ত বুলি আওড়াইয়া কাতরভাবেই সে এখনো ভিক্ষা চায় কিন্তু ভিক্ষা না পাইলে তাহার ক্রোধের সীমা থাকে না। পথে লোকজন না থাকিলে তাহার প্রীতি উদাসীন পথিককে সে অন্নীয় গাল দিয়া বসে। এক পয়সার জিনিস কিনিয়া ফাউ না পাইলে দোকানীকে মারিতে উঠে। নদীর ঘাটে মেয়েরা স্নান করিতে নামিলে ভিক্ষা চাহিবার ছলে জলের ধারে গিয়া দাঁড়ায়। মেয়েরা ভয় পাইলে সে খুসি হয় এবং সরিয়া যাইতে বলিলে নড়ে না, দাঁত বাহির করিয়া দুর্বিনীত হাসি হাসে।

রাত্রে স্মরচিত শয্যায় সে ছটফট করে।

নারী-সঙ্গ-হীন এই নিকৃৎসব জীবন আর তাহার ভাল লাগে না। অতীতের উদ্দাম ঘটনাবহুল জীবনটির জন্ত তাহার মন হাহাকাঙ্ক করে।

তাড়ির দোকানে ভাঁড়ে ভাঁড়ে তাড়ি গিলিয়া সে হলা করিত, টলিতে টলিতে বাসির ঘরে গিয়া উন্নত রাজি যাপন করিত, আর মাঝে মাঝে দল বাঁধিয়া গভীর রাত্রে গৃহস্থের বাড়ী চড়াও হইয়া সকলকে মারিয়া কাটিয়া টাকা ও গহনা লুটিয়া রাতারাতি উধাও হইয়া যাইত। স্ত্রীর চোখের সামনে স্বামীকে বাঁধিয়া মারিলে তাহার মুখে যে অবর্ণনীয় ভাব দেখা দিত, পুত্রের অঙ্গ হইতে ফিনকি দিয়া বস্তু ছুটিলে মা যেমন করিয়া আর্তনাদ করিয়া উঠিত, মশালের আলোয় সে দৃশ্য দেখা আর সেই আর্তনাদ শোনার চেয়ে উন্মাদনাকর নেশা জগতে আর কি আছে? পুলিশের ভয়ে গ্রাম হইতে গ্রামান্তরে পলাইয়া বেড়াইয়া আর বনে জঙ্গলে লুকাইয়া থাকিয়াও যেন তখন সুখী ছিল। তাহার দলের অনেকেই বার বার ধরা পড়িয়া জেল খাটিয়াছে কিন্তু জীবনে একবারের বেশী পুলিশ তাহার নাগাল পায় নাই। রাধু বাগ্দীর সঙ্গে পাহানার শ্রীপতি বিশ্বাসের বোনটাকে যেবার সে চুরি করিয়াছিল সেইবার সাতবছরের জন্ত তাহার কয়েদ হইয়াছিল, কিন্তু ছ'বছরের বেশী কেহ তাহাকে জেলে আটকাইয়া রাখিতে পারে নাই। এক বর্ষার সন্ধ্যায় জেলের প্রাচীর ভিক্সাইয়া সে পলাইয়াছিল। তারপর একা সে গৃহস্থবাড়ীতে ঘরের বেড়া কাটিয়া চুরি করিয়াছে, দিনে দুপুরে পুকুর-ঘাটে একাকিনী গৃহস্থ বধুর মুখ চাপিয়া গলাব হার, হাতের বালা খুলিয়া লইয়াছে, রাধুর বৌকে সঙ্গে নিয়া নোয়াখালি হইয়া সমুদ্র ভিক্সাইয়া পাড়ি দিয়াছে একেবারে হাতিয়ার। ছ'মাস পরে রাধুর বৌকে হাতিয়ার ফেলিয়া আসিয়া পর পর তিনবার তিনটা দল করিয়া দূরে দূরে কত গ্রামে ডাকাতি করিয়া বেড়াইয়াছে তাহার সবগুলির নামও এখন তাহার স্মরণ

নাই। তারপর এই সেদিন বৈকুণ্ঠ সাহাৰ মেজ ভাইটোৱৰ গলাটা সে দা'য়েৰ এক কোপে ছ'ফাঁক কৰিয়া দিয়া আশিয়াছে।

কি জীবন তাহাৰ ছিল, এখন কি হইয়াছে!

মাহুৰ খন কৰিতে যাহাৰ ভাল লাগিত, সে আজ ভিক্ষা না দিয়া চলিয়া গেলে পথচাৰীকে একটু টিটকিৱি দেওয়ার মধো মনের জ্বালা নিঃশেষ কৰে। দেহেৰ শক্তি তাহাৰ এখনো তেমনি অক্ষুণ্ণ আছে। সে শক্তি প্ৰয়োগ কৰিবার উপায়টাই তাহাৰ নাই। কত দোকানে গভীৰ ৰাজে সামনে টাকাৰ থোক লাজাইয়া একা বসিয়া দোকানী হিসাব মেলায়, বিদেশগত কত পুৰুষেৰ গৃহে মেয়েৰা থাকে একা। এদিকে, ধাৱালো একটা অস্ত্ৰ হাতে গুদেৰ সামনে হমকি দিয়া পড়িয়া একদিনে বড়লোক হওয়ার পৰিবৰ্তে বিগ্নুমাঝিৰ চালাটাৰ নীচে সে চুপচাপ শুইয়া থাকে।

ডান হাতটোতে অক্ষকাৰে হাত বুলাইয়া ভিখুৰ আপ্শোষেৰ সীমা থাকে না। সংসাৰেৰ অসংখ্য ভীক ও দুৰ্বল নৱনাৰীৰ মধে এতবড় বুকেৰ পাটা আৰ এমন একটা জোৱালো শৰীৰ নিয়া শুধু একটা হাতেৰ অভাবে সে যে মৰিয়া আছে। এমন কপালও মাহুৰেৰ হয়?

তবু এ দুৰ্ভাগ্য সে সহ কৰিতে পাৰে। আপ্শোষেই নিবৃত্তি। একা ভিখু আৰ থাকিতে পাৰে না।

ৰাজাৰে চুকিবাৰ মুখেই একটা ভিখাৰিণী ভিক্ষা কৰিতে বসে। বয়স তাহাৰ বেশী নয়, দেহেৰ বাধুনিও বেশ আছে। কিন্তু একটা পায়ে হাঁটুৰ নীচে হইতে পায়ের পাতা পৰ্বন্ত তাহাৰ ধকধকে তৈলাক্ত ষা।

এই ঘায়েৰ জোৱে সে ভিখুৰ চেয়ে বেশী ৰোজগাৰ কৰে। সেজন্য ঘা'টিকে সে বিশেষ যত্নে সাৱিতে দেয় না।

ভিখু মধে মধে গিয়া তাহাৰ কাছে বসে। বলে, 'ঘা'টি সাৱবো না, লয়?' ভিখাৰিণী বলে 'খুব! অহুদ দিলে অখনি সাৱে।'

ভিখু সাগ্ৰহে বলে, 'সাৱা তবে, অহুদ দিয়া চটপট সাৱাইয়া ল। ঘা'টি সাৱলে তোৰ আৰ ভিক্ মাগতি অইবো না,—জানস্? আমি তোৰে ৰাখম।'

'আমি থাকলি'ত।'

'ক্যান? থাকবি না ক্যান? খাওয়ামু পৰামু, আৱামে ৰাখমু, পায়ের পৰনি পা'টি দিয়া গাঁট হইয়া বইয়া থাকবি। না কবস্ তুই বিয়েৰ লেগে?'

অত সহজে ভুলিবাৰ মেয়ে ভিখাৰিণী নয়। খানিকটা ভাৱাকপাতা মুখে শুজিয়া সে বলে, 'হু'দিন বাদে মোৰে যখন তুই খেদাইয়া দিবি, ঘা'টি মুই তখন পামু কোৱানে?'

ভিখু আজীবন একনিষ্ঠতার প্রতিজ্ঞা ক'রে, স্থখে রাখিবার লোভ দেখায়। কিন্তু ভিখারিণী কোন মতেই রাজী হয় না। ভিখু ক্ষুণ্ণ মনে ফিরিয়া আসে।

এদিকে আকাশে চাঁদ ওঠে, নদীতে জোয়ার ভাঁটা বয়, শীতের আমেজে বায়ুস্বরে মাদকতা দেখা দেয়। ভিখুর চালার পাশে কলাবাগানে চাঁপাকলার কাঁদি শেষ হইয়া আসে। বিল্পু মাঝি কলা বিক্রির পয়সায় বৌকে রূপার গোট কিনিয়া দেয়। তালের রসের মধ্যে নেশা ক্রমেই ঘোবালো ও জমাট হইয়া ওঠে। ভিখুর প্রেমের উত্তাপে ঘৃণা উবিয়া যায়। নিজেকে সে আর সামলাইয়া রাখিতে পারে না।

একদিন সকালে উঠিয়াই সে ভিখারিণীর কাছে যায়। বলে 'আইচ্ছা, ল, যা লইয়াই চল!'

ভিখারিণী বলে—'আগে আইবার পার নাই? যা, এখন মর গিয়া, আখার তলের ছালি খা গিয়া।'

'ক্যান? ছালি খাওনের কথাজ কি?'

'তোর লাইগা হাঁ কইরা বইসা আছি ভাবছস তুই, বটে? আমি উই উয়ার সাথে রইছি।'

ওদিকে তাকাইয়া ভিখু দেখিতে পায় তাহারই মত জোয়ান দাড়িওয়ালো এক খঞ্জ ভিখারী খানিক তফাতে আসন করিয়াছে। তাহার ডান হাতটির মত ওর একটি পা হাঁটুর নীচে শুকাইয়া গিয়াছে, বিশেষ যত্নসহকারে এই অংশটুকু সামনে মেলিয়া রাখিয়া সে আল্লার নামে সকলের দয়া প্রার্থনা করিতেছে।

পাশে পড়িয়া আছে কাঠের একটা কৃত্রিম হুঙ্গ পা।

ভিখারিণী আবার বলিল—'বসস্ যে? যা, পালাইয়া যা, দেখলি খুন কইরা ফেলাইবো কইয়া দিলাম।'

ভিখু বলে, 'আরে ধো, খুন, অমন সব হালাই করতিছে। উয়ার মত দশটা গাইনঘেরে আমি একা ঘায়েল কইরা দিবার পার্তাম, তা জানস্?'

ভিখারিণী বলে—'পারস্ তো যা না, উয়ার সাথে লাগ না গিয়া। আমার কাছে কি?'

'উয়াকে তুই ছাড়ান দে। আমার কাছে চ'।'

'ইরে সোনা! তামুক খাবা? যা দেইখা পিছাইছিলি, তোর লগে আৰ খাতির কিরে হালার পুত? উয়ারে ছাড়ুয় ক্যান? উয়ার মত কামাস তুই? বর আছে তোর? ভাগবি তো ভাগ, নইলে গাল দিমু কইলুম।'

ভিখু তখনকার মত প্রস্থান করে কিন্তু হাল ছাড়ে না। ভিখারিণীকে একা

দেখিলেই কাছে আসিয়া দাঁড়ায়। ভাব জানাইবার চেষ্টা করিয়া বলে, 'তোরা নামটো কির্যা?'

এমনি তাহারা পরিচয়হীন যে এত কাল পরস্পরের নাম জিজ্ঞাসা করিবার প্রয়োজনও বোধ করে নাই।

ভিখারিণী কালো দাঁতের ফাঁকে হাসে।

'ফের লাগতে আইছস? হোই ও বুড়ীর কাছে যা।' ভিখু তাহার কাছে উবু হইয়া বসে। পরসার বদলে অনেকে চাল ভিক্ষা দেয় বলিয়া আজকাল সে কাঁধে একটা ঝুলি ঝুলাইয়া বেড়ায়। ঝুলির ভিতর হইতে একটা প্রকাণ্ড মর্তমান কলা বাহির করিয়া ভিখারিণীর সামনে রাখিয়া বলে, 'খা। তোয় লেগে চুরি কইরা আনছি।'

ভিখারিণী তৎক্ষণাৎ খোসা ছাড়াইয়া প্রেমিকের দান আনন্দসাৎ করে। খুসী হইয়া বলে, 'নাম শুনবার চাস? পাঁচী কয় মোরে,—পাঁচী। তুই কলা দিছস, নাম কইলাম, এবারে ভাগ।'

ভিখু উঠিবার নাম করে না। অভবড় একটা কলা দিয়া শুধু নাম শুনিয়া খুসী হওয়ার মত সৌখীন সে নয়। যতক্ষণ পারে ধুলার উপর উবু হইয়া বলিয়া পাঁচীর সঙ্গে সে আলাপ করে। ওদের স্তরে নামিয়া না গেলে সে আলাপকে কেহ আলাপ বলিয়া চিনিতে পারিবে না। মনে হইবে পরস্পরকে তাহারা যেন গাল দিতেছে। পাঁচীর সঙ্গীটির নাম বসির। তাহার সঙ্গেও সে একদিন আলাপ জমাইবার চেষ্টা করিল।

'সেলাম মিয়া।'

বসির বলিল—'ইদিকে ঘুরাকিরা কি জন্ত? সেলাম মিয়া হতিছে! লাঠির একঘায়ে শিরটি ছেঁচ্যা দিমু নে।'

হুজনে খুব খানিকটা গালাগালি হইয়া গেল। ভিখুর হাতে লাঠি ও বসিরের হাতে মস্ত একটা পাথর থাকায় মারামারিটা আর হইল না।

নিজের তেঁতুল গাছের তলায় ফিরিয়া যাওয়ার আগে ভিখু বলিল, 'ব', তোরে নিপাত করতেছি।'

বসির বলিল,—'ফের উয়ার সাথে বাতচিত করলি' জানে মাইরা দিমু, আন্নার কিরে।'

এই সময় ভিখুর উপার্জন কমিয়া আসিল।

পথ দিয়া প্রত্যহ নূতন নূতন লোক যাতায়াত করে না। একেবারে প্রথমবারের জন্ত যাহারা পথটি ব্যবহার করে দৈনন্দিন পথিকদের মধ্যে তাহাদের

সংখ্যা ছই মাসের ভিতরেই মুষ্টিমেয় হইয়া আসে। ভিখুকে একবার যাহারঃ একটি পয়সা দিয়াছে পুনরায় তাহাকেই দান করিবার প্রয়োজন তাহাদেবঃ অনেকেই বোধ করে না। সংসারে ভিখারীর অভাব নাই।

কোন বকমে ভিখুর পেট চলিতে লাগিল। হাটবার ছাড়া রোজগারেরঃ একটি পয়সাও সে বাঁচাইতে পারিল না। সে ভাবনায় পড়িয়া গেল।

শীত পড়িলে খোলা চালার নীচে থাকা কষ্টকর হইবে। যেখানে হোক চারিদিক ঘেরা যেমন-তেমন ঘর একখানা তাহার চাই। মাথা গুঁজিবার একটা ঠাঁই আর দুবেলা খাইতে না পাইলে কোন যুবতী ভিখারিণীই তাহার সঙ্গে বাস করিতে রাজী হইবে না। অথচ উপার্জন তাহার যেভাবে কমিয়া আসিতেছে এভাবে কমিতে থাকিলে শীতকালে নিজেই হয়ত সে পেট ভরিয়া খাইতে পাইবে না।

যেভাবেই হোক আয় তাহাকে বাড়াইতেই হইবে।

এখানে থাকিয়া আয় বাড়াইবার কোন উপায়ই সে দেখিতে পায় না। চুরি ডাকাতির উপায় নাই, মজুর খাটিবার উপায় নাই, একেবারে খুন করিয়া না ফেলিলে কাহারও কাছে অর্থ ছিনাইয়া লওয়া একহাতে সম্ভব নয়। পাঁচীকে ফেলিয়া এই সহর ছাড়িয়া কোথাও যাইতে তাহার ইচ্ছা হয় না। আপনার ভাগ্যের বিরুদ্ধে ভিখুর মন বিদ্রোহী হইয়া ওঠে। তাহার চালার পাশে বিব্রু মান্নির সুখী পারিবারিক জীবনটা তাহাকে হিংসায় জর্জরিত করিয়া দেয়। এক-এক দিন বিব্রুর ঘরে আগুন ধরাইয়া দিবার জন্ত মন ছটফট করিয়া ওঠে। নদীর ধারে খ্যাপার মত ঘুরিতে ঘুরিতে মাঝে মাঝে তাহার মনে হয় পৃথিবীর সমস্ত পুরুষকে হত্যা করিয়া পৃথিবীর যত খাগ ও যত নারী আছে একা সন্ধে দখল করিতে না পারিলে তাহার তৃপ্তি হইবে না।

আরও কিছুকাল ভিখু এমনি অসন্তোষের মধ্যে কাটাইয়া দিল। তারপর একদিন গভীর রাত্রে ঝুলির মধ্যে তাহার সমস্ত মূল্যবান জিনিস ভরিয়া জমানো টাকা কটি কোমরের কাপড়ে শক্ত করিয়া বাঁধিয়া ভিখু তাহার চালা হইতে বাহির হইয়া পড়িল। নদীর ধারে একদিন সে হাতখানেক লম্বা একটা লোহার শিক কুড়াইয়া পাইয়াছিল। অবসর মত পাথরে ষড়িয়া ষড়িয়া শিকটির একটা মুখ সে চোখা করিয়াছে। এই অঞ্জটিও সে ঝুলির মধ্যে ভরিয়া সন্ধে লইল।

অমাবস্তার অন্ধকারে আকাশ বা তারা তখন ঝিকমিক করিতেছে। দৈশ্বের পৃথিবীতে শান্ত স্তব্ধতা। বহুকাল পরে মধ্যরাত্রির জনহীন জগতেঃ মনের মধ্যে ভয়ানক একটা কল্পনা নিয়া বিচরণ করিতে বাহির হইয়া ভিখু

সহসা অকথনীয় উল্লাস বোধ হইল। নিজে মনে অশ্রুটম্বরে সে বলিয়া

‘বাঁ টি লইয়া ডানটিরে যদি রেহাই দিতা ভগমান।’

নদীর ধারে ধারে আধমাইল হাঁটিয়া গিয়া একটি সঙ্কীর্ণ পথ দিয়া সে সহরে প্রবেশ করিল। বাজার বাঁ হাতি রাখিয়া ঘুমন্ত সহরের বুকে ছোট ছোট অলিগলি দিয়া সহরের অপরপ্রান্তে গিয়া পৌঁছিল। সহরে যাওয়ার পাকা রাস্তাটি এখান দিয়া সহর হইতে বাহির হইয়াছে। নদী ঘুরিয়া আসিয়া দু’মাইল তফাত এই রাস্তারই পাশে পাশে মাইল খানেক রহিয়া গিয়া আবার দক্ষিণে দিক পরিবর্তন করিয়াছে।

কিছুদূর পর্যন্ত রাস্তার দু’দিকে ফাঁকে ফাঁকে দু’একটি বাড়ী চোখে পড়ে। তারপর ধানের ক্ষেত ও মাঝে মাঝে জঙ্গলাকীর্ণ পতিত ডাঙ্গার দেখা পাওয়া যায়। এমনি একটা জঙ্গলের ধারে খানিকটা জমি সাফ করিয়া পাঁচ সাতখানা কুঁড়ে তুলিয়া কয়েকটা হতভাগা মানুষ একটি দরিদ্রতম পল্লী স্থাপিত করিয়াছে। তার মধ্যে একটি কুঁড়ে বসিরের। ভোরে উঠিয়া ঠক ঠক শব্দে কাঠের পা ফেলিয়া সে সহরে ভিক্ষা করিতে যায়, সন্ধ্যার সময় ফিরিয়া আসে। পাঁচী গাছের পাতা জালাইয়া ভাত রাঁধে, বসির টানে তামাক। রাতে পাঁচী পায়ের ঘায়ে শ্রাকড়ার পটি জড়ায়। বাঁশের খাটে পাশাপাশি শুইয়া তাহাদের কাটা কাটা কদম্ব ভাষায় গল্প করিতে করিতে তাহারা ঘুমাইয়া পড়ে। তাহাদের নীড়, তাহাদের শয্যা ও তাহাদের দেহ হইতে ভাপনা পচা দুর্গন্ধ উঠিয়া খড়ের চালের ফুটা দিয়া বাহিরের বাতাসে মিশিতে থাকে।

ঘুমের ঘোরে বসির নাক ডাকায়। পাঁচী বিড় বিড় করিয়া বকে।

ভিখু একদিন ওদের পিছু পিছু আসিয়া ঘর দেখিয়া গিয়াছিল। অন্ধকারে সাবধানে ঘরের পিছনে গিয়া বেড়ার ফাঁকে কান পাতিয়া সে কিছুক্ষণ কচু বনের মধ্যে দাঁড়াইয়া রহিল। তারপর ঘুরিয়া ঘরের সামনে আসিল। ভিখারীর কুঁড়ে, দরজার কাঁপটি পাঁচী ভিতর হইতে বন্ধ করে নাই, শুধু ঠেকাইয়া রাখিয়াছিল। কাঁপটা সম্বর্পণে একপাশে সরাইয়া দিয়া বুলির ভিতর হইতে শিকটি বাহির করিয়া শক্ত করিয়া ধরিল। ঘরের মধ্যে প্রবেশ করিল। বাহিরে তারার আলো ছিল, ঘরের ভিতরে সেটুকু আলোরও অভাব। দেশলাই জালিবার অতিরিক্ত হাত নাই; ঘরের মধ্যে দাঁড়াইয়া ভিখু ভাবিয়া দেখিল বসিরের হৃদপিণ্ডের অবস্থানটি নির্ণয় করা সম্ভব নয়। বাঁ হাতের আঘাত, ঠিক জায়গামত না পড়িলে বসির গোলমাল করিবার সুযোগ পাইবে। তাহাতে মুঞ্চিল অনেক।

কয়েক মুহূর্ত চিন্তা করিয়া বসিরের শিয়রের কাছে সরিয়া গিয়া একটিমাত্র



আঘাতে ঘুমন্ত লোকটার তালুর মধ্যে শিকের চোখা দিকটা সে প্রায় তিন আঙ্গুল ভিতরে ঢুকাইয়া দিল। অন্ধকারে আঘাত কতদূর মারাত্মক হইয়াছে বুঝিবার উপায় ছিল না। শিকটা মাথার মধ্যে ঢুকিয়াছে টের পাইয়াও ভিখু তাই নিশ্চিন্ত হইতে পারিল না। এক হাতে সবলে বসিরের গলা চাপিয়া ধরিল।

পাঁচীকে বলিল, ‘চুপ থাক। চিন্তাবিতো তোরেও মাইরা ফেলামু।’

পাঁচী চোঁচাইল না, ভয়ে গোড়াইতে লাগিল।

ভিখু তখন আবার বলিল, ‘একটুকু আওয়াজ লয়, ভালা চান ত একদম চুপ মাইরা থাক।’

বসির নিষ্পন্দ হইয়া গেলে ভিখু তাহার গলা হইতে হাত সরাইয়া নিল।

দম নিয়া বলিল, ‘আলোটা জ্বাইলা দে, পাঁচী।’

পাঁচী আলো জ্বালিলে ভিখু পরম তৃপ্তির সঙ্গে নিজের কীর্তি চাহিয়া দেখিল। একটি মাত্র হাতের সাহায্যে অমন জোয়ান মাহুঘটাকে ঘায়েল করিয়া গর্বের তাহার সীমা ছিল না। পাঁচীর দিকে তাকাইয়া সে বলিল,— ‘দেখছস? কেডা কারে খুন করল দেখছস? তখন পই পই কইরা কইলাম; মিয়াবাই ঘোড়া ডিক্কাইয়া ঘাস খাইবার লারবা গো, ছারান দেও। শুইনে মিয়াবায়ের অইল গোসা! কয় কিনা, শির ছেঁচ্যা দিমু। দেন গো দেন, শিরটা আমার ছেঁচ্যাই দেন মিয়াবাই—’ বসিরের যুতদেহের সামনে ব্যক্তভাবে মাথাটা একবার নত করিয়া ভিখু মাথা দুলাইয়া হা হা করিয়া হাসিতে লাগিল। সহসা জুন্ধ হইয়া বলিল, ‘ঠ্যারাইন বোবা ক্যান গো? আবে কথা ক’ হাড়হাবাইতা মাইয়া! তোরেও দিমু নাকি.সাবার কইরা,—অ্যা?’

পাঁচী কাঁপিতে কাঁপিতে বলিল,—‘ইবারে কি করবি?’

‘জাখ কি করি! পয়সা কড়ি ক’নে শুইনা রাখছে, আগে তাই ক।’

বসিরের গোপন সঞ্চয়ের স্থানটি পাঁচী অনেক কষ্টে আবিষ্কার করিয়াছিল। ভিখুর কাছে প্রথমে সে অজ্ঞতার ভান করিল। কিন্তু ভিখু আসিয়া চুলের মুঠি চাপিয়া ধরিলে প্রকাশ করিতে পথ পাইল না।

বসিরের সমস্ত জীবনের সঞ্চয় কম নয়, টাকায় আধুলিতে একশত টাকার উপর। একটা মাহুঘকে হত্যা করিয়া ভিখু পূর্বে ইহার চেয়ে বেশী উপার্জন করিয়াছে। তবু সে খুসী হইল। বলিল ‘কি কি নিবি পুঁটলি বাঁইধা ফ্যালা পাঁচী। তারপর ল’ রাইত থাকতে মেলা করি। খানিক বাদে নওমির চাঁদ উঠবো, আলোয় আলোয় পথটুকু পার হমু।’

পাঁচী পুঁটলি বাঁধিয়া লইল। তারপর ভিখুর হাত ধরিয়া খোঁড়াইতে

খোঁড়াইতে ঘরের বাহির হইয়া রাস্তায় গিয়া উঠিল। পূর্বাকাশের দিকে  
চাহিয়া ভিখু বলিল ‘অখনই চান্দ উটবো পাঁচী।’

পাঁচী বলিল, ‘আমরা যামু কনে?’

‘সদর। ষাটে না’ চুরি ককম। বিয়ানে ছিপতিপুরের সামনে জংলার  
মন্ডি তুইকা থাকুম রাইতে একদম সদর। পা চালাইয়া চ’ পাঁচী, এক কোশ  
পথ হাটন লাগব।’

পায়ের ষা নিয়া তাড়াতাড়ি চলিতে পাঁচীর কষ্ট হইতেছিল। ভিখু সহসা  
একসময় দাঁড়াইয়া পড়িল। বলিল, পায়ে নি তুই বাধা পাম পাঁচী?

‘হ’, ব্যাধা জানায়।

‘পিঠে চাপামু?’

‘পারবি ক্যান?’

‘পাকুম, আয়।’

ভিখুর গলা জড়াইয়া ধরিয়া পাঁচী তাহার পিঠের উপর বুলিয়া রহিল।  
তাহার দেহের ভায়ে সামনে খুঁকিয়া ভিখু জোরে জোরে পথ চলিতে লাগিল।  
পথের দু’দিকে ধানের ক্ষেত আবছা আলোয় নিঃসাড়ে পড়িয়া আছে। দূরে  
গ্রামের গাছপালার পিছন হইতে নবমীর চাঁদ আকাশে উঠিয়া আসিয়াছে।  
ঈশ্বরের পৃথিবীতে শাস্ত স্তব্ধতা।

তখনো ওই চাঁদ আর এই পৃথিবীর ইতিহাস আছে। কিন্তু যে ধারাবাহিক  
অন্ধকার মাতৃগর্ভ হইতে সংগ্রহ করিয়া দেহের অভ্যন্তরে লুকাইয়া ভিখু ও  
পাঁচী পৃথিবীতে আসিয়াছিল এবং যে অন্ধকার তাহারা সন্তানের মাংসল  
আবেষ্টনীর মধ্যে গোপন রাখিয়া যাইবে তাহা প্রাগৈতিহাসিক, পৃথিবীর আলো  
আজ পর্যন্ত তাহার নাগাল পায় নাই, কোনদিন পাইবেও না।

## চোর

আকস্মিক বর্ষায় ভিজিয়া-ওঠা রাত্রি। বৈকালের মেঘশূন্য আকাশে সন্ধ্যার  
অন্ধকারের সঙ্গে নিবিড় হইয়া মেঘ ঘনাইয়া আসিয়াছিল। মধ্যরাত্রে নিদ্রিত  
নিয়ম গ্রামটির উপর সে মেঘ সহসা অবিরল ধারে গলিয়া পড়িতে শুরু করিল।

গ্রামের পাশ দিয়া একটা খাল বহিয়া গিয়া বঙ্গলপুরের কাছে বড় নদীতে  
মিশিয়াছে। খালের পূর্বপাড়ে গ্রামের যে অংশটুকু আছে তাহাতে জঙ্গলোকে  
বসতি নাই। গোয়ালপাড়া, কুমোরপাড়া, আর বাগদীপাড়া লইয়া খালের এ  
তীরের গ্রাম। কয়েকঘর দরিদ্র চাষ তাহার মধ্যে মাথা গুঁজিয়া আছে।

খালের খানিক তফাতে প্রকাণ্ড একটা বিল। স্থানটা একটু জঙ্গলাকীর্ণ এবং অত্যন্ত অস্বাস্থ্যকর।

গোয়ালপাড়ার শেষের দিকে, বিলের ধারের জঙ্গল ঘেঁষিয়া, পুরাতন খড়ে-ছাওয়া বাড়ীটি মধু ঘোষের। তন্তুপোষে মলিন দুর্গন্ধ বিছানায় মধু ঘুমাইয়াছিল। কাল সবে তাহার জ্বর ছাড়িয়া গিয়াছে। শরীরে এখনো সে ভাল করিয়া বল পায় নাই। বৃষ্টির শব্দে ঘুম ভাঙ্গিয়া ছেঁড়া কাঁথাটা গায়ে জড়াইয়া সে বিছানায় উঠিয়া বসিল। বেড়ার গায়ে বাঁশের কঞ্চি বসানো ক্ষুদ্র জানালাটি দিয়া উৎসুক দৃষ্টিতে বাহিরের অন্ধকারের দিকে চাহিয়া বসিল, ‘ত্যাখ্ কাহু, কপালখানা স্থাখ একবার।’

কাহু আগেই উঠিয়া প্রদীপ জালিয়াছিল। বসিল, ‘কপালের কি হ’ল ?

মধু বিমর্ষভাবে বসিল, এখনো পথিা পেলাম না, আজ শালার জল নামল। দু’দিন পরে এ জলটা হলে একবার বেরোনো যেত। ভাদ্রের শেষ, এ বছর আর জল হবে কি না ভগবান জানে !’

বর্ষার রাত্রে চুরি করিবার অনেক সুবিধা আছে। অমাবস্তার রাত্রির চেয়ে অন্ধকার গাঢ় হয়, ঠাণ্ডায় মানুষ গভীরভাবে ঘুমায়, শত প্রয়োজনেও সহজে কেহ পথে বাহির হয় না। গ্রামের কুকুরগুলি আশ্রয় খুঁজিয়া লইয়া মাথা গুঁজিয়া থাকে, সামান্য পদশব্দেই থা থা করিয়া উঠে না। গৃহস্থের ঘরের ভিটা বৃষ্টির জলে নরম হইয়া থাকে। সিঁদ কাটা সহজ হইয়া পড়ে এবং শব্দ হয় কম।

মধুর সিঁদ কাটিবার বিশেষ দরকার ছিল। গত বৈশাখ মাসে রম্বলপুরের মেলায় পুলিশের লাইসেন্স লইয়া বালা খেলার ব্যবস্থা করিয়া সে কিছু টাকা পাইয়াছিল। তারপর এ পর্যন্ত তাহার আর কোন উপার্জন হয় নাই। উপার্জনের চেষ্টাও অবশ্য সে করে নাই। হাতের টাকা একেবারে শেষ না হইয়া গেলে রোজগারের দিকে মধু নজর দিতে পারে না। এমনিভাবেই সে এতকাল কাটাইয়াছে। এই তাহার স্বভাব। বছরের কয়েকটা মাস তাহার বেশ সুখেই কাটিয়া যায়। বাকী মাসগুলি অভাবের পীড়নে তাহার ও কাহুর কষ্টের সীমা থাকে না। একেবারে অচল হইয়া পড়ার আগে মধু সহসা আবার কিছু টাকা সংগ্রহ করিয়া ফেলে।

বৈধ উপায়ে আজ পর্যন্ত সে একটি পয়সাও উপার্জন করিয়াছে কি না সন্দেহ। গোপন ও প্রকাশ্য যতপ্রকার উপায়ে তাহার অনিয়মিত আয় হয় তার সবগুলিই নীতিবিগর্হিত। কিন্তু কোন রকম নীতির ধার মধু ধারে না। পয়সার জন্ত সে করিতে পারে না জগতে এমন কাজ নাই। সে শিশুর গলার হার ছিনাইয়া

লইয়াছে, মেলায় জুয়াড়ী সাজিয়া দরিদ্র চাষার উপার্জনে ভাগ বসাইয়াছে, পকেট মারিয়াছে, দূর গ্রামে গিয়া পিতৃদায় উদ্ধারের জন্ত বাড়ী বাড়ী ভিক্ষা করিয়াছে। কোমরে লাঞ্ছিত আটিয়া সর্বাঙ্গ তৈলাক্ত করিয়া মাঝে মাঝে গৃহস্থের ভিটায় সিঁদু সে দিয়াছে। দেহে শক্তি ও মনে সাহস থাকিলে বোধ হয় ডাকাতি করিতেও সে ছাড়িত না।

দুয়ারের কাছে প্রদীপটা নামাইয়া রাখিয়া ঝাঁপ খুলিতে খুলিতে কাহু তাহার কথার জ্বাবে বলিল, 'বেরিয়ে তো রাজা হয়ে আসতে। মজুর খাটলে মাল্লব তোমার চেয়ে বেশী রোজগার করে।'

মধু আহত ও উৎক হইয়া বলিল, 'কেন, রোজগারটা কম হচ্ছে কি শুনি? তোকে সেদিন রূপোর চুড়ি কিনে দিইনি?'

কাহু মুখ ফিরাইয়া বলিল 'ও, ভারি রূপোর চুড়ি' দিয়েছ! চার বছর ঘর করছি, ক-গাছা রূপোর চুড়ি দিয়ে বাথানের আর সীমে নেই। চুলোয় গুঁজে দেব চুড়ি।'

ঝাঁপ খুলিয়া সে বাহিরে চলিয়া গেল। ঘুঁটের ঝুড়িটা বাহিরের রোয়াক হইতে ঘরের ভিতরে আনিয়া রাখিয়া বলিল, 'সাধ আহ্লাদ চুলোয় গেছে। ঘুঁটে দিয়ে ঝিগিরি করে মরলাম। ছ-গাছা চুড়ি দিয়ে অত তোমার বড়াই কিসের? অল্প কেউ হলে কত দিত!'

মধু অবাধ হইয়া গেল। কাহুর মুখে এই ধরনের নালিশ শুনিবার অভ্যাস তাহার ছিল না। নালিশ করিবার স্বভাব কাহুর নয়। চার বছর আগে বৃন্দাবনপুরের যতীন সাহার বাড়ীতে সিঁদু দিয়া মধুর একটা মোটা রকম লাভ হইয়াছিল। মাসে দশ টাকা আর খাওয়া-পরা দিলেই কুমোরপাড়ার সৌদামিনী তাহার সঙ্গে বাস করিতে তখন রাজী হইয়া যাইত, কিন্তু দুইশত টাকা পণ দিয়া কাহুকেই বিবাহ করিয়া সে ঘরে আনে। তিন চার বছর জেলে পচিবার বিপদ মাথায় করিয়া উপার্জন-করা অভুলি টাকা দিয়া একদিনের জন্ত মধু আপ্সোস করে নাই। কাহুর রূপ ও গুণের তুলনায় ও-টাকা কিছুই নয়। হাতে টাকা থাকায় কাহুকে ঘরে আনিয়া বছর খানেক তাহার স্নেহেই কাটিয়া গিয়াছিল। এক বছরের মধ্যে উপার্জনের জন্ত মধু একেবারেই মাথা ঘামায় নাই। কাহুময় জগতে কাহুর নেশায় বিভোর হইয়া অলস অকর্মণ্য জীবনযাপন করিয়াছিল। তারপর টাকার অভাবে প্রায়ই তাহারা কষ্ট পাইয়াছে। মাঝখানে মধুতো একবার জেলেই যাইতে বসিয়াছিল। সে সময় কাহুকে ছ'এক বেলা উপবাস পর্যন্ত করিতে হইয়াছে; কিন্তু কাহু কখনো অল্পযোগ্য করে নাই। আজ ক-দিন ধরিয়া তাহার কি হইয়াছে কে জানে।

হু দিয়া আলো নিবানোর সময় কাছর আলোকোজ্জ্বল মুখখানি মধু একাগ্রদৃষ্টিতে চাহিয়া দেখিল। তাহার মনে হইল, কাছর মুখে একটা অপরিচিত ছায়া পড়িয়াছে। প্রদীপের শিখার কাছে মুখ আগাইয়া লইয়া গিয়া হুঁ দেওয়ার আগে কাছ যেভাবে আড়চোখে তাহার দিকে চাহিল সে ভঙ্গীও মধুর কাছে অচেনা ঠেকিল।

কাছ বিছানায় উঠিয়া আসিলে তাহাকে আদর করিবার চেষ্টা করিয়া মধু বলিল,—‘একবার বেবোই আজ কি বলিস কাছ?’

কাছ রুচভাবে তাহার আদর প্রত্যাখ্যান করিয়া বলিল, ‘তোমার খুশি। ঘুম পেয়েছে, জ্বালাত্তন কোরোনি বাবু, আমাকে ঘুমোতে দাও।’

মধু আহত হইয়া কাঁথাটা গায়ের উপর টানিয়া লইয়া নিঃশব্দে শুইয়া পড়িল। বাহিরে স্বপ্ন স্বপ্ন শব্দে বৃষ্টি হইতেছে। বর্ষার শেষ অভিনয়। চার পাঁচদিন পরেই পূর্ণিমা। কাল হয়ত মেঘশূন্য আকাশে চাঁদ উঠিবে। জ্যোৎস্নায় রাত্রিতে চলাফেরার গোপনতা যাইবে মুছিয়া। মধুর মন কেমন করিতে লাগিল। আজ রাত্রির মত স্বযোগ বহুকাল পাওয়া যাইবে না। কাছর মুখে আবার কবে সে হাসি ফুটাইতে পারিবে কে জানে। যতদিন যাইবে অভাব ততই বাড়িয়া চলিবে। কাছর ধৈর্য যখন একবার ভাঙিয়া গিয়াছে, রাগ এবং বিরক্তি তাহার অভাবের অল্পপাতে বাড়িবে বই কমিবে না।

মধুর ঘুম আসিল না। শুইয়া শুইয়া সে আকাশ-পাতাল ভাবিতে লাগিল। কিছুদিন আগে সে খবর পাইয়াছিল, গ্রামের রাখাল মিত্র অনেকগুলি নগদ টাকা সঙ্গে লইয়া বাড়ী আসিয়াছে। রাখাল মিত্রের বাড়ীটা কাঁচা। রাখালের টাকা রাখিবার লোহার সিঁদুকও নাই। মধুর লোভ হইয়াছিল। রাখাল বাড়ী আসিলে রাখালের বৌ স্বামীসেবার সুবিধার জন্ত একটা ঠিকা ক্রি রাখে। ঘরের সন্ধান আনিবার জন্ত অনেক বলিয়া কহিয়া কাছকে রাজি করিয়া মধু তাহাকে রাখালের বাড়ী কাজ করিতে পাঠাইয়াছিল। বলিয়াছিল, ‘একদিনের তরে যা কাছ। খবরটা এনে দে। একদিন কাজ ক’রে পোষালো না বলে চলে আসিস, আর তোকে যেতে হবে না।’ কাছ বলিয়াছিল, ‘হে ভগবান! শেষকালে কি-গিরি পরষু অদেটে ছেল !’

কোন ঘরের কোন দিকে রাখাল ঘুমোয়, তার ছেলে পারালাল কোন ঘরে শোয়, রাখালের ঘরের কোণায় বাক্স প্যাঁটরা থাকে, এসব খবর কাছ তাকে আনিয়া দিয়াছে। কিন্তু সেই হইতে নিজেও সে যেন কেমন বদলাইয়া গিয়াছে।

প্রথমটা মধু অত খেয়াল করে নাই। ভাবিয়াছিল, ক্রির কাজ করিতে

পাঠানোর কাছুর বুঝি রাগ হইয়াছে, সে অভিমান করিয়াছে, এ আর ক-দিন স্থায়ী হইবে? কিন্তু আজ কাছুর হৃৎপিণ্ড কলহ-ভাবণ ও নিষ্ঠুর আচরণের পর তাহার পরিবর্তনের ইতিহাস মধুর আগাগোড়া মনে পড়িতে লাগিল। ইহাকে সাময়িক ক্রোধ ও বিরক্তি মনে করিয়া স্বস্তি-লাভের সাহস তাহার আর রহিল না।

সবচেয়ে বেশী করিয়া মধুর মনে পড়িতে লাগিল এই কথা যে, কাছুর জন্মের ক-দিন ভাল করিয়া তাহার সেবা করে নাই, সময় মত খাইতে দেয় নাই, না ডাকিলে কাছে আসে নাই। সর্বদা কি বকম অন্তমনস্ক থাকিয়াছে। একদিনের বেশী তাহার দাসীবৃত্তি করিবার কোন প্রয়োজন ছিল না, তবু বিশেষ করিয়া বারণ করা সত্ত্বেও তাহাকে অন্তস্থ রাখিয়া সে রাখালের বাড়ী কাজ করিতে চলিয়া গিয়াছে। কৈফিয়ৎ দিয়াছে, 'হঠাৎ কাজ ছেড়ে দিলে লোকে সন্দ' করবে যে!'

'সন্দ করবে না করবে আমি বুঝব। তুই আর যাগনে কাছুর।'

'এ মাসের ক-টা দিন যাই। বলা নেই কওয়া নেই হঠাৎ মাহুয় কাজ ছেড়ে দেয় কি করে শুনি?'

এমনি সব কথা যার অর্থ বুঝা যায় না।

মাঝখানে একদিন রাখালের বড় ছেলে পান্নাবাবু আসিয়াছিল। এক অদ্ভুত প্রস্তাব লইয়া।

'রাজু কাল শস্তরবাড়ী যাবে মধু। তোমার বৌকে সঙ্গে দিতে হবে। বেশীদিনের জন্ত নয়,—ধর, এই দিন পনের।'

মধু রাজী হয় নাই।

কিন্তু রাখালের মেয়ের ঝি হইয়া তাহার শস্তরবাড়ী যাওয়ার জন্ত কাছুর উৎসাহ দেখিয়া সে স্বাক হইয়া গিয়াছিল। যাওয়ার অহুমতি না পাইয়া দুদিন কাছুর তাহার সঙ্গে ভাল করিয়া কথা বলে নাই।

'দশ টাকা মাইনে দিত। দশটা টাকা তোমার জন্তে জলে গেল।' বলিয়া বলিয়া কয়েকদিন সে যে কেন আপসোস করিয়া মরিয়াছিল অনেক ভাবিয়াও মধু তাহা বুঝিতে পারে না।

অনেকক্ষণ পরে মধু টের পাইল, পাশে কাছুর চোখেও ঘুম আসে নাই।

'ঘুমোসনি কাছুর?'

'না।'

মধু আর একবার তাহাকে জড়াইয়া ধরিবার চেষ্টা করিয়া বলিল, 'কেন ঘুমোসনি রে? এত ঘুমকাতুরে তুই।'

‘গরম লাগছে। ছাড়ো।’

সারাদিনের গুমোট-করা গরমের পর এতক্ষণে পৃথিবীর আবহাওয়ায় মনোরম শীতলতা ঘনাইয়া আসিয়াছে। কাছুর কথাটা মধু বিশ্বাস করিতে পারিল না।

‘তোমার কি হয়েছে বলত?’

‘কি আর হবে? কিছু হয়নি। জ্বর থেকে উঠেছি, রাত না জেগে ঘুমোও না বাবু।’

এ অল্পরোধ স্নেহের পরিচায়ক। কিন্তু কথাগুলিতে এমনি বাঁক ছিল যে মধু আবার আহত ও অবাক হইয়া গেল। কাছুর এই স্থায়ী অনমনীয় বিরক্তির কারণটা অল্পমান করা অবধি তাহার মনের মধ্যে দাঁকণ অশান্তি হইতেছিল। বুনো শিয়ালের প্রকৃতি লইয়া ঈশ্বরের কোন্ বিস্ময়কর নিয়মে কাছুকে সে ভালবাসিয়াছিল বলা যায় না। আপনার বিকৃত গোপনতা, লোভ ও সেই লোভের জন্ত বিবাহমহীন শাস্তির আশঙ্কা এবং যত বিবেককে বুকে করিয়া বেড়ানোর যন্ত্রণা তাহার মনের চারিদিকে হীনতার প্রাচীর তুলিয়া দিয়াছে। স্বার্থ ছাড়া জগতে সে আর কিছুই বোঝে না। তবু কাছুর প্রতি তাহার অপরিণীম মমতা আছে, যে মমতার বশে কাছুর জন্ত তাহার অনেকগুলি ত্যাগ সম্ভব হইয়াছে। তাহার নিস্তেজ শীতল মন তাহার চেয়ে যারা দুর্বল তাহাদের উপর অত্যাচার করিবার জন্ত সর্বদা উন্মুখ হইয়া থাকে। মাঝে মাঝে কাছুর সুন্দর ফাঁপা গাল দুটিতে চড় বসাইয়া দিবার জন্ত মনে যে তাহার কখনও উন্নত ইচ্ছা জাগে নাই এমন নয়! কিন্তু জীবনে আর কোন বিষয়ে লেশমাত্র সংযম না থাকিলেও এ ইচ্ছাকে সে বরাবর দমন করিয়া আসিয়াছে।

রাগের সময় চোখ রাঙাইয়াছে, দাঁতে দাঁত ঘষিয়াছে, যা তা গাল দিয়া বসিয়াছে। কিন্তু কখনো গায়ে হাত তোলে নাই।

কাছুর চোখে জল দেখিবারাত্র নিজেও সে গলিয়া জল হইয়া গিয়াছে। ভ্রলোকে যে ভাবে প্রগাঢ় আবেগের সন্ধে, প্রেমাত্মক স্নিবিড় আত্মীয়তার সন্ধে, ক্রন্দসী প্রিয়াকে আদর করে, তেমনিভাবে বুকে নিয়া চুম্বো খাইয়া গঙ্গদ ভাষায় ভালবাসা জানাইয়া কাছুকে সে সোহাগ করিয়াছে। বলিয়াছে, ‘তুই আমার পঁজরা কাছু, তুই আমার চোখের মনি। আমার আঁধার ঘরের আলো তুই, মাণিক তুই—মাইরি।’ বলিয়াছে, ‘এক লহমায় জন্তে ভোকে চোখের আড়াল করলে বুকে কেটে যায় কাছু।’

কাছু এ ভালবাসা কড়ায় গণ্ডায় শোধ করিতে ছাড়ে নাই। মন দিয়া করিয়াছে স্নেহ, দেহ দিয়া করিয়াছে সেবা। চোখের মনিটি চুরি করার জন্ত যত কলা কৌশল চল চাতুরী সম্ভব তাহার একটিকেও সে অবহেলা করে নাই।

মধুর মনে হইয়াছে, জগতে কাহুর তুলনা নাই। রূপে গুণে স্নেহ-মমতায় সে অতুলনীয়। অনেক তপস্শায় ওকে সে পাইয়াছে।

সেই কাহু কি আজ তাহার পর হইয়া গেল? সোনার চুড়ির বদলে রূপায় চুড়ি দিয়াছে বলিয়া সোনার মেয়ে কি পাথর হইয়া গিয়াছে? তাহার চেয়ে টাকাকেই ভালবাসিতে শিখিয়াছে?

আরও খানিকক্ষণ চূপচাপ শুইয়া থাকিবার পর মধু হঠাৎ উঠিয়া বলিল। বলিল, 'কাহু উঠ'ছো একবার।'

কাহু বলিল, 'কেন, উঠবো কি জন্তে?'

'আলো জ্বাল। বেরুবো।'

খানিকক্ষণ কাহুর উঠিবার লক্ষণ দেখা গেল না। মনে মনে সে কি ভাবিতে লাগিল কে জানে।

তারপর নিঃশব্দে উঠিয়া দীপ জ্বালিল।

বলিল, 'না বেরুলেই হ'ত আজ। জর থেকে উঠেছ।'

মধুর হঠাৎ রাগ হইয়া গেল।

'অত মোহাগ তোকে আর জানাতে হবে না, জানলি? ঢের হয়েছে। অন্ত্রলোকে কত দিত! যে দিত, যা না তার কাছে।

কাহুর হাতে নূতন চুড়িগুলিকে প্রদীপের আলোয় চিক চিক করিতে দেখিয়া মধুর রাগ এক মুহূর্তে অভিমানে পরিণত হইয়া গেল।

'জ্বর গায়ে রাত দুপুরে বৃষ্টি মাথায় করে কামাতে চললাম, মেয়ের মুখ তবু ছাড়াপানা হয়েছেই রইল। ধরা পড়িতো আচ্ছা হয়।'

কাহু বলিল, 'কে যেতে বলেছে?'

'তুই বলেছিল, তুই!...চূপ থাক, কাহু। রাগের সময় কথা কয়ে রাগ বাড়াশ না।'

কাহু একটু ভয় পাইয়া বলিল, 'খামকা রাগ করলে মাল্লব কি করবে?'

মধু রাগে অভিমানে স্ত্রীর কথায় কোন জবাব দিল না। কেন, ও পায়ে ধরিতে পারে না? গলা জড়াইয়া কাঁদিতে পারে না? বলিতে পারে না, অস্থ-শরীরে আজ তুমি যেও না গো, তোমার ছ'টি পায়ে পড়ি, কথা শোন, লক্ষ্মী, নইলে আমি গলায় দড়ি দেব?'

মধু কোমরে ল্যাকট আঁটিল। কোমরে যে এত ব্যথা ধরিতা আছে শুইয়া থাকার সময় কে তাহা জানিত! ঘরের কোণায় ভূমি-রাখা জ্বালায় ভিতর হইতে সিঁদকাটি বাহির করিয়া মধু বলিল, 'এ ময়চে ধয়ে গেছে। খেয়াল করে একটু



‘তেলও একদিন মাথিয়ে রাখতে পারিলি নি ? শিলটা আনতো একটু হবে নিয়ে যাই ।’

কাহু বলিল, ‘বুড়িতে মাটি নরম হয়ে আছে । ওতেই হবে ।’

‘মধু বলিল, ‘যেমন তেমন করে আমার বিদেয় করতে পারলে বাঁচিল, না ? তোর এত টাকার খাঁকতি কবে থেকে হ’ল বল ত ?’

কাহু কথা কহিল না । শিলটা আনিয়া দিয়া বিছানায় বসিয়া একবার এদিক ওদিক চাহিয়া ঘাড় হেঁট করিয়া রহিল ।

তাহার এই অপরিচিত ভঙ্গী মধুর একেবারেই ভাল লাগিল না । তীক্ষ্ণ দৃষ্টিতে চাহিয়া সে বলিল, ‘তেল মাখব, তেল দে কাহু ।’

কাহু বলিল, ‘তেল নেই ।’

‘নেই ? নেই কেন ?’

‘জানিনে বাবু অত । নেই তো আমি কি করব ? গড়িয়ে আনব ?’

মধু স্থির দৃষ্টিতে কাহুর দিকে চাহিয়া রহিল । কাহুর মধ্যে একটা চাপা উদ্বেজনা, একটা গোপন-করা চাঞ্চল্য এতক্ষণে সে আবিষ্কার করিতে পারিয়াছে । সে নিজে পাকা চোর, চোরের ভাবভঙ্গী তাহার অজানা নয় । কাহুর চোখে মুখে চুরির উদ্বেগ সে যেন স্পষ্ট দেখিতে পাইল । সন্দেহ হইয়া বলিল, ‘তোমার ভাবখানা কি বলত ? ও-রকম করছিস কেন ?’

কাহু খতমত থাইয়া বলিল, ‘ভাবনা লাগছে । তোমার জন্ত ভাবনা লাগছে । বাড়ীর মানুষকে সজাগ দেখলে সিঁদদিওনি বাবু, ফিরে এসো ।’

তবু যাইতে বারণ করিবে না । প্রথম দিন এমনভাবে ল্যাকট পরিয়া নারাগায় তেল মাখিয়া বাহির হওয়ার সময় কাহু কেবল তাহার পায়ে ধরিতে বাকী রাখিয়াছিল । সে দিনের কথাটা ভাবিতে ভাবিতে মনের মধ্যে একটা ক্ষুদ্র অসন্তোষ লইয়া মধু কাঁপ খুলিয়া বাহিরে চলিয়া গেল ।

কাহুর ও তাহার নিজের শরীরের উত্তাপে উষ্ণ শয্যা ছাড়িয়া আসিয়া বুড়ির প্রথম স্পর্শে মধুর সর্বাঙ্গ শিহরিয়া উঠিল । একবার সে মনে করিল ফিরিয়া যায় ; কিন্তু ফিরিয়া গেলে কাত খুশি হইবে না স্মরণ করিয়া দাঁতে দাঁত চাপিয়া গোয়ালপাড়ার ভিতর দিয়া সঙ্কীর্ণ পথ ধরিয়া সে সাবধানে গ্রামের দিকে আগাইয়া চলিল ।

বুড়ি ধরিয়া আসিলেও আকাশ নিবিড় মেঘে আচ্ছন্ন হইয়া আছে । জলসিক্ত স্তর খড়ের ঘরগুলির পাশ দিয়া চলিতে চলিতে মধুর অসন্তোষ বাড়িয়া গেল । সবচেয়ে ভাঙ্গাচোরা ঘরটি দেখিয়া তার মনে হইল যে, এ বাড়ীর বোঁ সাতদিন উপবাস করিয়া থাকিলেও বোধহয় অর্হস্থ স্বামীকে এই অন্ধকার বাদল-রাত্তে

ঘরের বাহির হইতে দেয় না। ওই স্বামীটির ভাগ্যের লব্ধে তার ভাগ্যের পার্থক্য অকারণ নয়। যত গরীব হোক, ও চোর নয়। সে চোর। তার বোঁ-তাই নিজের স্বখের জন্য তাকে বিপদের মুখে যাইতে দিতে বিধা করে না। চোর-স্বামীকে অনায়াসে ঘরের বাহির করিয়া দিয়া কাঁপ বন্ধ করিয়া ঘুমায়।

অল্পকালের মধ্যেই মধু খালের ধারে পৌঁছিয়া গেল। বহুকাল পরে আজ সে আত্মগমনি অহুভব করিতে আরম্ভ করিয়াছে। পাপ-পুণ্য ভালমন্দের যে সংস্কার তাহার মরিয়া মরিয়া একেবারে নবজন্ম গ্রহণ করিয়াছিল, তাহাই যেন আবার আগের রূপ ধরিয়া তাহার মনের মধ্যে অস্থি ও বিতৃষ্ণা ছড়াইয়া দিতে লাগিল। খালের ধারে ধারে খানিক দূরের পুলটার দিকে চলিতে চলিতে বত্নাকবের মত সহসা মধু অহুভব করিতে আরম্ভ করিল, এতকাল সে অতি ঘৃণা জীবনযাপন করিয়া আসিয়াছে। অকথ্য কদর্য জীবন। পাপের তার সীমা নাই। নরকেও তাহার ঠাই হইবে না।

ভাবিয়া নিজেই মধুর একান্ত অসহায় মনে হইতে লাগিল। একটা অভূতপূর্ব হারাইয়া-যাওয়ার অহুভূতির মধ্যে তাহার সহসা যেন ভয় করিতে লাগিল। সে আবার ভাবিল, থাক, কাজ নাই চুরি করিয়া, ফিরিয়া যাওয়াই ভাল। কিন্তু কাহাকে মনে করিয়া এবারও প্রত্যাভবনের ইচ্ছাটা তাহাকে দমন করিয়া ফেলিতে হইল। কাহুর উপরে তাহার রাগ ও অভিমানের সীমা ছিল না। তবু এমন অবস্থাতেও সে ভুলিতে পারিতেছিল না যে, কাহু তাহাকে জ্বলন্ত রূপ-যৌবন দিয়াছে, আজ না দিক এতকাল স্নেহও দিয়াছে। সেই দাবীতে কাহু তাহার কাছে স্বখ চায়। প্রার্থনাটা যত স্বার্থপরের মত হোক, অসঙ্গত নয়, অহুচিত নয়। কাহুকে এসব তাহার দিতেই হইবে যে।

খানিক আগেইয়া কুমারপাড়ার ঘাট। ঘাটে চার পাঁচটি ছোট বড় নৌকা বাঁধা আছে। একটি নৌকার ছইয়ের মধ্যে এতরাঞ্জে আলো জ্বলিতেছে দেখিয়া মধু একটু আশ্চর্য হইয়া গেল। এতরাঞ্জে খালে নৌকার মধ্যে আলো জ্বলিয়া বসিয়া আছে কে? বহুকাল ধরিয়া অন্ধকারে পথে বিপথে বিচরণ করিয়া মধুর সাপের ভয় ছিল না। ঘন কাশবনের মধ্যে উবু হইয়া বসিয়া ছই হাতে কাশ ফাঁক করিয়া করিয়া ঘাটের পাশে নৌকার খুব কাছেই সে একটু একটু করিয়া আগাইয়া গেল। ভাবিল, বিদেশী পাটের দালাল হয় তো কপাল ভাল।

বহুলপুর নদীর ঘাটে এমনি এক বর্ষার রাজে মধু একজন মুখচেনা পাটের দালালের নৌকা হইতে একবার একটি কাশবান্ধ সরাইয়াছিল। বান্ধে ছিল নগদ প্রায় সাতশ' টাকা। আজও ফাঁকতালে তেমনি একটা দাঁও মারা যাইবে ভাবিয়া মধু খুশি হইয়া উঠিল। ভাবিল, রাখালের ভিটার হয়ত আজ আর

তাকে সিঁদ কাটিতে হইবে না। ধরা পড়িলে রাখালের গৌরৱগোবিন্দ ছেলেটার হাতে মার খাইয়া মরিবার ভয়ে থাকিয়া থাকিয়া মেরুদণ্ডের মধ্যে শির শির করিয়া উঠিবে না।

পান্নাবাবুকে মধু বড় ভয় করে।

জলের স্রোতে নৌকাটি পাশাপাশি তীব্রের দিকে ঘেঁষিয়া আসিয়াছিল। কোমর-জলে নামিয়া ছইএর ফুটায় চোখ দিয়া ভিতবে তাকাইতে মধুর আনন্স কুহুম শৃঙ্গে মিলাইয়া গেল। ভিতরে বিছানা পাতা আছে। মাথার কাছে আলো রাখিয়া সেই বিছানায় চিং হটয়া শুইয়া বই পড়িতেছে রাখালেরই বড় ছেলে পান্নাবাবু।

রাখালের বাড়ীতে চুরি করিতে বাহির হইয়া রাখালের ছেলেকেই খালের নির্জন ঘাটে নৌকার মধ্যে এত রাত্রে একাকী বই পড়িতে দেখিবে মধুব ইহা কল্পনাভীতই ছিল। নৌকার ধার ঘেঁষিয়া জলের মধ্যে খানিকক্ষণ সে অভিভূত হইয়া দাঁড়াইয়া রছিল।

তারপর তাহার মনে হইল ব্যাপারটা হয়ত খুব আশ্চর্যজনক নয়। পান্নাবাবু কাল বোধহয় শহরে যাইবে, আকাশে মেঘের ঘটা দেখিয়া সকাল সকাল খাওয়া-দাওয়া সারিয়া নৌকায় আসিয়া শুইয়া আছে। ভোররাত্রে মাঝিরা আসিয়া নৌকা খুলিবে।

কিন্তু রাখালের বাড়ীর কাছে মজুদার ঘাটে নৌকা না বাধিয়া এতদূর উজানে আসিয়া নৌকা রাখা হইয়াছে কেন, অনেক ভাবিয়াও মধু তাহার কারণটা অল্পমান করিতে পারিল না। কিন্তু এক বিষয়ে সে অনেকটা নিশ্চিত হইয়া গেল। রাখালের বাড়ীতে বুড়া রাখাল নিজে আর দুটি ছোট ছেলে ছাড়া পুরুষ মানুষ আর কেহ নাই। তাহার আবির্ভাব প্রকাশ পাইয়া গোলমাল হইলেও সহজে তাহাকে কেহ আয়ত্ত করিতে পারিবে না।

মধু আর এ তীরে উঠিল না। সাঁতরাইয়া খাল পার হইয়া গেল। তাহার মন এখন হাঙ্কা হইয়া গিয়াছে। ভাগ্যের অনেকগুলি যোগাযোগের হিসাব করিয়া তাহার ধারণা হইয়াছে আজ রাত্রে তাহার মাফলা অনিবার্য। আজ চুরি করিতে বাহির হইবে বলিয়া কাল তাহার জ্বর ছাড়িয়া গিয়াছিল। আকাশে আজ তাহার চুরির সুবিধার জন্মই মেঘ ঘনাইয়া আসিয়াছে এবং পান্নাবাবুকে বাড়ী ছাড়িয়া নৌকায় আসিয়া শুইতে হইয়াছে। ভাগ্যের আত্মহান উপেক্ষা করিয়া দৈহিক দুর্বলতার ছুতায় সে অলস হইয়া ঘরে শুইয়া থাকিতে পারে বলিয়া তাহাকে বাহির করার জন্ত কাহুর মেজাজটাও আজই গিয়াছে বিগড়াইয়া।

আজ হরত তাহার লাভেরই কপাল ।

মধুর ছুঁচোখ লোভে চক চক করিয়া উঠিল । অন্ধকারেরই একটা গাঢ়তর অংশের মত নিঃশব্দপদে সে গ্রামের মধ্যে প্রবেশ করিল । থাকিয়া থাকিয়া দমকা বাতাসে মধুর শীত করিয়া উঠিতেছে । কিন্তু মনে তাহার আর কোন ছুঁখ নাই । কাছুর কাছে যা খাইয়া ক্ষণকাল পূর্বে সে একবার নবকযাত্রা করিয়াছিল, এখন সে আবার অনারসে স্বর্গে উঠিয়া গিয়াছে । চুরি করার মধ্যে আর সে দোষের কিছু দেখিতে পাইল না । ভাবিল, কিসের পাপ ? জগতে চোর নয় কে ? সবাই চুরি করে । কেউ করে আইন বাঁচাইয়া, কেউ আইন ভাঙে । স্বাধীনতার মূলধন লইয়া এ ব্যবসায় নামিতে যাহাদের সাহস নাই, চুরিকে পাপ বলে শুধু তাহারা। পারিলে তাহারাও চুরি করিত । চোরের চেয়েও তাহারা অধম । তাহারা ভীক, কাপুরুষ ।

মধু প্রচুর আত্মপ্রসাদ ভোগ করিতে লাগিল । উত্তেজিত লোভের মধ্যে চুরির সমর্থন তাহার কাছে প্রায় গৌরবময় হইয়া উঠিয়াছে । এমন জীবন আর নাই । কতকাল ধরিয়৷ কত কষ্টে বিদেশে টাকা উপার্জন করিয়া রাখাল বাড়ী আসিয়াছে, রাজার খাজনা মিটাইবে, দেনা শোধ করিবে, জমি কিনিবে, মেয়ের বিবাহ দিবে । একরাত্রে কয়েক মিনিটের মধ্যে ওই টাকার হস্তান্তর ! মাথার ঘাম পায় ফেলিয়া উপার্জন করিবার সময় সাধু রাখাল কি কখনো ভাবিতেও পারিয়াছিল টাকাকুলি শেষ পর্যন্ত কাজে লাগিবে মধুর । সে তাহার কাছুর মুখের হাসি উপভোগ করিবে বলিয়া খাটিয়া মরিয়াছে রাখাল, এ যেন কৌতুক, এ যেন তাহার বাহাতুরী । মধুর ঠোট ভাঙিয়া হাসি ফুটিল ।

অনুতাপ ও আত্মপ্রসাদ, আজ রাত্রে মধুর মনের এই ক্ষণে ক্ষণে আকাশ পাতাল দোল-খাওয়াটা বিস্ময়কর কিছু নয় । চোরের অভিজ্ঞতা অতুলনীয়, হৃদয়ের বিবর্তন তাহাদের অসাধারণ ।

অথচ চোরেরা জীবনে বড় একা । ওদের আপন কেহ নাই । কবির মত, ভাবুকের মত, নিজের মনের মধ্যে ওরা লুকাইয়া বাস করে । যে স্তরের অশুভূতিই ওদের থাক, যে রক্ষ শ্রীশীন সীমানার মধ্যেই ওদের কল্পনা সীমাবদ্ধ হোক, ওদের অশুভূতি, ওদের কল্পনা ক্ষণে ক্ষণে বিচিত্র, পরিবর্তনশীল । অনেক ভ্রলোকের চেয়ে ওরা বেশী চিন্তা করে । জীবনের এমন অনেক সত্যের সন্ধান ওরা পায়, বহু শিক্ষিত স্মার্কিত মনের দিগন্তে যাহার আভাস নাই । কবির নেশা নারী, চোরের নেশা চুরি । আসলে ও দুটো নেশাই মানসিক উর্বরতা বিধানের পক্ষে সমান সারবান । সংসারে এমন লক্ষলক্ষ সাধু আছে, যাহাদের লইয়া আমি গল্প লিখিতে পারি না । জীবনে তাহাদের গল্প নাই । প্রেমিকের

মত, অজ্ঞান অসক্ত চুরি-করা প্রেমে ব্যুৎপন্ন প্রেমিকের মত চোবের জীবন  
গল্পনয় ।

সিঁদের ফুটা দিয়া রাখালের ঘরের মধ্যে প্রবেশ করিবার সময় মধুর হৃদয়  
তীব্র সতেজ উদ্বেজনায় ভরপুর হইয়া গেল, তাহার প্রত্যেকটি ইন্দ্রিয় তীক্ষ্ণ  
সতর্কতায় সজাগ হইয়া রহিল । ঘরে আলো কমানো ছিল । খাটের উপর  
পাঁচ ছয় বছরের ছোট ছেলেটিকে নিয়া রাখাল শুইয়া আছে । রাখালের জী ও  
বিবাহযোগ্য মেয়েটির বিছানা হইয়াছে মেঝেতে । এদিকের অন্ধকার কোণে  
নিশ্বাস বোধ করিয়া দাঁড়াইয়া মধু ঘরের চারিদিকে চাহিয়া দেখিতেছিল ।  
নিস্তরু ঘরে ঘুমন্ত মানুষের শান্ত আবহাওয়া । এর মধ্যে আসিয়া দাঁড়ানোমাত্র  
মধুর উদ্বেজনায় আরও তীব্র, আরও উদ্ভাদনাকর হইয়া গিয়াছিল । বাহিরের  
অন্ধকার হইতে আসিয়া ঘরের মুহূ আলোতেও সে সমস্ত পরিষ্কার দেখিতে  
পাইতেছিল । রাখালের মেয়েটির উপর চোখ পড়িতে তাহার বৃকের মধ্যে  
ছ্যাৎ করিয়া উঠিল । মেয়েটা অবিকল কাহুর মত ভঙ্গী করিয়া ঘুমাইয়া আছে ।  
জগতে সব মেয়েই কি এমনভাবে ঘুমায়ে ?

কিন্তু কাহুর হাতে রূপার চুড়ি । মেয়েটা সোনার চুড়ি পরিয়াছে । কাহুর  
মত ও মোটাও নয়, এখনো দেহটি ওর উজ্জ্বলিত হইয়া উঠিবার সময় পায় নাই ।  
ক্ষীণ কটিতটে দেহরেখা ওর ধলুকের মত বাকিয়া আছে । মুখখানা কচি ।  
ফুলের মতন কোমল । কাহুর মুখের মত পাকিয়া যায় নাই । গায়ের রঙ  
গোধূলির মত মনোরম, প্রভাতের মত উজ্জ্বল ।

এই মেয়ের বিবাহের জন্তই বিশেষ করিয়া রাখাল টাকা লইয়া বাড়ী  
আসিয়াছে । কাহুকে তাহার টাকা দিয়া কিনিতে হইয়াছিল । টাকা দিয়া  
মেয়েকে রাখাল বিলাইয়া দিবে ।

মধু নিজেই মাথা নাড়িল । এক মুহূর্তের জন্ত তার মুখের ভাব বিঘ্ন ও  
করণ দেখাইল । কামনা করিবার অধিকার জগতে সকলেরই আছে ।  
কোন অবস্থাতেই কেহ নিজেকে এই অধিকার হইতে বঞ্চিতও করে না ।  
রাখালের ঘুমন্ত মেয়েটার জন্ত একটা প্রগাঢ় অস্থায়ী প্রেম অহুভব করিতে  
মধুর হৃদয় কোন বাধাই পাইল না । হৃদয়ের এই আকস্মিক আবেগসঞ্চার  
তাহার নূতন নয় । গহনার দোকানের সামনে দাঁড়াইয়া এমনি আকস্মিক  
হৃদয়োচ্ছ্বাস সে অহুভব করিয়াছে । দোকানের স্বরক্ষিত গহনাগুলিকে দুর্লভ  
জানিয়া সে যেমন ব্যথা পাইয়াছে, আজ তাহার এই কলঙ্কিত নিশীথ-অভিযানের  
উগ্র ভয়কাতর উপলক্ষিগুলির মধ্যে আকাশের চাঁদের মত হুস্তাপ্য শিথিলবসনা  
মেয়েটার জন্ত ক্ষণিকের নিবিড় ব্যর্থ প্রেমে তেমনি একটা বেদনা অহুভব

করিল। তাহার সাধ হইল, মেয়েটিকে একবার সে স্পর্শ করে। পরম আগ্রহে কল্পিত ব্যাকুল বাহতে কাহ্নর মত একবার সজোরে বুকে চাপিয়া ধরিয়া পলাইয়া যায়। টাকা দিয়া তাহার কাজ নাই।

স্বর্গচ্যুত অভিশপ্ত দেবতা হঠাৎ চোখ মেলিয়া অদূরে স্বর্গের ছবি দেখিলে যেমন করিয়া অশাস্ত ও বিচলিত হইয়া পড়ে, মধুর বিকৃত মন নিষ্পাপ স্নন্দরী মেয়েটির একটু স্পর্শলাভের জগ্ন তেমনিভাবে কাঁদিয়া উঠিল। মকপথিকের সামনে এ যেন সরোবরের আবির্ভাব। মরীচিকার মত মিলাইয়া যাইবে জানিয়াই কাঁপ দেওয়ার সাধ যেন কমে না। বাড়িয়া যায়।

মধু জোরে নিশ্বাস ফেলিল। দেবমন্দিরের বাহিরে দাঁড়াইয়া অশাস্ত আত্মার ধূপগন্ধী বায়ুকে নিঃশ্বাসে গ্রহণ করার মত শ্বাস টানিয়া লইয়া আপনাত্ত জলসিক্ত অর্ধউলঙ্গপ্রায় দেহের দিকে চাহিয়া তার চোখে জল আসিয়া পড়িল।

সে যে নরকে বাস করে, আজ পর্যন্ত সে যে এক মুহূর্তের জগ্ন শান্তি পায় নাই, একথা হঠাৎ আবার তাহার মনে পড়িয়াছে। তার নোংরা দুর্গন্ধ ঘর, হুলাঙ্গী টাকা-দিয়া-কেনা হীনচেতা স্ত্রী, তার লোভ ও ভয়ে ভরা একটানা অস্বাভাবিক জীবন। তদ্রলোকে কি-ভাবে বাঁচে মধুর তাহা অজানা নয়। সৎ ধর্মভীরু গৃহস্থের জীবনযাত্রা প্রণালীর সঙ্গে তার পরিচয় আছে। তেমনি একটি ঘুমন্ত পরিবারকে চোখের সামনে রাখিয়া, একটি কিশলয়ের মত কোমল কিশোরীকে ভালবাসিয়া (কয়েক মুহূর্ত পরে মধুর অল্পভূতি একেবারে লোপ পাইবে, তবু ইহা ভালবাসাই) মনে মনে মধু নিজের জীবনের সঙ্গে সংসারে যারা চোর নয় তাদের জীবনের তুলনা করিল। হিংসায় ক্ষোভে হতাশায় সে অর্জরিত হইয়া গেল। ভাবিল, ফিরিয়া যায়। কাজ নাই তাহার চুরি করিয়া।

ফিরিয়া গিয়া নতুন করিয়া জীবন আরম্ভ করে। সংযত স্নন্দর পবিত্র জীবন। ঈশ্বরকে আর কি ভক্তি করা যায় না? কাছকে শেখানো যায় না লোভ করিতে নাই, নোংরা থাকিতে নাই, অবাধ্য হইতে নাই, কলহ করিতে নাই? সোনার চুড়ির চেয়ে রূপার চুড়িতে স্বথ বেশী একি কাছকে বোঝানো যায় না? পরকালের কথা ভাবিয়া পরদ্রব্যে লোভ করা কি তাহারা দুইজনে বন্ধ করিতে পারে না? সে মজুর খাটিবে। গরু কিনিয়া দুধ বেচিবে। জমি কিনিয়া চাষ করিবে। না হয় গ্রামের মধ্যে মনোহারী দোকান দিবে। স্বামী-স্ত্রী দুজনে মিলিয়া তাহারা মন্ত্র গ্রহণ করিবে। সকালে উঠিয়া দিনের দেবতাকে প্রণাম করিয়া সন্ধ্যা পর্যন্ত জীবিকার্জনের জগ্ন খাটিয়া সন্ধ্যার পর একাগ্রচিত্তে তাহারা মালা জপ করিবে। আস্তে কথা কহিতে শিখিবে। দুঃখে বিচলিত হইবে না। হৃদয়ের শান্তিতে সকল অবস্থায় শান্ত হইয়া থাকিবে। কাহ্নর

একটি ছেলে নষ্ট হইয়া গিয়াছে,—কাহ্নরই অলাবধানতায়। এবার ছেলে মেয়ে-  
হইলে বাঁচিবে। তাহাদের লইয়া স্বখে তাহারা ঘরসংসার করিবে।

এতকাল সে তো চুরি করিয়াছে। চুরি করিয়া লাভ কোথায় ?

প্রত্যেক চোর মধ্যে মধ্যে নিজেকে এ প্রশ্ন জিজ্ঞাসা করে। কিন্তু তবু চুরি  
করিতে ছাড়ে না। চোর চুরি না করিয়া করিবে কি ? চুরি ছাড়া চোরের  
জীবনে আর সবই যে আকাশকুসুম।

মধুর এত অহুতাপ, রাখালের মেয়ের জন্ম এত ভালবাসা, সৎ হওয়ার এত  
বাকুল আকাঙ্ক্ষা কিছুক্ষণের মধ্যেই মিলাইয়া আসিল। রাখালের তোরঙ্গটি  
সিঁদুর ফাঁক দিয়া একটু পরে চলিয়া গেল বাহিরে। বেশী টাকা রাখিবার  
উপযুক্ত ওই একটি তোরঙ্গই রাখালের ছিল।

কিছু দূরে একটি আমবাগানে ঢুকিয়া মধু তোরঙ্গটি ভাঙ্গিল। রাখালের  
বোধ হয় টাকা রাখিবার ধলি ছিল না, নোট আর টাকাগুলি সে একটা  
বালিশের খোলে ভরিয়া বাল্লে রাখিয়াছিল। অনেকগুলি খুঁচবা টাকা থাকায়  
টাকার পুঁটুলিটি কম ভারি হয় নাই। তাতে করিয়া আনন্দে মধুর মন  
নাচিয়া উঠিল।

থাল পার হওয়ার সময় একবার তার মনে হইল, টাকার অভাবে বাথাল  
হয়ত মেয়েটার বিবাহ দিতে পারবে না। কিন্তু কথটা তাহার মনের মধ্যে  
একেবারেই আমল পাইল না। রাখালের মেয়ের জন্ম তাহার বুকে আর  
বিলম্বিত প্রেমও অবশিষ্ট ছিল না। রাখালের মেয়েকে সে ভুলিয়া গিয়াছিল।

মধু জানিত, কুমারপাড়ার ঘাটে পান্নাবাবুর নৌকা বাঁধা আছে। কিন্তু  
ঘাটের কাছে আসিয়া ইতিমধ্যে নৌকাটি অদৃশ্য হইয়া গিয়াছে দেখিয়া সে  
অবাক হইয়া গেল। ভাবিল, এত রাত্রে নৌকা ছেড়ে পান্নাবাবু গেল কোথায় ?

বাড়ী পৌঁছিয়া ঘরের দরজা খোলা দেখিয়া মধু খুশি হইল। ভাবিল, কাহ্ন  
তাহারই প্রতীক্ষায় দরজা খুলিয়া বসিয়া আছে।

‘আমি এসেছি, কাহ্ন। আলো জ্বাল।’

সে আসিয়াছে, কাহ্নকে সোনার চুড়ি দিবার ব্যবস্থা করিয়া, একবছর  
দেড়বছর আরামে দিন কাটানোর উপায় করিয়া ফিরিয়া আসিয়াছে। কাহ্ন  
কত খুশি হইবে।

কাহ্নর সাড়া না পাইয়া সে ঘুমাইয়া আছে মনে করিয়া মধুর আনন্দ একটু  
কমিল। নিজেই সে কাঠের বাল্কের উপরটা হাতড়াইয়া হাতড়াইয়া  
দিয়াশালাই খুঁজিয়া প্রদীপ জালিল। পরমুহুর্তে দীপালোকে ঘরের শূন্যতা প্রকট  
হইয়া গেল।

হুঁচোখে অপার বিশ্ব ও আশঙ্কা নিয়া মধু ঘরের খুঁতটাকে প্রত্যক্ষ করিল। এভাবেই মাহুকের ঘর যে কি করিয়া এমনভাবে খালি হইয়া যায়, এ যেন হঠাৎ সে বুঝিয়া উঠিতে পারিল না। বিছানার কাছ নাই। দড়িতে কাড়র কাপড় হুঁখানা নাই। বড় টিনের ভোরকটির উপর বেতের ছোট কাঁপটিও নাই। মধু সহসা ব্যাকুলভাবে টিনের ভোরকটি খুলিয়া ফেলিল।

ভিতরে কাড়র ক-খানা ভাল কাপড় ছিল, একটা শিতলের পানের ডিবার সোনার মাকড়ি ছিল, আঙটি ছিল। সেগুলিও অদৃশ্য হইয়া গিয়াছে।

মধুর মনের উত্তেজিত আনন্দ সহসা নিঃশব্দ হইয়া গেল। টাকা ও নোটের ভরা বালিশের খোলটি পায়ের কাছে মাটিতে পড়িয়াছিল। সেদিকে তাকাইয়া তাহার মনে হইল আবার তাহার জ্বর আসিতেছে। সহসা মধু বীভৎস হাসি হাসিল। রাখালের ঘরের দিকে চলিবার সময় যে বৃষ্টি দিয়া নিজের চৌধুরত্বকে সে সমর্থন করিয়াছিল সেই কথাটি হঠাৎ তাহার মনে পড়িয়া গিয়াছে। জগতে চোর নয় কে? সবাই চুরি করে।

## মাটির সাকী

দেহে নাই ক্লাস্তি মনে নাই শাস্তি।

গরীবের এ দুটি অভাব চিরদিনের।

কিন্তু চিরদিনের অভাবও স্বভাবে পরিণত হয় না, একদিন সহিয়া যায় এই মাত্র এবং তাহাতেও আপসোস বড় কম নহে।

নিজের একটা অপ্রিয় অকথ্য রূপান্তরের আপসোস।

ওমনিবাস ট্রেন, হুঁটা সতর মিনিটে ছাড়িয়া বজবজ যাইবে। ট্রেনটি এমনি সংক্ষিপ্ত যে মেয়েগাড়ীর বাহুল্য নাই। গাড়ী ছাড়িবার কয়েক মিনিট পূর্বে উঠিয়া স্ত্রী মেয়েটি ঠিক সামনে শক্ত হইয়া বসিয়া আছে। মুখের দিকে চাহিবার ইচ্ছাও যেন হয় না। ভয় করে! মনে হয়, ক্ষণকাল চাহিয়া থাকিলে পাতলা ঠোঁট দু'টি শুষ্ক ও শীর্ণ হইয়া উঠিবে, মস্ত গাল ভাঙিয়া ব্রণের দাগে ভরিয়া যাইবে। ভাসা ভাসা চোখদুটি বুড়ুক্ষয় মুমূর্ষু পশুর চোখের মত পীড়িত ও সকাতির হইয়া উঠিবে, কপালে দেখা দিবে ডেলমাখা চটচটে ঘাম! রূপ দেখিলে হুঁচোখ কুকণের স্বপ্নে বিভোর হইয়া যায়! কী আতঙ্কেই মিনিটগুলি ভরিয়া উঠিল।

মাত্র দশ মিনিটের পথ, গাড়ী ষ্টেশনে দাঁড়াইল। লাইনের একদিকে শহর-তলীর বানীগঞ্জ, অপরদিকে গ্রাম কসবা। আভিজাত্যের ছাপমারা পিচবাঁধানো



পথটি রেলের গেট পার হইয়াই গোবর আর কাদার ভরিয়া উঠিয়াছে। হু' পাশের দোকানগুলির গ্রাম্য মূর্তির গায়ে শহরে ভাবের তালি লাগানো— খালি গায়ে বুটপরা মাহুবেব মত। কিন্তু এগুলির দিকে চাহিয়া নিতাই শঙ্করের মনে হয় যে এরকম একটা দোকান দিতে পারিলেও বুঝি মন্দ হইত না।

ঘোষালপাড়া ছাড়াইলেই শঙ্করের বাড়ী। বাড়ীটি পাকাও বটে, দোতলাও বটে; কিন্তু যেমন পুরাতন তেমনি ক্ষুদ্র। পথ হইতে দোতলার খোলা ছাদে উঠিবার খোলা সিঁড়ি খানিকটা চোখে পড়ে, মনে হয় চুণবালির বাঁধহীন কতকগুলি আলগা ইটে পা দিয়া এ বাড়ীর লোকের উর্দ্ধগতির প্রয়াস। স্থানটি কিন্তু বেশ ফাঁকা আর পরিষ্কার। বাড়ীর সামনে একটা পুকুর—ছোট কিন্তু জল পচা নয়। দক্ষিণে হাত পঞ্চাশেক মাঠের ব্যবধানে রায় বাহাদুর মহাদেব বোসের বাড়ী। রায় বাহাদুরের অনেক টাকা ছিল বলিয়া এখানে সম্ভা জমি কিনিয়া বাড়ী করিয়াছিলেন। রায় বাহাদুর এখন বাঁচিয়া নাই, ছেলে সুকান্ত বাপের টাকা ও বাড়ীর মালিক। বড় বড় ঘর ভুলিয়া, দামী আসবাবে সাজাইয়া, ছবির ক্রেমের মত চারিদিকে বাগান করিয়া এবং অশ্রান্ত বহুবিধ সংস্কারের দ্বারা সে বাড়ীটিকে বাসোপযোগী করিয়া নিয়াছে। বাগানের একটা মুবতী ও পুষ্পবতী বকুলিকার ছায়ায় বলিয়া নিত্য অপরাহ্নে সে পত্নী হিমালীর সঙ্গে চা পান করে।

আপিস-ফেরত পুকুরপাড় ঘুরিয়া নিজের বাড়ীর দরজায় যাইবার সময়টুকু শঙ্কর ইহাদের দেখিতে থাকে। মুহু হাসি ও কথার মাঝে মাঝে চায়ের কাপে চুমুক দেওয়ার বিরাম, হ্রস্বপদ লোমঙ্গ কুকুরটিকে কাছে টানিয়া মাথা চাপড়ানো আশে পাশে ছুই চারিটা বকুলজুলের এলোমেলো বর্ষণ, শঙ্করের চোখে ইহা আর পুরানো হইল না। বোজই তার মনে হয় কলেজজীবনে পড়া কবিতাগুলির এক একটি বাছিয়া নিয়া উহার। যেন অভিনয় করে।

চেনা আছে পরিচয় নেই। ও পক্ষে আশ্রয়ের অভাব এ পক্ষে সঙ্কোচের বাধা। কল্পনাভীত উপভোগ্য জীবনটা উহার। কিতাবে ভোগ করে জানিবার সক্রম কোঁতুল নিয়া ভাঙা ঘরে শঙ্কর দিন কাটায়।

পয়সার টানাটানি, ছেলেমেয়ের কান্না, আর বিধুর ধুঁকিতে ধুঁকিতে রান্না করা, বাসন সাজার ফাঁকে ফাঁকে অদৃষ্টের নিন্দাবাদ।

ন'টা এগারর গাড়ীতে আপিলে গিন্না ছ'টা সতরর গাড়ীতে বাড়ী ফেরা।

জীবনের এত অধিক বৈচিত্র্য সম্ব হইয়া গিয়াছে বলিয়া আপনোস করিয়া মরে।

আজ বকুলতলা খালি দেখিয়া সে বিস্মিত হইল। সচরাচর ইহা ঘটে না।

শেষ বেলায় বকুলভলায় আসিয়া বসার নেশা যে কত তীব্র দূর হইতেও সে যে তাহা জানে ।

বাড়ী চুকিয়াই কারণটা স্মরণ গেল । ছেলেমেয়ে তিনজন কাঁদ-কাঁদ মুখে একপাশে দাঁড়াইয়া আছে, বিধু চোখ বুজিয়া পড়িয়া আছে চৌকীর মলিন বিছানায় এবং শিয়রের কাছে টুলে বসিয়া হিমালী তার মাথায় ডবল আইসব্যাগ চাপিয়া ধরিয়া আছে ।

অবস্থাটা বুঝিতে একটু সময় নিয়া শঙ্কর প্রশ্ন করিল, কি হয়েছে ?

হিমালী বলিল, জ্বর । অজ্ঞান হ'য়ে পড়েছিলেন, এখনো জ্ঞান হয় নি । ছেলেদের চেষ্টামেচি শুনে এসে দেখি মেঝেতে প'ড়ে আছেন ।

ধামে জামাটা ভিজিয়া গিয়াছিল কিন্তু হিমালীর সামনে খোলা চলে না— তলায় গেঞ্জি নাই । স্বামীর খালি গা'ও হিমালী কোনদিন দেখে নাই বলিয়াই শঙ্করের বিশ্বাস । বোতামগুলি আলগা করিয়া দিয়া সে বলিল, আমার আপিস এত দূরে যে গুরা চেষ্টিয়ে ম'রে গেলেও স্তনতে পাই না ।

এই বাহল্য কথাটা বলিবার উদ্দেশ্য অবশ্য বাহল্য নয়, হিমালী চুপ করিয়া রহিল ।

ছোট মেয়েটি বাবাকে দেখিয়া কাঁদিতে আরম্ভ করিয়াছিল, চোখের শাসনে তার কান্না ধামাইয়া শঙ্কর বলিল, আজ এসে দেখছি অজ্ঞান, আর একদিন এসে হয় তো দেখব ম'রে গেছে !

শঙ্করের আশঙ্কা হান্ধা করিয়া দিবার কোন চেষ্টা না করিয়া হিমালী বলিল, এ সময় কোন আত্মীয়কে এনে কাছে রাখা উচিত ।

শঙ্করের স্বর তৎক্ষণাৎ বদলাইয়া গেল ।

এখনি ? এই তো মোটে সাত মাস । এখন ভয় কিসের ?

হিমালীর মুখের উপর দিয়া একটা কালো মেঘ আসিয়া গেল, কথা কহিল ক্লিষ্ট স্বরে, এ যে কী ভয়ানক সময় আপসি বুঝবেন না । যত সাবধান হওয়া যাক ভয় কমে না । সর্বদা একজন মেয়েমাছুষ কাছে না থাকলে যে কি সর্বনাশ হ'য়ে যেতে পারে—

অন্ধকারে সাপের ঠাণ্ডা স্পর্শ পাওয়ার মত শিহরিয়া সে চুপ করিল । দেখা গেল মূখ তার ভারি বিবর্ণ হইয়াছে । তিনটি সন্তানের জননীর স্মৃদ্ধে অগুণ্ণবতীর আশঙ্কায় পরিমাণটা শঙ্করের কাছে পরমাশ্চর্যের মত লাগিল । এ ভাবে হিসাব করিলে সকল অবস্থায় নরনারী-নিবিশেষে কতরকম সর্বনাশই তো হইতে পারে, মাথা ঘুরিয়া পড়িয়া আধঘণ্টার ভিতর তার পঞ্চাশলাভও সৃষ্টিছাড়া কিছুই নয়, সেজন্য ব্যতিব্যস্ত হইয়া থাকার কোন অর্থই যে হয় না ! কিন্তু ইহার আতঙ্ক

অত্যন্তই স্পষ্ট,—ঠাণ্ডার ক্যাকাসে আঙ্গুলগুলি পর্যন্ত ধর ধর করিয়া কাঁপিতেছে। মনে হয় বুকের ভিত্তর ধুকধুকানিরও সীমা নাই। শব্দ বলিল, আপনার শরীর আজ ভাল নেই মনে হচ্ছে।

জরে অজ্ঞান স্ত্রীকে অতিক্রম করিয়া সন্তপরিচিতার শরীর একটু ভাল না থাকার জন্ত দুর্ভাবনা ভাল শোনাইল না। মুখ তুলিয়া ম্লান হাসিয়া হিমাতী বলিল, রোজ যেমন থাকি আজও তেমনি আছি। আমার কথা বাদ দিন। শরীর ভাল থেকেই বা কি হবে! ডাক্তার চ্যাটার্জি এসেছিলেন, রক্ত নিয়ে গেছেন। ওষুধও লিখে দিয়েছেন, জ্ঞান হ'লে একদাগ খাওয়াতে হবে।

আমার জন্ত কিছুই করার রাখেন নি দেখছি। ডাক্তারের ভিজিট? লাগেনি। উনি আমার বন্ধু।

তবে পীড়াপীড়ি করব না; কিন্তু আপনার চা খাওয়ার সময় পার হ'য়ে গেছে, আপনি এবার ছুটি নিন।

হিমাতী ব্যাকুল হইয়া বলিল, না, না, আমার ঠুর কাছে থাকতে দিন। চা এখানেই দিয়ে যাবে।

লণ্ডনটা নতুন—ধোঁয়া হয় না, কিন্তু কমানো রহিয়াছে বলিয়া আলো অস্বস্তিকর। এই আলোতেই হিমাতীর মুখখানা যেন স্পষ্টতর দেখাইতেছে। সেদিকে চাহিয়া থাকিয়া শব্দরের মনে হইল আপিস যাইবার সময় সে কি করনাও করিতে পারিয়াছিল যে ফিরিয়া আসিয়া গৃহে এমন দুর্ভাবনা ও এতবড় বিস্ময় সঞ্চিত থাকিতে দেখিবে! হিমাতীর আজকার ব্যবহার অদ্ভুত। চার বছরের প্রতিবেশী ইহার; কিন্তু গরীব প্রতিবেশীকে কবে কতটুকু আমল দিয়াছিল? সত্বসরে হিমাতী ও বিধুর মধ্যে একটি বাক্য-বিনিময়ও হইয়াছে কিনা সন্দেহ। আর আজ নিজে হইতে আসিয়া এমন সেবাই আরম্ভ করিয়া দিল যে প্রয়োজন শেষ হইলেও উঠিয়া যাইতে চায় না। টাইমপিসটায় দশটা বাজে। বেলা একটা হইতে একভাবে বিধুর শিয়রে বসিয়া আসে। তিনচারবার নিজে ডাকিতে আসিয়া একবকর ধমক খাইয়াই স্কাঁক ফিরিয়া গিয়াছে। কেরানীর কুলী বধুর সেবার জন্ত ধনীর তরুণী প্রিয়ার এ কি লোলুপতা! মহৎ সন্দেহ নাই, উদারতারই পরিচয়, কিন্তু কী অস্বাভাবিক!

আধঘণ্টা পরে স্কাঁক আবার আসিল। কোন কথা না বলিয়া গভীর মুখে চুপ করিয়া দাঁড়াইয়া রহিল। অসীম কুণ্ডার সঙ্গে শব্দর মিনতি করিয়া হিমাতীকে বলিল, আর তো দরকার নেই, এবার আপনি যান। কতক্ষণ এভাবে ঠায় বসে থাকবেন?

অপ্রত্যাশিতভাবে এবার কিন্তু প্রতিবাদ আসিল স্কাক্সের নিকট হইতে—  
থাক শঙ্করবাবু, কিছু বলবেন না, একেই সেবা করতে দিন।

অবাক হইয়া শঙ্কর বলিল, কিন্তু—

স্কাক্স মাথা নাড়িল কিন্তু নয়। বাড়ী গিয়ে ছটফট করার চেয়ে এখানে শান্তিতে থাকা ভাল। আমার যদি একটু বসবার ব্যবস্থা করে, দেন ওর সেবা করাটা দেখতে পারি।

মেঝেতে মাদুর বিছাইয়া দিয়া ঘুরিয়া দাঁড়াইতেই শঙ্কর দেখিল, হিমালী কৃতজ্ঞ দৃষ্টিতে স্বামীর দিকে চাহিয়া আছে। স্কাক্স একপ্রকার দুর্বোধ্য হাসি দিয়া সে দৃষ্টিকে নন্দিত করিল, তারপর ঘরের চারিদিকে একবার চোখ বুলাইয়া গম্ভীর হইয়া বসিয়া রহিল।

খাত আসিয়াছিল স্কাক্সের বাড়ী হইতে। ছেলেমেয়েরা খাইয়া ঘরের এককোণে স্তম্ভ বিছানায় জড়নড় হইয়া ঘুমাইয়া পড়িয়াছে। শঙ্কর বিছানার পাশে মাটিতেই বসিল। বুকের ভিতর চাপবাঁধা দুর্ভাবনা, তবু হঠাৎ তার যেন হাসি পাইল। ঘরে আজ দুইজোড়া স্বামী-স্ত্রী জোড়া হইয়াছে; কিন্তু জোড়ায় জোড়ায় কি অসীম পার্থক্য! শয্যায় পড়িয়া আছে চামড়া-ঢাকা একটা ককাল, বাসর-রাজিতেও যার ওঠে মধুর বদলে জুটিয়াছিল দাঁতের ফাঁকে ফাঁকে পচা খাতকণার দুর্গন্ধ, আজ সাত বছরের বেশী যে তার মনকে উপবাসী রাখিয়া ছুঁবেলা যোগাইয়াছে শুধু বাঁধা ভাত। তিনটি পেটমোটা শিশুর শিয়রে বসিয়া আছে একটা কলেপেবা জীবন্ত ইন্দুদণ্ড, জীবনটা যার স্রষ্টা কবির সৃষ্টির খাতায় ভুলিয়া যাওয়া সাদা পৃষ্ঠা। আর কল্পার শিয়রে যে জীটি বসিয়া আছে, যে স্বামিটি বসিয়া আছে তাহারই ছেঁড়া মাদুরে—রূপ-যৌবন অর্থ-সম্মান হাসি-উৎসবের কী সমারোহ উহাদের জীবনে! রাজি এগারটার সময়ও বিধুর জ্ঞান হইল না। কিছুক্ষণ হইতে হিমালী উলখুস করিতেছিল, হঠাৎ ব্যাকুল হইয়া স্কাক্সকে বলিল, ডাক্তার বাবুকে, আর একবার নিয়ে এসো।

স্কাক্স নীরবে উঠিয়া দাঁড়াইল।

হিমালী বলিল, দু'জন এনো, কনসাল্ট করবেন।

স্কাক্সের মুখে বিস্ময়ের চিহ্নও নাই, শুধু অভিজ্ঞতা। সামান্য একটু মাথা নাড়িয়া এমনভাবে স্বীকৃতি জানাইল যেন দু'জন ডাক্তার আনবার কথা সেও ভাবিতেছিল।

প্রতিবাদের ইচ্ছা শঙ্করের মনে জাগিয়াছিল, কিন্তু কিসের প্রতিবাদ করিবেন, ইহাদের ভাব দেখিয়া একথা তো কল্পনাও করা যায় না যে, কলিকাতার

সমস্ত ভাস্কর্য আনিয়া বিধুর চিকিৎসা করার চেয়ে বড় কর্তব্য ইগানের আর কিছু আছে !

টর্চ জালিয়া স্বকাস্ত চলিয়া গেল। পাড়াটা শুরু হইয়া গিয়াছে—সেও যেন আজ অসুস্থ এবং ত্রয়োদশীর টাদের আলোর উপর তার শুশ্রূষাব ভাব। জানালার বাহিরেই টাদ ওঠার ইঙ্গিত, রোগ্যাকে বিধুর হাতে মাজা পিতলের ঘটিটা চকচক করিতেছে। বিধুর পায়ের আঙ্গুলে রেডির তেলে ভেজা স্নাকড়া লড়ানো, হঠাৎ শব্দর তাহা লক্ষ্য করিল। আজ ছুর্ভাবনা—অতঃপর নিশায় আলো নিবাইলে ওই পায়ে যদি জ্যোৎস্না আসিয়া পড়ে ?

হিম্যানীর পা' দুটি চৌকীর তলের আবছা অন্ধকারে। জরিবমানো চটির দু'একটা জরি শুধু চিক-চিক করিতেছে। পা' দুটি যেন অন্ধকারে মোড়া সোনা, কয়েকটি সূক্ষ্ম ছিদ্র দিয়া পরিচয় মিলিতেছে। ওই পায়ের গোড়ালি কি ফাটা ? আঙ্গুলের চিপায় কি জলে ক্ষয়-পাওয়া শাদা ঘা ?

শব্দরের মনে হইল হিম্যানীর পা' দুটি চৌকীর তলা হইতে টানিয়া আনিয়া এই একান্ত অসম্ভব সন্দেহ ভঞ্জন করিয়া না নিলে চিরদিন তার মন কেমন করিবে।

চোখদুটো জালা করিতেছে দেখিয়া শব্দরের কৌতুক বোধ হইল। থাকিবার মধ্যে চোখে আছে একটু ক্ষীণ দৃষ্টি—সে চোখ আবার জালা করে।

আপনি থাকেন না ? খেয়ে নিন। ভেবে আব কি করবেন।

শব্দর চাহিয়া দেখিল হিম্যানী মুখেও দিকে চাহিয়া আছে। দ্বীীর অসুখের কথা ভাবিতেছিল না বলিয়া তার একবিন্দু লজ্জা হইল না। বলিল আজ খাব না।

আপনি না খেলে এ'র কোন উপকার হবে না।

আমার অপকার হবে। অঘলে বুক জলে যাচ্ছে।

সকলেরি দেখছি সমান অবস্থা। আমারও অঘল হ'লে বুক জ'লে যায়।

বসিয়া থাকিতে থাকিতে শব্দর কুঁজা হইয়া গিয়াছিল, অকস্মাৎ সোজা হইয়া বলিল—

আপনার অঘল।

হিম্যানী স্নান হাসিল, আর কলিক। যেদিন ধরে মনে হয় ব্যাথা বৃষ্টি দম আটকাবে। মাগো, সে যে আমার কি কষ্ট!

শব্দর আবার কুঁজা হইয়া গেল—বিশেষভাবে হতাশ হইলেই তার মেরুদণ্ডটা ধল্লকের মত বাঁকিয়া যায়।

হিম্যানী একটু ভাবিয়া বলিল, কিন্তু ওজন আমার নালিশ নেই।

কলিকের ব্যাধা থাকার জন্য আবার নালিশ কি থাকিতে পায়ে শব্দর বৃষ্টিতে পারিল না, বলিল, কেন ?

হিমালী নতমুখে অস্বাভাবিক গলায় বলিল, স্তনলে আপনি লজ্জা পাবেন, ও যে আমার প্রাপ্য। প্রত্যেকটি মেয়ের জন্ম ভগবান নির্দিষ্ট ব্যথা মেপে রাখেন, মাথা পেতে নিজের ভাগ নিতেই হবে। ব্যথার এক রূপ এড়িয়ে গেলে অন্তরূপে দেখা দেবেই।

কী অদ্ভুত মন্তব্য! সন্কেচে নয়, মন্তব্যের ভাবে শব্দর মাথা হেঁট করিল। কথাগুলি যেন একবোঝা অভিযোগ—একটি সুদীর্ঘ জীবনের ব্যর্থতার মত অসম্ভব ভারি!

কিন্তু শম্যাশায়িনী ওই সংক্ষিপ্তা মানবীটির অভিযোগও তো নিখিল মানবতার ইতিকথায় প্রক্ষিপ্ত নয়! ওর বুকের প্রত্যেকটি দৃশ্যমান পাঁজরা, ওর কালিপড়া চোখের অত্যধিক স্নেহের কালো ছানি, ওর জীবনযাত্রার অধিকারীর অস্তহীন বঞ্চনার তবে মানে কি! ভগবানের মাপিয়া-রাখা ব্যথার ভাগের সঙ্গে মাহুষের স্তম্ভিয়া-দেওয়া ব্যথায় ওর শিরায় রক্তের রঙও বৃষ্টি ক্যাকালে হইয়া গিয়াছে।

হিমালীর কথাটা সে বৃষ্টি, না বোঝার মত করিয়া। ও নিত্য অপরাহ্নে বকুলতলায় স্বামীর সঙ্গে চা পান করিতে পায়। ভোর বেলা মোটরে চাপিয়া লোকালয় ছাড়িয়া গিয়া খোলা মাঠের মাঝখানে নির্জন পথপ্রান্তে ক্ষণকাল বিশ্রাম করে। লক্ষ্য ছাপানো মনের সঙ্গে নিত্য ও ঘনিষ্ঠতা জন্মে,—আঙুলের সোনার কাঠি দিয়া সেতাবের ঘুমন্ত রাগ-রাগিণীরও ঘুম ভাঙায়। গন্ধতেলে খোঁপা বাঁধে, মাবান মাথিয়া স্নান করে, ঘরে পরিয়া বেনারসী ছিঁড়িয়া ফেলে।

বিধুর কি আছে?

সহানুভূতির অভাব ছিল না কিন্তু; হিসাবে হিমালীর হার হইল।

স্বকাস্ত ডাক্তার নিয়া ফিরিবার পূর্বে বিধুর জ্ঞান হইল। রক্তবর্ণ চোখ মেলিয়াই সকলকে চমকাইয়া দিয়া চেঁচাইয়া উঠিল। হিমালীর হাত হইতে দুইটা আইসব্যাগই খসিয়া পড়িল। ছোট থোকা ঘুম ভাঙিয়া করুণ স্বরে কাঁদিতে লাগিল। শব্দর ধড়মড় করিয়া উঠিয়া দাঁড়াইল।

বিধুর আর্তনাদের শব্দার্থ এই:

মাগো এ ডাইনী কে! থোকা! ওরে থোকা!

বার কয়েক গলা চিরিয়া থোকাকে ডাকিয়া সে দিব্য হ্রয় করিয়া কাঁদিতে আরম্ভ করিয়া দিল, থোকারে...

হিমালী আইসব্যাগ দুটি তুলিয়া আবার মাথায় চাপিয়া ধরিল। খানিক পরে শাস্ত হইয়া বিধু বোধ হয় ঘুমাইয়া পড়িল।

হিমালী জিজ্ঞাসা করিল, থোকা কোন্টি?

নেই।

নেই!

নাঃ। ওর মনে থাকতে পারে, পৃথিবীতে নেই। জ্যোৎস্নারাত্রে খোকা একদিন ছাদ থেকে পাকা উঠানে পড়ে গিয়েছিল।

হিমাদী চমকিয়া বলিল, সত্যি ?

হ্যাঁ। জ্যোৎস্না উঠলেই খোকাকে নিয়ে ও ছাতে উঠত কেন কে জানে! রান্নার ফাঁকে ফাঁকে কতবার যে ছুটে যেত ঠিকানা নেই। জিজ্ঞাসা করলে বলত, জ্যোৎস্না দেখতে ভাল লাগে।

ও কথা সত্যি নয়।—হিমাদীর কণ্ঠে কাতরতা।

তা ঠিক। জ্যোৎস্না দেখে ওর ভাল লাগা অসম্ভব। কিন্তু কেন যে উঠত ভেবে পাই না।

মুখ আড়ালে বাখিয়া হিমাদী নীরব হইয়া রহিল। তেল কমিয়া গিয়াছিল, বার কয়েক দপদপ করিয়া আলোটা নিবিত্তে আরম্ভ করিল। অনেক খোঁজাখুঁজির পর শঙ্কর যখন তেলের বোতলটা নিয়া আসিল আলো প্রায় নাই। দেখা গেল জ্যোৎস্না আসিয়া সত্যি বিধুর পায়ের কাছে বিছানায় লুটাইয়া পড়িয়াছে। বিধু কিন্তু পা গুটাইয়া নিয়াছিল।

তেল ভরিবার চেষ্টায় আলোটা একেবারে নিবিয়া গেল। প্রায় রুদ্ধকণ্ঠে হিমাদী বলিল, কতদিন আগে শঙ্কর বাবু ?

কিসের ?

কতদিন আগে খোকা ছাত থেকে—?

আলো জালিবার চেষ্টা করিতে করিতে শঙ্কর বলিল, পাঁচ ছ'মাস হ'ল বৈকি।—চৈতের প্রথমে।

কান্না শুনি নি তো!

শঙ্কর মাথা নাড়িল, ও এখানে কাঁদেনি। খোকার সঙ্গে হাসপাতালে গিয়েছিল, সেখান থেকেই ওকে ওর মা'র কাছে রেখে এসেছিলাম।—লঠনটা কেবাসিন কাঠের ভাঙ্গা টেবিলে বসাইয়া দিয়া পূর্বস্থানে বসিয়া গম্ভীর গলায় বলিল, কি জানেন, মড়াকান্না আমার একেবারে সহ হয় না।—মাথা ঘোরে।

যেন সে ছাড়া জগতের আর সব মানুষের মড়াকান্না সহ হয়, যে কাঁদে তারও! মানুষ যে কাঁচা মাটির পাত্র, একবার ভাঙ্গিলে চোখের জলে গুলিয়া আবার গড়া যায় একথা সে জানে না। যেন একান্ত অনভিজ্ঞ শিশুটি!

হিমাদী কাঁদ-কাঁদ হইয়া বলিল, মড়াকান্না সত্যি বড় বিলী। কিন্তু কাঁদতে না পারলে আরও বিলী হয়। আমার ছোট ভাইটি যখন ম'রে যায় আমি কাঁদতে পারিনি।

শঙ্কর বলিল, কেন ?

কি জানি। নিজের হাতে মানুষ করেছিলাম বলে বোধ হয়। ছ'মাসের ভাইকে সাতবছরের করেছিলাম সে মরলে কি কেউ কাঁদতে পারে ?

শঙ্কর নীরবে মাথা নাড়িয়া জানাইল—পারে না।

হিমালী যেন তাহাতে খুশি হইল না, ক্ষুব্ধ স্বরে বলিল,—অন্ততঃ পাৰা উচিত নয়। ও-রকম ভাইয়ের সঙ্গে পেটের ছেলের কি তফাৎ আছে! মরলে অজ্ঞান হ'তে হয়, কাঁদতে নেই।

বলিয়া মে নিজের মনে বার কয়েক শিরশ্চালনা করিল। আবোল তাবোল মন্তব্যগুলির মধ্যে ইহা কোনটির প্রতি সংশয়ের প্রতীক বৃদ্ধিতে না পারিয়া শঙ্কর চুপ করিয়া রহিল।

ডাক্তার চ্যাটার্জি এবং কলিকাতার আর একজন নামকরা ডাক্তারকে নিয়া সুকান্ত ফিরিল। চ্যাটার্জি রক্ত পরীক্ষা করিয়াছিলেন; বলিলেন রক্ত মেলিগ্‌গ্ৰাফ ম্যালেরিয়ার জীবাণুর অস্ত্র নাই। অগ্ৰজন বিনা বাক্যব্যয়ে ইঞ্জেকসনের পিচকারীতে কুইনাইন ভরিলেন।

শঙ্কর শ্যামা, শাড়ে লেগে ছুঁচটা যেন না ভাঙ্গে ডাক্তারবাবু।

এই মন্তব্যে ঘরের আবহাওয়াটা অকস্মাৎ বীভৎস রকমের করুণ হইয়া উঠিল।

ডাক্তার বিদায় নেওয়ার খানিক পরে হিমালী শাস্তভাবে স্বামীর সঙ্গে চলিয়া গেল।

ফিরিয়া আসিতে যতটা সময় লাগিল তাহাতে বোঝা গেল বাড়ী পর্যন্ত পৌঁছিয়াছিল।

একটা কথা বলতে এলাম, বলিয়া ভূমিকা করিল।

কি কথা বলুন।

পাঁচ ছ মাস আগে জ্যোৎস্না উঠলে আমরাও ছাতে উঠতাম। খোকার মৃত্যুর জন্ত আমাদের কি পাপ হয়নি ?

শঙ্কর আশ্চর্য হইয়া বলিল, আপনাদের কেন পাপ হবে ?

হিমালীর চোখ দিয়া জল পড়িতেছিল, বলিল, হয়েছে। আমি সত্যি ডাইনী। না জন্মাতেই আমার সব খোকাকে আমি মেরেছি, কারো খোকা মরলে আমি ছাড়া আর কার পাপ হবে ? জানেন জ্যোৎস্নায় নামতে আজ আমার গা ছমছম করছে। আপনার সেই খোকা যদি আঁচল ধ'রে টানে ?

টানিলে শঙ্কর কি করিবে ? পিতা বলিয়া এখন কি আর সে তার কথা শুনিতে চাহিবে ?



হিমালী বলিল, আমার সঙ্গে একটু আসবেন ?

স্বকান্ত নিঃশব্দে পিছনে আসিয়া দাঁড়াইয়াছিল, যুদ্ধস্বরে বলিল, ভয় কি, এসো ।

সকালে স্বকান্ত খবর নিতে আসিল বিধু কেমন আছে । চেহারা দেখিয়া সে যে সমস্তরাজি ঘুমায় নাই বুঝিতে কষ্ট হয় না । শঙ্কর টুলটা আগাইয়া দিয়া বলিল, বসুন ।

দাঁড়ান, খবরটা দিয়ে আসি আগে ; বলিয়া স্বকান্ত চলিয়া গেল । পাঁচমিনিট পরে ফিরিয়া আসিয়া বিনা আহ্বানেই টুলটাতে বসিয়া পড়িল ।

সকাল বেলায় আলোতে রাত্রির আলোর ঈজিতটুকুও নাই, এবং তাহা নিঃসন্দেহে পরম আশ্চর্যের ব্যাপার । তথাপি বিধুর পায়ের আঙ্গুলে জ্ঞানো য়েড়ির তেলের স্নাকড়াটা শঙ্কর কখন যেন খুলিয়া নিয়াছে ।

স্বকান্ত বলিল, বুঝলেন শঙ্করবাবু, জীবনে এককোঁটা স্মৃতি নেই ।

একথা সকলেই জানে, শঙ্কর কিছু বলিল না ।

আপনার এখান থেকে গিয়ে কি টেঁচামেটি আর কান্না যে আরম্ভ কর'রে দিলে যদি দেখতেন । কোন অভাব নেই তবু কেন যে গুর মাথা এমনভাবে খারাপ হ'য়ে গেল !

অভাবের প্রাচুর্যে আধমরা স্ত্রীর দিকে চাহিয়া শঙ্কর এবারও কিছু বলিতে পারিল না ।

## যাত্রা

বৈশাখের সপ্তমী তিথিতেই এ বাড়ীতে আজ বিজয়া আসিয়াছে !

চারিদিকে বিচ্ছেদ-বেদনার একটি করুণ ছায়াপাত হইয়াছে । কারণটা সম্ভবতঃ এই যে, সকলেই অস্বাভাবিক শ্রান্ত ।

অথচ উৎসবের জের এখনও মেটে নাই ।

বাড়ী এখনও আত্মীয়-স্বজনে ভরিয়া আছে, ছেলেমেয়েদের কলরব কালকের চেয়ে আজ কোন অংশেই কম নয় । একেজো লোকের অকারণ চলাফেরা, কান্নার লোকের অসহিষ্ণু বাস্ততা, খাওয়া, খাওয়ানো, মাছ কোটা, তরকারী কোটা, হলুদ বাটা ও বাস্তর সমারোহ সবই পুরাতন চলেতেছে । উঠানের কোণে নিম্ন আর আম গাছের মেশানো ছায়ায় পাতা চৌকিতে বয়স্ক প্রতিবেশীদের হুঁকা টানার বিরাম নাই । তা, ইহা স্বাভাবিক বই কি । এতগুলি মাছের মধ্যে ধরিতে গেলে কয়েকজনেরই বা বুকের ভিতরটা আজ

ভারি হইয়া উঠিয়াছে, চোখের আড়ালে অশ্রু জমিয়াছে? দৈনন্দিন জীবনটা নিরুৎসব সকলেরই, সে জীবন পিছনে ফেলিয়া উৎসবের নিমন্ত্রণ রাখিতে আসিয়াছে আজ যাহারা, দাবি তাহাদের আনন্দ আর বৈচিত্র্য, বরকনে বিদায় ব্যাপারটা তাহাদের কাছে বিদায়-উৎসব ভিন্ন আর কিছুই নয়, মা ও মেয়ের কান্নাকাটি তাহাদেরই আত্মযজ্ঞিক অহুষ্ঠান মাত্র।

তবু বেশ বুঝিতে পারা যায়, সমস্ত বাড়ীটাই কেমন যেন ঝিমাইয়া পড়িয়াছে; আজ সবই, কেমন যেন বেমানান হইয়া আছে।

খানিক আগে কুড়াইয়া পাওয়া মালকোষকে ঠিকমত আয়ত্ত করিতে না পারিয়া শানাই এখন, এই বেলা এগারটার সময়, সহসা পূর্ববী ধরিয়া ফেলিয়াছে; অনাবশ্যক দীর্ঘ টানগুলির মধ্যে পূর্ববীত কিছু কম থাকিলেও বিলাপ আছে প্রচুর। সদর দরজার দুইপাশে কলাগাছ দু'পাশে এলাইয়া নিশ্চেষ্ট হইয়া পড়িয়াছে, একটি মঙ্গল কলসের আত্মপল্লব কাল বোধহয় ছাগলই অর্ধেক খাইয়া ফেলিয়াছিল, এখন পর্যন্ত তাহা বদলাইয়া দেওয়া হয় নাই। আর হইবেও না। আর আধঘণ্টা পরে বাড়ীর ছুয়ায় মঙ্গল কলসেরই বা কি প্রয়োজন, তাহাতে অক্ষত আত্মপল্লব না থাকিলেই বা কি আসিয়া যাইবে!

ক্ষেপ্তিই বিশেষ বন্ধু। ছেলে কোলে সকাল হইতে সে ইন্দুর কাছে থাকিয়াছে, নানা গল্প করিয়াছে, আশ্বাস, উপদেশ, সাস্ত্যনা, নিজে প্রথম স্বামীগৃহে যাওয়ার বিশদ বর্ণনা, বলিতে কিছুই বাকী রাখে নাই। তবু যেন কথা ফুরাইতেছিল না।

না ফুরাইবার কথা।

নেপথ্যে ভবিষ্যতের ব্যথা জমিয়াছে। আবার কবে দেখা হইবে কে জানে? এক সময়ে হৃৎজনে বাপের বাড়ী আসিতে পারে তবেই ত। ক্ষেপ্তির ছুটি ফুরাইয়া আসিয়াছে, আর দিন তিনেক, তারপর বছর খানেকের মত নিশ্চিন্ত।

নিজের কথায় স্তব্ধ ধরিয়া ক্ষেপ্তি বলিয়া চলিল—

‘নিজেকে হু’ভাগ করে ফেলতে হবে ভাই, একভাগ শাশুড়ী ননদ দেওর এদের জন্ত, আর একভাগ বরের জন্ত। যদি দেখিস শাশুড়ী ননদ একটু বেশী বেশী শস্তুর ভাবে, প্রথম প্রথম বরের ভাগটা ছোট করে ওদের ভাগটা বড় করে ফেলবি। তোর বরকে ভালই মনে হ’ল, অল্লাই তুষ্ট থাকবে।’

ইন্দু সজ্জ্ব একটু হাসিল। ভাল, না ছাই! কী লজ্জাতেই ফেলিয়াছিল কাল? আড়িপাতার ব্যাপার জানে না কোন্ দেশের মানুষ ও?

ক্ষেপ্তি বলিল, ‘হাসিস কি লো? ও-বাড়ীর পুষ্টি বেড়ালটার পর্যন্ত যখন মন যুগিয়ে চলতে হবে তখন টের পাবি। এবার অবশ্য তেমন ভাবনা নেই, যে

কটা দিন থাকিস্ বয়েস আর রূপের সমালোচনা শুনে আর যে যা করতে বলে ক'রে ঘরের মেয়ে ঘরে ফিরে আসবি। ঠালা বুঝবি পরের বার। কেউ আপন করবার চেষ্টাটুকুও করবে না,—এক বর ছাড়া, তা বরও যে খুব বেশী চেষ্টা করবে মনেও করিস্ না,—নিজে নিজে তোকে সকলের আপন হতে হবে। বাব্বা, সে এক তপশ্চা। লোক যদি ওরা মোটামুটি ভাল হয় তা হলে বছর খানেকের তপশ্চাতেই এক বকম ঠিক হয়ে আসে, পান থেকে খসা চুগটুকু নিয়ে আর কেলেঙ্কারী কাণ্ড বেধে যায় না, গরম মেজাজী কেউ থাকলেই চিন্তির! একটা ফাঁকড়া যদি বাধে, আর কি, রইল তা চিরস্থায়ী হয়ে, দোষ সে তোমারই হোক আর যারই হোক! আমার মেজ ননদ? কি রাগ বাবা, তাওয়ার মত তেতেই আছে! আমাকে গাল না দিয়ে আজও কী সে জল খায়? খায় না! শান্তী মাগী লোক মন্দ নয় তাই বন্ধা, নইলে গিয়েছিলাম আর কি!' মেজ ননদের সঙ্গে কবে কি তুচ্ছ ব্যাপার নিয়ে খুঁটিনাটি বাধিয়াছিল, ক্ষেস্তি তাহার কয়েকটি দৃষ্টান্ত দাখিল করিল; শেষে বলিল, 'তা শোন, পরের বার যখন যাবি একটা কথা মনে রাখিস্ যে, ভোর পাঁচটা থেকে রাত দশটা পর্যন্ত যত মুখ বুজে খাটবি সবাই তত ভাল বলবে, আর রাত জেগে বরের সঙ্গে যত গুজগাজ্ ফিস্ফাস্ করতে পারবি বর তত খুশী থাকবে।' বলিয়া ক্ষেস্তি হাসিল।

ইন্দু মৃদুস্বরে বলিল, 'শেষেরটাতেই ভয় ভাই। যে ঘুমকাতুরে আমি জানিস্ ত।'

'ঘুম আর চোখে থাকবে না লো, থাকবে না, বরঞ্চ মনে হবে, পোড়া বিধাতার কি বিবেচনা মরে যাই, এত ছোট করেছে রাত, তার উপর আবার ঘুমের ব্যবস্থা!'

ঘটনার ঘনঘটায় ইন্দুর মন উদ্ভ্রান্ত হইয়াছিল, সখীর পরিহাসে সে অল্প একটু হাসিল বটে, কিন্তু কোতুক অল্পভব করিল আরও কম। হরেন (ইন্দুর বরের নাম; মাহুষটার চেয়ে নামটির সঙ্গেই ইন্দুর পরিচয় বেশী দিনের; নাম ও নামীকে সে এখনও একত্র জড়াইয়া ভাবে) অনেকক্ষণ খাইতে বসিয়াছে, নতুন জামাইয়ের খাইতে সময় লাগে, কিন্তু সে আর কতক্ষণ, হরেনের খাওয়া হইলেই যাত্রা।

অজানা অচেনা মাহুষের সঙ্গে সেই তালশিমুলীর উদ্দেশ্যে যাত্রা, সেখানে যাইতে হইলে তের মাইল পাকীতে গিয়া স্ত্রীমার ধরিতে হয়; রাত দশটায় সে স্ত্রীমার কোন্ স্ত্রীমার-ঘাটে নামাইয়া দেয় কে জানে, তারপর রাত বারোটা অবধি পাড়ি জমাইতে হয় নৌকায়। মালপড়ি হইতে তালশিমুলী অনেকদূর—এতই দূর যে ব্যবধানটা ইন্দুর মনে দিকহীন রাইঘোষণীর মাঠের মত ধু ধু

করিতে থাকে,—বৈশাখের খররৌদ্রে যে মাঠের তৃণগুলি ঝলসাইয়া গিয়াছে, এখন যাহার দিকে তাকাইলে আশ্বনের হৃৎকায় হুঁচোখ টন টন করিবে।

রাইঘোষাণীর মাঠ ঘেঁষিয়া শ্রীমার-ঘাটের পথটা অনেক দূর অবধি সিধা চলিয়া গিয়াছে, তারপর ডাইনে বাঁকিয়া ঢুকিয়া পড়িয়াছে সাতগাঁয়ে। ওই গ্রামে স্বরূপ চক্রবর্তীর বাড়ী। স্বরূপ চক্রবর্তীর ছেলের সঙ্গে ইন্দুর সখস্ব হইতেছিল, কেন ভাঙিয়া গেল কে জানে! ওখানে বিবাহ হইলে একদিক দিয়া ভালই হইত ইন্দুর। যখন তখন সে বাপের বাড়ী আসিতে পারিত, সোমবারে বিয়াদ্বারে বাবা আর দাদা মালসিপুকুরের হাটে ঘাইবার সময় তাহার সঙ্গে দেখা করিয়া আসিতে পারিত, স্বরূপ চক্রবর্তীর বাড়ীর পিছনের ধান ক্ষেতটা পার হইয়া আসিয়া দাঁড়াইলে মালপাতার গাছপালা তাহার চোখে পড়িত; সবচেয়ে উঁচু তাল গাছটার নীচেই তাহাদের এই বাড়ী। ছেলে কালো তো কি হইয়াছে? বরের রঙ ধুইয়া সে কি জল খাইত?

তা ছাড়া, স্বরূপ চক্রবর্তী আর তাহার ছেলে দুজনেই তাকে বউ করিবার জ্ঞান কি রকম বাগ্ন হইয়াছিল? চক্রবর্তী-গিরিকেও সে দেখিয়াছে, ভারি শাস্ত অমায়িক মাহুস। ওখানে বিবাহ হইলে খণ্ডরবাড়ীর আদর জুটিবে কি অনাদর জুটিবে, এই নিয়া ইন্দুকে আর এমন দুর্ভাবনা পড়িতে হইত না। তাহাকে বউ পাইলে উহার বর্তিয়া যাইত।

তবে কিশোর মহাদেবের মত এমন বয়টি তাহার জুটিত না, এই যা আপসোসের কথা।

মার অবসর কম, খুব ভোরে আধ ঘণ্টাখানেক মেয়েকে বুঝাইবার স্বযোগ তিনি পাইয়াছিলেন, তারপর মাঝে মাঝে নানা ছলে মেয়ের মন মুখখানি দেখিয়া যাওয়ার বেনী সময় করিয়া উঠিতে পারেন নাই। এখন আর তিনি থাকিতে পারিলেন না। নূতন জামাইকে আদর করিয়া খাওয়াইবার লোক আবশ্যকের অতিরিক্তই ছিল, তথাপি ঘরে ঢুকিয়া বলিলেন, 'যা ত মা ক্ষেস্তি, জামায়ের খাওয়াটা একটু দেখ তো গিয়ে।'

'সে কি মাসীমা? জামাই একা খাচ্ছে না কি?' ছেলেকে কাঁখে তুলিয়া ক্ষেস্তি তাড়াতাড়ি চলিয়া গেল।

মা বলিলেন, 'পাতের কাছে বসলি আর উঠে এলি, কিছুই তো খেলি না ইন্দু? একটু দুধ এনে দি' চুমুক দিয়ে খেয়ে ফ্যাগ্ মা, খিদেয় নইলে যে সারা হয়ে যাবি?'

মার গলায় স্বর এমন করুণ শোনাইল যে দুধ খাইতে ইন্দু একেবারে অস্বীকার করিতে পারিল না, বলিল, 'এখন না মা, পরে খাব'খন।'

‘পরে আর কখন খাবি মা ; পর কি আর আছে ? জামায়ের খাওয়া হলে সবাই তোকে আবার ছেকে ধরবে, তখন কি আর খেতে পারবি ? এখুনি খেয়ে নে ?’

‘আমার কিছু খেতে ইচ্ছে করছে না মা !’

মার চোখ সজল হইয়া উঠিল।—‘তা কি আমি বুঝি না মা, তবু খেতে হবে। রাস্তায় তুই খিদেয় কষ্ট পাচ্ছিস্ ভেবে আমি এখানে কি করে থাকব বল দেখি ? একটু দুধ তুই খা ইন্দু, লক্ষ্মী মা আমার ।’

একটু মানে এক বাটি এবং বাটিটাও নেহাৎ ছোট নয়। দুধের পরিমাণ দেখিয়া ইন্দু ভয় পাইল। মার মুখ চাহিয়া সবখানি দুধ কোনমতে যে গেলা যায় না এমন নয়, কিন্তু রাস্তায় বমি হওয়ার আশঙ্কা আছে। তবু খাইতে হইল তাহাকে সবটাই। সে যেন অবোধ অবাধ্য শিশু এমনি ভাবে গায়ে মাথায় হাত বুলাইয়া তোষামোদ করিয়া বকিয়া মা তাহাকে সবটুকু দুধ খাওয়াইলেন, ভিজ্জা হাত মুখে বুলাইয়া নিজের আঁচলে মুখ মুছাইয়া দিলেন, চুপি চুপি বলিলেন, ‘এক কাজ করবি ইন্দু ? খানিকটা সন্দেহ দলা করে কলাপাতায় মুড়ে দিচ্ছি, সন্কে নিবি ? রাস্তায় যদি খিদে পায়—’

মাগো, মেয়েকে যে তিনি এত ভালবাসেন আগে তাহা কে জানিত ! দুদিন আগেও ইহাকে কারণে অকারণে কত মুথঝামটা দিয়েছেন, কত লাঞ্ছনা করিয়াছেন। সে সব কথা ভাবিলেও আজ চোখ ফাটিয়া জল আসিতে চায়। দেখিতে দেখিতে মেয়ের দেহ দীঘল হইয়া উঠিল, দুধ না, ভাল মাছটুকু না ; তবু যেন কলাগাছের মত ছ ছ করিয়া বাড়িয়া চলে, অথচ বর জোটে না। মেয়ের দিকে তাকাইলেও বুকের ভিতরটা যেন তাহার হিম হইয়া যাইতে। এক বছর ধরিয়া পেটের মেয়ে যেন শক্ররও বাড়ি হইয়া ছিল। এমন রাজরাণীর মত আজ ইহাকে মানাইয়াছে, এমন গড়ন, এমন মাজা রঙ, এমন লাবণ্য — কিছুই কি তখন চোখে পড়িত ছাই ! মনে হইত, এমন কুরুপা মেয়ে ভূভারতে আর জন্মায় নাই।

চিবুক ধরিয়া উঁচু করিয়া মা ইন্দুর লজ্জিত মুখখানি অতৃপ্ত নয়নে চাহিয়া দেখিয়া ভাবিলেন, বড় অগ্নায় হইয়াছিল, বিনা দোষে মুখ বুজিয়া কত দুঃখই এ মেয়ে তাঁহার সহিয়াছে ! বিন্দুর বেলা সাবধান থাকিবেন, আর অমন করিয়া যখন তখন বকিবেন না, যা তা খোঁটা দিবেন না।

আশ্চর্য এই, মেয়ে যে প্রায় আধাআধি সর্বনাশ করিয়া চলিল এ কথা মার মনেও পড়িল না। তেরো বিঘা ধানের জমি একেবারেই গিয়াছে, স্বামী-পুত্র লইয়া মাথা গুঁজিবার এই ঠাইটুকু এগারোশো টাকায় বাঁধা পড়িয়াছে। কত

মাস, কত বছর ধরিয়া স্বামীর অল্প আয়ের অধিকাংশ গ্রাস করিয়া এ বাড়ী মুক্ত হইবে কে জানে। কেমন করিয়া সংসার চলিবে, পাঁচ ছয় বছর পরেই বিন্দুর বিবাহ দিতে হইবে, তখন কি উপায় হইবে এসব ভাবিলেও মাথা ঘুরিয়া যাওয়ার কথা, মা কিন্তু এখনও সব কিছুই ভাবিতেছিলেন না। ভাবিবার সময় অনেক জুটিবে, মেয়ে যে আজ তাঁহার মহা সমারোহে পর হইয়া যাইতেছে।

ইন্দু আস্তে আস্তে জিজ্ঞাসা করিল।

‘হ্যাঁ মা, খোকার ঘুম ভাঙেনি?’

‘জানিনে। ওর দিকে তাকাবারও সময় পেয়েছি কি সকাল থেকে? সময় মত ওষুদও আজ বোধহয় খাওয়ানো হয় নি।’

ইন্দু বলিল, ‘আমি খাইয়েছি ওষুদ। বিকালে ডাক্তারবাবুকে আর একবার আনিয়া মা। দেখে আসি খোকাকে একবার—’

ওদিকের ছোট ঘরটিতে পাঁচ ছয় বছরের একটি ছেলে শুইয়াছিল, সাত আটদিন ক্রমাগত জরে ভুগিয়া ছেলেটি জীর্ণশীর্ণ হইয়া পড়িয়াছে। সাত মাইল দূরের গ্রাম হইতে ডাক্তারকে বার দুই আনা হইয়াছিল, জ্বরটা তিনি ঠিক ধরিতে পারেন নাই, কিন্তু দুইচার দিনের মধ্যে কমিয়া যাইবে বলিয়া খুব জোরালো আশ্বাস ও ঝাঁঝালো ওষুধ দিয়াছেন। খোকা জাগিয়া চুপ করিয়া শুইয়াছিল, মাকে দেখিয়া কাঁদিতে আরম্ভ করিয়া দিল। তাহার ক্ষুধা পাইয়াছে, সে সন্দেহ খাইবে।

মা বুঝাইয়া বলিলেন, ‘আজ দিদি চলে যাবে, আজকেই তুই সন্দেহ খাবি খোকা? দিদিকে তুই ভাল বাসিসনে বুঝি? তুই কাঁদিস ত ইন্দু—খুব কাঁদিস পাকীতে উঠে।’

খোকা সভয়ে কান্না থামাইয়া বলিল, ‘আমি দিদির সঙ্গে যাবো।’

‘ঘাস। আগে তবে বার্লি খা। বার্লি না খেলে দিদি সঙ্গে নেবে না।—নিবি ইন্দু?’

ইন্দু কান্না চাপিয়া বলিল, ‘না’।

মা বার্লি আনিতে চলিয়া গেলেন।

এ ঘরখানা খুবই ছোট, পুরোনো চাঁচের বেড়া, দ্বি-তিন টিনের চাল। এককোণে এক বোঝা পঁকাটি ঠেস দিয়া রাখা হইয়াছিল, কখন কাৎ হইয়া পড়িয়াছে, বাঁশের তৈরি চৌকীর তলে সারি সারি গুড়ের হাঁড়ি সাজানো। দরজার বাহিরেই বাড়ীর কিষাণ গরুর জন্তু বিচালী কাটে, ঘরের মধ্যে খাড়ের টুকরো উড়িয়া আসিয়া পড়িয়াছে।

এই ঘরেই খোকা জন্মিয়া ছল। ইন্দুর সহসা সে কথা মনে পড়িয়া গেল।

তাহার আকস্মিক ও অপরিমিত আশঙ্কার মধ্যে যুক্তির সম্পূর্ণ তিরোভাব ঘটিল । মনে হইল, বিবাহের গোলমালে রোগী ছেলেটাকে যে এ ঘরে সরাইয়া আনা হইয়াছে তাহাতে বোধহয় নিয়তির হাত ছিল, ফলটা হয়ত ইহার শুভ হইবে না ।

মনে মনে ইন্দু ভয় পাইল । কয়েক সেকেন্ডের কল্পনায় সে যেন ভয়ঙ্কর একটা হৃৎস্পন্দ দেখিয়া ফেলিয়াছে । কুলুঙ্গিতে তিন চারিটা গুম্বুদের শিশি, চোখ তুলিয়া ইন্দু সেগুলি ভাল করিয়া নিরীক্ষণ করিল, উপরের তাকে খোকার ময়লা রবারের বলটা কে যেন তুলিয়া রাখিয়াছে । ভগবানের বুড়োটে খেয়ালের ঠিক উপরেই খোকার ছেলেখেলা !

‘তোমার বলটা তাকে কে তুলে রাখলে রে খোকা ?’

‘গদাইদা রেখেছে ।’ খেলিতে খেলিতে খোকার হাত যখন বাধা হইয়া গেল, গদাইদা তখন বলটা তুলিয়া রাখিল ।—‘শুয়ে শুয়ে বল খেলা বিচ্ছিন্নি, না দিদি ?’

‘ই্যা । আচ্ছা খোকা, বল খেলতে তুই খুব ভালবাসিস ?’

বল খেলিতে ভালবাসে না ! বাসেই ত !

‘দাঁড়া তবে, আসবার সময় পোড়াবাড়ী ঘাটের সেই মনোহারি দোকান থেকে তোমার জন্তে দুটো বল কিনে আনব, তেমন বল তুই কখনও দেখিসনি খোকা, তোমার এটা তো ছোট্ট, সেগুলি এর ঠিক দুনো হবে,—দেখিস । আর শাদা যেন ধপ্ ধপ্ করছে ! ভাল হয়ে একসঙ্গে তিনটে বল নিয়ে মজা ক’রে খেলবি, কেমন ?’

একটু উৎসুক উদগ্রীব স্বরেই ইন্দু কথাগুলি বলিল, বলের বর্ণনা শুনিয়া খোকার লুক্কাত চরমে উঠিয়া যাইবে এ রকম একটা আশা যেন তাহার আছে । তাহার ফিরিয়া আসা অবধি বলের লোভে খোকা অন্তর্ভুক্ত ঠেকাইয়া রাখিবে এমন যুক্তিহীন কথাও ইন্দু আজ এই একান্ত অসময়ে সম্ভব মনে না করিয়া পারিল না ।

ঘরের পিছনেই ছিটাল, গোটা দুই কন্টকাকীর্ণ বাবলা গাছের গোড়া হইতে ডোবার পাড়টা চালু হইয়া নামিয়া গিয়াছে । ডোবায় এখন জল নাই, শুধু আগাছা আর কাদার একটু তলানি । একটা চাপা বাস্পীয় দুর্গন্ধ ওখান হইতে উঠিয়া আসিতেছিল, কি যেন পচিয়া গিয়াছিল এখন রোদের তেজে শুকাইয়া উঠিতেছে । ইন্দুর মনে পড়িল বছর তিনেক আগে মার যখন কঠিন অস্থখ হইয়াছিল তখন খোকাকে কাছে লইয়া শুইয়া প্রথম কয়েক রাত্রি যে গন্ধে তাহার ঘুম আসে নাই, এই দুর্গন্ধ যেন তাহারই অনুরূপ । আজ দুপুরে সেই ক’টি রাতদুপুরে নিরুপায় ক্রোধ ও বিরক্তি যেন স্পষ্ট অনুভব করা যায় ।

এতক্ষণে ইন্দুর ভাল করিয়া কান্না আসিল, উচ্ছল উচ্ছ্বসিত কান্না ; চাপিবার চেষ্টা করিয়াও সে চাপিতে পারিল না, খোকাকে ভীত ও সন্ত্রস্ত করিয়া তুলিয়া সে কাঁদিতে আরম্ভ করিয়া দিল। চোখে-চাপা-দেওয়া আঁচল তাহার চোখের অলে ভিজিয়া গেল।

কিন্তু বেনীক্ষণ সে কাঁদিল না, অল্প সময়ের মধ্যেই শ্রান্ত ও নিস্তেজ হইয়া ধামিয়া গেল। মনে হইল, একটু ঘুমাইতে পারিলে সে যেন বাঁচিত। খোকায় পাশে শুইয়া খোকায় নীর্ণ তপ্ত দেহটি বৃক জড়াইয়া খানিকক্ষণের জন্ত চোখ বুজিবার লোভ ইন্দুকে ব্যাকুল করিয়া তুলিল। বরের খাওয়া বোধহয় এতক্ষণে হইয়া গিয়াছে, আঁচাইয়া পান মুখে দিতে তাহার যতটুকু সময় লাগিবে ঠিক ততটুকু সময় ইন্দু তাহার ছোট ভাইটির বিচানায় একটু শুইতে চায় আজ।

বিদায় সত্যই সমারোহের ব্যাপার।

কয়েকটি অহুষ্ঠান আছে। হৃন্দর কয়েকটি মেয়েলি আচার যথাবিহিত পালন করিতে হয়। প্রণামের ঘটাও কম নয়। উচ্চারিত অহুচ্চারিত আশীর্বচন লিপিবদ্ধ করিলে একখানি চটি বই হয়।

প্রতিবেশিনীদের মন্তব্যগুলি ( পরস্পরের প্রতি ফিস্ ফিস্ করিয়া কিন্তু বরকণে এবং অস্বস্তি অনেকেরই স্বপ্রায়া স্বরে ) চটি বইয়ে কুলায় না।

ইহাদের মধ্যে বয়স্করা স্পষ্ট স্মরণ করিতে পারেন তিনটি ছেলেমেয়ে কোলে লইয়াও খন্ডরবাড়ী আসিতে তাঁহারা কত কাঁদিয়াছিলেন, যাহারা ছোট খন্ডরবাড়ী যাওয়ার সময় খুব একচোট কাঁদিবার ভরসা তাহারা রাখে। ইন্দু যে কাঁদিল না, ইহাদের সকলের কাছেই তাই তাহা অসম্ব্ব ঠেকিল। শব্দ করিয়া না কাঁদুক ঘন ঘন চোখও কি মুছিতে পারে না মেয়েটা ?

‘দেখলে রাঙামাসী ? মেয়ে ধাড়ি ক’রে বিয়ে দেবার ফলটা একবার দেখলে ? বব পেয়ে বর্তেছেন ! একফোঁটা জল নেই গা মেয়ের চোখে ?’

প্রতিবাদ করে ক্ষেস্তি।

‘রাঙামাসী আবার কি দেখবে কালোপিসি ? ওর চোখ দুটোর দিকে তুমিই চেয়ে যাথো। সকাল থেকে কেঁদে কেঁদে চোখ যে ওর জবাফুল হয়ে আছে এতো কাণাও দেখতে পায়।’

কালো পিসি মুখ কালো করিয়া বলেন, ‘কি জানি বাছা, কেঁদে না রাত জেগে চোখ জবাফুল হয়েছে—আজকালকার মেয়ে তোরাই ও-সব ভাল বুঝিস !’

মুখ মুছিবার ছলে হরেন হাসি গোপন করে।

অথচ যে চোখ দুটির জবাফুল হওয়া নিয়া এই কোঁতুক তাহা ঘোমটার



আড়ালে গোপন হইয়াই থাকে, সে চোখে জল না কাজল ঘোমটা না তুলিলে তাহা আর নজরে পড়ে না। তা এই পুরানো মুখে ঘোমটাই এখানে দ্রষ্টব্য, ঘোমটা তুলিবার কৌতুহল ইহাদের কম। স্বামি গৃহে পা দিবামাত্র সেখানকার আবালবৃদ্ধবনিতার মধ্যে যে কৌতুহলের প্রাচুর্য ইন্দুর মুখখানিতে মুহূর্ত সিঁদুর ছড়াইয়া দিতে থাকিবে।

রওনা হওয়ার সময় হইয়া আসে, কিন্তু বিদায় দিয়াও বিদায় দেওয়া হয় না, বরকর্তা তাগিদ দিতে দিতে উৎস হইয়া ওঠেন, চারিদিক হইতে 'এই হ'ল, এই হ'ল, রব উঠিয়া তাঁহাকে কথঞ্চিৎ শাস্ত করে, কনের বাবা ঠেড়ানো জন্তর মত উদ্ভ্রান্ত দৃষ্টিতে চারিদিকে চাহিতে চাহিতে ক্রমাগত হাত কচলান, ওদিকে দিদির সঙ্গে যাওয়ার বায়না নিয়া থোকার কান্না আর থামে না।

ইন্দুর ইচ্ছা হয় এই অসহ অত্যাচারের হাত এড়াইতে ছুটিয়া পাকীতে উঠিয়া পড়ে। বেদনার এ বিরাট ভূমিকা কেন? থাকিবার যখন উপায় নাই তাড়াতাড়ি যাওয়াই ভাল। উঠানে দাঁড়াইয়া না থাকা না যাওয়ার যন্ত্রণাটা এমন সমারোহের সহিত ভোগ না করিলে কি নয়?

দাঁড়াইয়া থাকিতে ইন্দুর কষ্ট হয়। সর্বাঙ্গ যেন অবশ হইয়া আসিতেছে।

অঙ্গন-লগ্ন ছায়াটিই ইন্দু দেখিতে পাইতেছে, তাহাও ঘোমটার ভিতর দিয়া কয়েক হাত পরিধির মধ্যে অংশটুকু, কিন্তু মাথার উপরে যে প্রকাণ্ড আমগাছটি চাঁদোয়ার মত নিজেকে ভালপালায় ছড়াইয়া দিয়াছে তার সর্বাঙ্গ ছাইয়া মুকুলের সহারোহ সে স্পষ্ট কল্পনা করিতে পারে। আবাচের শেষাংশে এ গাছের ফল পাকিবে—খাইয়া শেষ করা যায় না এত ফল। কে জানে সে তখন থাকিবে কোথায়?

থোকা কাঁদিতেছে, খুব আন্তে কাঁদিতেছে, পায়ের নীচের ঘন ছায়া কেমন গাঢ় নীল হইয়া উঠিল, ঘোমটার প্রান্ত হইতে একটা ধোঁয়াটে কুয়াসা উঠান পর্যন্ত নামিয়া যাইতেছে,—তবু থোকা কাঁদিতেছে, অনেক দূরে, তালশিমুলীর চেয়ে অনেক দূরে ঝিঁঝির ডাকের মত কেমন ঝিঁঝিয়ার ঝিঁঝিয়ার থোকা কাঁদিতেছে, শুনিতে শুনিতে ইন্দুর মাথার মধ্যে একটা দুর্বোধ্য বম্ব বম্ব শব্দ আরম্ভ হইল এবং মুহূর্তে সমস্ত উঠানটা বার কয়েক ছলিয়া শব্দহীন অন্ধকারে তলাইয়া গেল।

দুই হাত বাড়াইয়া উঠানটা ধরিতে গিয়া সে উঠানেই টলিয়া পড়িয়া গেল।

হরেনই তাহাকে ধরিয়া ফেলিল, কিন্তু ধরিয়া রাখিল না। আন্তে আন্তে উঠানে নামাইয়া দিয়া বাকী কর্তব্যের ভার অস্ত্র সকলের উপর ছাড়িয়া দিয়া সে লরিয়া দাঁড়াইল।

চারিদিকে ভারি চেঁচামেচি আরম্ভ হইল। কি হইল এবং যা হইল তা কেমন করিয়া হইল জানিতে চাহিয়া, জল ও পাথার দাবি জানাইয়া সকলে বিষম হট্টগোল বাধাইয়া দিল, ভুলুষ্ঠিতা কন্ঠার মস্তক কোলে তুলিয়া লইয়া মা বার বার তাহার নাম ধরিয়া ডাকিয়া ডুকরাইয়া কাঁদিয়া উঠিলেন, মেয়েরা একবাক্যে হা-হতাশ করিল।

তারপর জল আসিল, পাখা আসিল, ইন্দুর সীঁথির আলগা সিঁছর জলে ধুইয়া গেল, তাহার রাঙা চেলিতে উঠানের কাদা লাগিল এবং প্রায় চার মিনিট সময় সকলকে ভীতমস্তক বিহ্বল ও উত্তেজিত করিয়া রাখিয়া ইন্দু চোখ মেলিয়া তাকাইল। চারিদিকে চাহিয়া সে বলপ্রয়োগে উঠিবার চেষ্টা করিল, কিন্তু মা'র দৃঢ় আলিঙ্গন ছাড়াইতে পারিল না।

মা বলিলেন, 'শুয়ে থাক মা, শুয়ে থাক—ও শ্রীহরি ও মধুসূদন, একি বিপদ ঘটালে!'

যাত্রা আধঘণ্টা খানিক পিছাইয়া গেল।

ইন্দুর আকস্মিক মূর্ছার কারণ সম্বন্ধে গবেষণা হইল প্রচুর। উপবাস, দুর্বলতা, মনোকষ্ট, গ্রীষ্মাতিশযা, 'ঢং লো ঢং, ঢং করে মেয়ে মুছো' গেলেন, এ আর বুকি না,' এই অল্পমান কয়টিই প্রাধান্য পাইল বেশী। অবশেষে সাব্যস্ত হইল যে, দুর্বলতা নয়, অমন স্বাস্থ্যবতী মেয়ের আবার দুর্বলতা কিসের, গরমটাই আসল কারণ। সহজ গরমটা পড়িয়াছে আজ? বসিয়া থাকিতে থাকিতেই লোকের ভির্মি লাগিবার উপক্রম হয়।

ছেলের বাবা কিন্তু গরমের অপরাধটা মানিয়া লইয়া মেয়ের বাবাকে অত সহজে রেহাই দিলেন না। বলিলেন, 'একি কাণ্ড মশাই? ফাঁকি দিয়ে একটা মৃগী রোগীকে ঘাড়ে চাপালেন?'

ইন্দুর বাবা ভয়ে ভয়ে বলিলেন, 'আজ্ঞে মৃগী রোগী নয়, জীবনে আর কখনও ওর ফিট হয়নি। আর গরমে—'

'গরম! কিসের গরম! গরম বলিয়াই ফিট হইবে না কি?—বলি, গরম লাগল কি একা আপনার মেয়ের? কই, এই ত এতগুলি মানুষ আছে এখানে, কারো ত ফিট হল না, বেয়াই মশাই?'

পাঞ্জপক্ষের জটনক মাতঙ্গর যোগ দিলেন, 'বেহায়া মশায় বলুন, দাদা। বাবা, এ যে দিনে ডাকাতি!'

এ সমস্তের আর জবাব কি, ক্রুদ্ধ বৈবাহিকের সামনে বিপাকে-পড়া নৌকার মত ইন্দুর বাবা টল্মল্ক করিতে লাগিলেন, তাঁর বংশ মৃগীরোগীর বংশ নয়, শুধু এই অস্বীকৃতির হালে কোন মতে সামলান গেল না। রফা হইল তিনশ'

টাকায়। বরের বাবা পাশও নন, মূর্ছার ব্যারাম আছে বলিয়াই পূজবধূকে তিনি ত্যাগ করিতে পারিবেন না, চিকিৎসা করিয়া বউকে তিনি আরাম করিবেন। মেয়ের চিকিৎসার খরচ মেয়ের বাবা যৎকিঞ্চিৎ আগাম দিবেন ইহা কিছুমাত্র অসম্ভব নয়।

তা নিশ্চয় নয়, কিন্তু সঙ্গতি? মুখর জনতার মধ্যে নির্বাক হইয়া দাঁড়াইয়া থাকিয়া ইন্দুর বাবা ভাবিতে লাগিলেন যে, মেয়ের শুভবিবাহে শুভ যে কাহার হইল তাহাই ভাবনার বিষয়।

উন্তেক্তিত বেদনায় হৃদয় ভাঙিয়া যাওয়ার সময় চার মিনিট তাহাকে ক্লোরোফর্ম করিয়া রাখার জন্য ভাগ্যা ভক্তারকে তিনশ' টাকা ঘুষ দিতে হইয়াছে ইন্দু তাহা জানিতে পারিল না। জানাইয়া যাচার দিত মেয়েকে একপ্রকার কোলে করিয়া পাকীতে তুলিয়া দেওয়া পর্যন্ত মা তাহাদের সংযত রাখিয়াছিলেন। তাঁহার মর্গবেদনার ব্যাহ ভেদ করিয়া আর কেহ ইন্দুর নাগাল পায় নাই।

পাকীর মধ্যে হরেনের সান্নিধ্যে মূর্ছার জন্য ইন্দু তাই কেবল লজ্জাতেই মরিয়া যাইতেছিল,—বাধা হইয়া একটু একটু চেনা বরের কোলে মাথা রাখিয়া শুইবার স্মধুর লজ্জা।

পাকী তখন আটজন বেহারার কাঁধে রাইঘোষাণীর মাঠ ঘেঁষিয়া চলিয়াছে। অন্য পাকী চারখানা পিছাইয়া পড়িয়াছিল, হরেন পাকীর দরজা খুলিয়া দিল। বলিল, 'ঘামে সেক হওয়ার চেয়ে এ গরম বাতাসও ভাল। কি বল?'

ইন্দু কিছুই বলিল না, উঠিয়া বসিবার চেষ্টা করিল।

বাধা দিয়া হরেন বলিল, 'না না, উঠো না, শুয়ে থাক।'

ইন্দু জড়াইয়া জড়াইয় বলিল, 'আপনার কষ্ট হচ্ছে।'

একদিকে তরুলতাহীন প্রান্তর, অপরদিকে গ্রাম ও ক্ষেতখামার, ইহারই মধ্য দিয়া অসময়ের যাত্রী ছুটি এমনি ভাবে সর্বপ্রথম পরস্পরের স্বথ-স্ববিধার কথা ভাবিতে আরম্ভ করিল। পাকী বেহারাদের পায়ে পায়ে যে ধূলা উঠিল, রাইঘোষাণীর মাঠের বাতাস তাহা কোন্‌দিকে উড়াইয়া দিতে লাগিল তাহার চিহ্নমাত্র রহিল না।

খানিক পরে পাকী সাতগাঁয়ে প্রবেশ করিল।

হরেন জিজ্ঞাসা করিল এ গাঁয়ের নাম জান, ইন্দু? আসবার সময় শুনে-ছিলাম, ভুলে গেছি?

পাকীর কোণে জড়সড় ইন্দু জবাব দিল, 'সাতগাঁ।'

গ্রামটিকে ভাল করিয়া দেখিবার জন্য হরেন পাকীর বাহিরে মুখ বাড়াইল। দেখিল, একটা ময়রার দোকানের পরে পথের ধারে প্রকাণ্ড একটা বকুল গাছের

তলে একটি কালো ছেলে দাঁড়াইয়া আছে। তাহার হাতে একখানা বই। বহুল গাছের ছায়ায় বসিয়া বই পড়িতে পড়িতে পাকীর শব্দ শুনিয়া ছেলেরটি কৌতুহলবশে উঠিয়া দাঁড়াইয়াছে, হরেন এইরূপ অহুমান করিল।

তারপর আরও কত গ্রাম, কত মাঠ পার হইয়া সন্ধ্যার একটু আগে পাকী স্ত্রীমার-ঘাটে পৌঁছিল। স্ত্রীমার তখন সবে আসিয়া নোঙর ফেলিয়াছে। নদীর অপূর্ণ তীরে একটি চিতা প্রায় নিভিয়া আসিতেছিল। আঙুল বাড়াইয়া দেখাইয়া হরেন বলিল, পথে চিতা দেখলে শুভ হয়। তোমার আমায় খুব মনের মিল হবে, হবে না ?

যেন পথে চিতা না দোখলে তাহাদের মনের মিল হইতে বাকী থাকিত।

## প্রকৃতি

দশ বছর পরে দেশে ফেরাটা সাধারণতঃ যথেষ্ট উত্তেজনার ব্যাপার। তবে সকলের পক্ষে নয়। সংসারে এমন অনেক মাহুৎ থাকে, জীবন তাহাদের এমন শিক্ষাই দেয় যে প্রত্যাশা করিতে তাহারা ভুলিয়া যায়। দেশ-বিদেশ, আপন-পরের পার্থক্য ঘুচিয়া যায়। যেখানে বাস করে তাই হয় তাহাদের দেশ, কারণে অকারণে যাদের সঙ্গে পরিচয় ঘটে, তারাই হয় আত্মীয় বন্ধু।

হাওড়া স্টেশনে নামিয়া দাঁড়ানোর সময় বিশেষভাবে বিচলিত হওয়াই অমৃতের পক্ষে উচিত ছিল। সর্বশ্ব হাবাইয়া একদিন যে দেশ সে ত্যাগ করিয়া গিয়াছিল, আজ আবার সেই সর্বশ্বের তিনগুণ সঞ্চয় লইয়া দেশে ফিরিয়াছে। কত বিচিত্র অমৃতভূতি আগিতে পারিত অমৃতের, কত বিভিন্ন ভাবাবেগে সে উদ্বেল হইয়া উঠিতে পারিত। সে সব কিছুই হইল না। শুধু এই কথাটা তার মনে পড়িয়া গেল যে একদিন এই স্টেশনেই বার্ডক্লাসে উঠিয়া সে দেশত্যাগ করিয়াছিল, আজ এইখানে নামিতেছে কাষ্টক্লাস হইতে। বিশেষ করিয়া এই কথাটা কেন মনে পড়িল কে জানে! হঠাৎ পথের ভিখারী হইয়া দেশ ছাড়িবার চেয়ে বার্ডক্লাসে উঠিয়া দেশ ছাড়াটাই কি তার কাছে বড় দুর্ভাগ্য হইয়া উঠিয়াছিল? ইংরাজ সহযাত্রীটির নিকট বিদায় লইবার সময় আজ যেন সেদিনকার সেই বোঝাই কামরায় অপরিচ্ছন্ন বসন্ত মাহুৎগুলির মধ্যে বসিয়া থাকিতে তার যে অসহ্য কষ্ট হইয়াছিল এটুকু ছাড়া স্মরণ করিবার আর কিছুই সে খুঁজিয়া পাইতেছে না।

গরীব হইয়া সে ছিল প্রায় বছর তিনেক। এই তিন বছরের ইতিহাস স্মরণ করিতে গেলে এই ধরনের স্মৃতিগুলিই যেন সবচেয়ে স্পষ্টভাবে মনে পড়ে—ককে

কোথায় নোংরা মাল্‌বেবের ঘনিষ্ঠ সম্পর্কে তার অসহ্য কষ্ট হইয়াছিল। মনের মধ্যে সে একটা বিশ্বয়কর রহস্যের সৃষ্টি করিয়া রাখিয়াছে। একি আশ্চর্য প্রকৃতি তার যে, দারিদ্র্যের চেয়ে দরিদ্রকে সহ্য করিতে তার কষ্ট হইয়াছিল বেশী ?

অধিকাংশ মালপত্র এবং গাড়ীটা অমৃত আগেই কলিকাতায় চালান করিয়া দিয়াছিল। সোফার গাড়ী আনিয়াছে। গাড়ীতে উঠিয়া শহরতলীতে মগজীত নিজের পুরাতন বাড়িটার দিকে চলিতে চলিতে এই কথাটাই অমৃত ভাবিতে লাগিল। টাকার অভিশাপ তার অজানা নয়, প্রয়োজনের অতিরিক্ত টাকা যাদের আছে তাদের সে মনে প্রাণে ঘৃণা করে। প্রয়োজনের উপযুক্ত টাকা যাদের নাই তাদেরও তো সে সহিতে পারে না!

তবে ওদের জন্ত একটা অনাবিল শ্রদ্ধা সে আজ দশ বছর মনের মধ্যে পোষণ করিয়া রাখিয়াছে—বিশেষ করিয়া তার দেশের গরীব মধ্যবিত্ত মাল্‌বগুলির জন্ত। টাকার জন্ত আজীবন ওরা লালায়িত থাকে, টাকার কাছে মাথা নীচু করিয়া জীবনের অনেক কিছু মহার্ঘ ওরা বিসর্জন দেয়, তবু টাকাকেই ওরা মাল্‌বেবের একমাত্র মূল্য বলিয়া ধরিয়া রাখে না—মহত্ম্যের জন্ত মর্থাহাও বোঝে। নিজের জীবনে অমৃত এ জ্ঞান আহরণ করিয়াছে। এবং তার কটু স্বাদ আজও সে ভুলিতে পারে নাই। টাকার সঙ্গে কত সহজে সে টাকাওয়ালা বন্ধুদের হারাইয়াছিল! সুসময়ের বন্ধুদের সহজে প্রচলিত প্রবাদবাক্যটা জানে সকলেই, কিন্তু নিজের জীবনে সেটা ঘটিয়া যাওয়ার সঙ্গে সে জানার অনেক পার্থক্য। ধনী সমাজটার প্রতি চিরস্থায়ী বিষেবে অমৃতের হৃদয় পূর্ণ হইয়া গিয়াছে।

বিদেশে এই বিষেবের তীব্রতা কম ছিল। ভাবা ও সামাজিক রীতি-নীতির পার্থক্য যেন বিদেশী ধনীদের পক্ষে একটু ওকালতি করিত, মনে হইত ওরা ঠিক তার দেশের সেই টাকাওয়ালা মাল্‌বগুলির মত নয়, যাদের কাছে মাল্‌বেবের খাতির শুধু ব্যাকের টাকার অঙ্কটার অল্পপাতে! রাখাল হালদার, যার টেনিশ কোর্টে যার ছেলেমেয়েদের সঙ্গে টেনিশ খেলিয়া তার কমপক্ষে সাত জোড়া জুতো ক্ষয় পাইয়াছে, অথচ শেষবার যার বাড়ী গিয়া একেবারে বাহিরতম বসিবার ঘরটি পায় হইবার অল্পমতি সে পায় নাই, তার সঙ্গে বিদেশের নানা জাতি ও ধর্মের পরিচিত ধনী লোকগুলির একজনের সাদৃশ্য সে খুঁজিয়া পাইত না। ওদের সঙ্গে ভাই সে মিশিতে পারিত, তার জালাভরা বিষেব তাকে দূরে সরাইয়া রাখিত না। হু'একজন অবস্থাপন্ন বাঙালী সেখানে যাবা ছিল, শুধু তাদের সঙ্গেই ছিল তার বিরোধ। একটা ঠাণ্ডা উপেক্ষাপূর্ণ

ভদ্রতা দিয়া এদের সে ঠেকাইয়া রাখিত, এতটুকু বনিষ্ঠতার স্বযোগ দিত না।  
ওরা বাঙ্গালী বলিয়া নয়, ওদের টাকা ছিল বলিয়া।

ভাগ্যের নিপরীত বায়ুপ্রবাহে মনের আবেগ প্রায় শীতল হইয়া আসিলেও  
বাঙ্গলা ও বাঙ্গালীর জন্ত একটা প্রশান্ত সহজ মমতা অমৃতের ছিল। দেশে  
আসিলেই যে জীবনটা তাহার আনন্দ ও সার্থকতায় ভরিয়া উঠিবে এ আশা  
অমৃতের এতটুকু নাই, তবু বাকী জীবনটা দেশে কাটানোই সে স্থির করিয়াছে।  
বাংলার জলবায়ু আর বাঙ্গালীর সাহচর্য—মধ্যবিন্ত বাঙ্গালীর একটা ক্ষীণ ভীক  
সকলও অমৃতের মনে আছে, কোন এক বাড়ীর গৃহস্থের সংসার হইতে শাস্ত  
সেবাপরায়াণা শাদাসিদ্দে একটি মেয়েকে হয়ত একদিন সে ঘরে আনিবে।

নিষ্কের এই বাড়ীখানা অমৃত একদিন বিক্রয় করিয়া দিয়াছিল, ফিরিয়া  
আবার কির্নিতে তাহাকে কম বেগ পাইতে হয় নাই, টাকাও দিতে হইয়াছে  
অনেক বেশী। তা হোক, এ বাড়ীর গেট হইতে তার নাম-লেখা পিতলের  
পাতখানা একদিন খসিয়া পড়িয়াছিল, আজ আবার তেমনি একখানা পিতলের  
কলক সেখানে আঁটিয়া দিতে পারার মধ্যে যে গর্ব ও আনন্দ আছে তার জন্ত  
যে-কোন মূল্য দিতেই সে কুণ্ঠিত হইত না। তার পুরানো আসবাব পত্রও  
অনেক রহিয়া গিয়াছে। সমস্ত বাড়ী ঘুরিয়া দেখিয়া অমৃত অত্যন্ত আরাম  
বোধ করিল। মনে হইল এমনিভাবে আবার এ বাড়ীটা দখল করিবার জন্ত  
দশ বছর ধরিয়া তার ভিতরে যে কতবড় জোরালো আকাঙ্ক্ষা লুকাইয়া ছিল,  
এতকাল সে তাহা ধরিতে পারে নাই। পুরানো দিনের পুরানো প্রথায় বাঁচিবার  
সাধ সে ত্যাগ করিয়াছে, তবু একি আশ্চর্য যে শুধু তার পুরানো বাড়ী আর  
পুরানো আসবাবগুলি তাকে এতখানি খুশী করিয়া তুলিতে পারিয়াছে! তা  
এমনি হইবে হয়ত। এখানে বাস করিবার সময় যে মাছগুলির সঙ্গে তার  
ভান-করা প্রীতির সম্পর্ক ছিল, ঘণা সে করে তাদের। এখানকার জড় পদার্থের  
নীচব অভ্যর্থনাকে সে সাগ্রহে গ্রহণ করিবে না কেন? এই গৃহ ও আসবাবের  
বিবহে সে কি একদিন কম কাতর হইয়াছিল!

দোতলায় সামনের দিকের প্রশস্ত বারান্দায় দাঁড়াইয়া অমৃত চারিদিকে  
তাকায়, কয়েকটা নতুন বাড়ী উঠিয়াছে, আশে-পাশে, গিরিনবাবুর প্রকাণ্ড  
তিনতলা বাড়ীটাকে প্রায় আড়াল করিয়া কে যেন আরও বড় আরও উঁচু  
একটা বাড়ী তুলিয়াছে। গিরিনবাবু! অমৃতের প্রতি কত গভীর মেহ ছিল  
বলিয়া তিনি তার এগার হাজার টাকার গাড়ীটা একেবারে হাতে-হাতে নগদ  
পাঁচ হাজার দিয়া কিনিয়া লইয়াছিলেন! যে বকম সাবধানী সতর্ক মাছ  
গিরিনবাবু, ছ'তিন হাজার লাভ রাখিয়া বেচিতে না পারিয়া থাকিলে হয়ত

আজও সেই গাড়ীতে তিনি চাপিয়া বেড়ান ! রাস্তায় মোড়ে রামলালের পানের দোকানটা এখনো আছে, রামলাল একদিন ছিল অমৃতের বেয়ারা । দীনবেশে পায়ে হাঁটিয়া চোরের মত অমৃত যেদিন শেষবার এখানে আসিয়াছিল, রামলাল নুঁকিয়া তাকে সেলাম করিয়াছিল । সম্মুখ দিয়া যাওয়ার সময় মোটর থামাইয়া ওর সঙ্গে অমৃত কিছুক্ষণ কথা বলিবে । ওর সেই অযাচিত সেলামটি তো ভুলিবার নয় !

কার কার বাড়ী গিয়া দেখা করিয়া আসিবে, অমৃত তা অনেক আগেই ঠিক করিয়া ফেলিয়াছিল, পরদিন সকালে সে বাহির হইয়া পড়িল । প্রথমেই গেল আলীপুরের উকীল প্রমথবাবুর বাড়ী । অমৃতের শেষ রামলাটা প্রমথবাবুই বিনা 'কি'তে করিয়া দিয়াছিলেন, তারপর অল্প অমৃতকে ছ'মাস বাড়ীতে রাখিয়া করিয়াছিলেন চিকিৎসা । প্রমথবাবুর পশার তেমন ভাল ছিল না, কোনমতে সংসার চালাইতেন । অমৃত তাকে অনেকবার নানা উপলক্ষে টাকা পাঠাইয়া দিয়াছে । মাঝে মাঝে প্রমথবাবুর টাকা চাহিবার ভণিতায় এবং টাকা পাইয়া উচ্ছ্বসিত রুতজ্ঞতা জানাইয়া চিঠি লিখিবার কায়দায় অমৃতের মনে আঘাত লাগিয়াছে বটে, কিন্তু সে আঘাত সে জোর করিয়া ভুলিয়া গিয়াছে । নিজেই এই বলিয়া বুঝাইয়াছে যে হয়ত ওদের চিঠি লিখিবার প্রথাই এই রকম ।

পঞ্চাশতাব্দীর ছুদিকের বাড়ীর গায়ে ঠেলিয়া দিয়া সর্দীর্ণ গলিতে সম্বর্পণে গাড়ী প্রমথবাবুর বাড়ীর সামনে দাঁড়াইল । প্রমথবাবু নিজে বাহিরে দাঁড়াইয়া ছিলেন, সসন্ত্রমে অভ্যর্থনা করিয়া অমৃতকে বসিবার ঘরে লইয়া গেলেন । সেখানে তাঁর বড় ছেলে অবিলাস বাংলা কাগজ পড়িতেছিল, অমৃতকে দেখিয়াই তাড়াতাড়ি উঠিয়া দাঁড়াইল । সেই যে দাঁড়াইল, মনে হইল আর সে বসিবে না । বয়সে সে অমৃতের সমবয়সীই হইবে, অমৃত যখন এ বাড়ীতে আসিয়া আশ্রয় লইয়াছিল সাত দিনের মধ্যে ওর সঙ্গে তার নিবিড় অন্তরঙ্গতা জন্মিয়া গিয়াছিল । কিন্তু তারপর দশ বছর কাটিয়া গিয়াছে এবং আজ তো অমৃত আশ্রয়-ভিখারী হইয়া আসে নাই । আজ অমৃতের সঙ্গে বন্ধুর মত কথা বলা ওর পক্ষে বড় কঠিন ।

প্রমথবাবুর সমস্ত চুল ধবধবে শাদা হইয়া গিয়াছে, দশ বছরে তিনি এত বৃদ্ধ হইয়া পড়িবেন অমৃত তা ভাবিতেও পারে নাই । সন্ধ্যা ও সন্ধ্যের পীড়নে ওদের অবস্থিতি দেখিয়া অমৃত নিজেই কথা আরম্ভ করিল, সকলের খবরাখবর জিজ্ঞাসা করিল । কিছুক্ষণ পরে আলাপ আলোচনা অনেকটা সহজ হইয়া আসিল বটে কিন্তু একেবারে স্বাভাবিক হইতে পারিল না । তখন সংসা

অমৃতের মনে পড়িল, সেবারও এমনি হইয়াছিল, সে যখন এ বাড়ীতে আশ্রয় লইতে আসিয়াছিল। কথা বলিতে গিয়া সে যেমন সব সময় সতর্ক হইয়া থাকিত কি বলা উচিত আর কি বলা উচিত নয়, তেমন সাবধানতা আজ ওদের মুখের-কথাকে নিয়ন্ত্রিত করিতেছে।

কণকালের অল্প অমৃতের মুখে একটা বিপন্ন ভাব ফুটিয়া উঠিল। হাতে মুখে ও উঁচু পেটে ভাত-মাখা অবস্থায় বছর চারেকের একটা উলঙ্গ ছেলে হঠাৎ ঘরে ঢুকিবামাত্র শাখাপরা দুটি শীর্ণ হাত তাহাকে ছিনাইয়া ভিতরে লইয়া গেল। ঘরের মেঝেটা সঁাতসঁতে—একটা সৌদা গন্ধ অমৃতের নাকে লাগিতে-ছিল। সে আশিবে বলিয়া যে বাড়ী-ঘর একটু সাফ করিবার চেষ্টা হইয়াছে এটা স্পষ্টই বোঝা যায়—তবু চারিদিক অপরিচ্ছন্ন, নোংরা। শুধু বুল পরিষ্কার করিয়া কে বিবর্ণ দেয়ালে শুভ্রতা আনিতে পারে? কাঁটাইয়া সাফ করিতে পারে মেঝের গর্ত? কেমন একটা দুর্বোধ্য কষ্ট হইতে থাকে অমৃতের, ছোট সাইজের পোষাকের মত কি একটা কঠিন আবরণ যেন তাকে শক্ত করিয়া চাপিয়া রাখে। তার কমালের মূহু দামী গন্ধটা যেন হঠাৎ উগ্র হইয়া তাঁকে ঝিরিয়া জড়ো হইতে থাকে, এখানকার অপরিচিত ও অস্বস্তিকর গন্ধকে আমল দিবে না। নিজের বসিবার ভঙ্গীতে সহসা সে আবিষ্কার করে একটা আয়েস-শুদ্ধ সন্দর্পণ সাবধানতা,—চেয়ারের হাতায় হাত রাখিতে, কালো তৈলাক্ত-পিঠটায় ঠেস দিতে প্রথম হইতে সে সঙ্কুচিত হইয়া আছে। এমন করিলে তো চলিবে না! এখানে সে আপনজনকে খুঁজিতে আসিয়াছে, সর্বদা আশিবে যাইবে, প্রাণ খুলিয়া মেলামেশা করিবে, তার নিঃসঙ্গ জীবনে এ বাড়ীর মাল্লবগুলি হইবে সঙ্গী। এমন কাঠ হইয়া ওদের কাঠের চেয়ারে বসিয়া থাকিলে-ওদের সে আপন করিতে পারিবে কেন?

প্রতিমূহুর্তে অমৃত অন্দরে যাওয়ার আহ্বান প্রত্যাশা করিতেছিল কিন্তু কেউ ডাকিল না। বার দুই ভিতরে আসা-যাওয়া করিয়া অবিনাশ এক বেকাবি-খাবার ও এক গ্লাস জল লইয়া আসিল, তারপর আনিল চা। এখানে থাইতে হইবে জানিয়া অমৃত কিছু খাইয়া আসে নাই, ক্ষুধা পাইয়াছিল। সামনে খাবার দেখিয়া আগিয়া গুঁটার বদলে সে ক্ষুধা যেন ঘুমাইয়া মরিয়া গেল। এঁটো বাগন ছড়ান শ্রাওলা-ধরা কলতলায় ছাই দিয়া মাজিয়া ময়লা ত্রাকড়া ব্লাইয়া বেকাবি গ্লাস ধোয়া হইয়াছে, চায়ের কাপটার বাঁকানো হাতলটার খাঞ্চে লাগিয়া আছে বাদামী রঙের একটু শুকনো সর। চা যে তৈরী করিয়াছে, কে জানে কোলে তার ছোট ছেলে ছিল কি না, যার মুখ দিয়া লالا ঝরে আর-নাক দিয়া জল?



মুহু একটু হাসিয়া অমৃত বলিল, ‘আমি তো কিছু খাব না কাঁকা। খেয়ে বেরিয়েছি।’ মুখের কুঁচকানো চামড়া আরও কুঁচকাইয়া প্রমথও সবিনয়ে হাসিয়া বলিলেন, ‘তোমার উপযুক্ত আদর-যত্ন করি সে ক্ষমতা তো নেই বাবা, সামান্য কিছু মুখে দাও ?’

অবিনাশ বলিল, ‘মিষ্টিকিষ্টি খেতে বোধহয় ভালবাসেন না আপনি, বরং কেকটা খান, ভাল কেক।’

অর্ধেকটা মন প্রতিবাদ করিতেছিল,—‘এ চলিবে না, দশ বছর ধরিয়া সঙ্কল্প করিয়া রাখিয়াছি, এ বাঙাীতে চুকিয়া ঘরের ছেলের মত চাহিয়া কাড়াকাড়ি করিয়া খাবার খাইবে, সেই আশায় সকালে চা পর্যন্ত পান করে নাই : ‘এসব তোমাকে খাইতেই হইবে।’ কিন্তু খাবারগুলি মুখে করার কথা ভাবিতেও গা যেন অমৃতের ঘিন ঘিন করিয়া উঠিতেছিল। তার বাবুচিথানায় এক কণা খুলি জমিতে পায় না, তার বাবুচিরা ধব্ধবে উর্দি পরে, তার খান্ন কাঠো হাতের স্পর্শ পায় না, তার খালা বাটি কাপ ডিন সাবান সোভা গরম জলে ধোয়া হয়। ময়বার দোকানের এসব খাবার, কটির দোকানের এ কেক সে মুখে তুলিবে কি করিয়া? সাত দিনের বাসি সর-লাগানো চায়ের কাপে কেমন করিয়া চুমুক দিবে ?

এবার অমৃতের হাসিটা ক্লিষ্ট দেখায়। বলে, ‘খাবার জন্ম ভাবছেন কাঁকা? কত আসব কত খাব, আজ খিদে নেই, নাইবা খেলায়? শরীরটা আমার ভেমন ভাল নয়। একটু খাওয়ার অনিয়ম হলে অস্থখ করে।’

প্রমথ কাতরভাবে বলিলেন, ‘চা-টা খাও?’

‘চা? চা তো আমি খাই না।’

চা-ও সে খাইবে না অমৃত এই কথা বলিতে যাইতেছিল, তার বদলে এতবড় মিথ্যাটা সে যে কেন বলিয়া ফেলিল! সব কেমন ওলোট-পালোট হইয়া যাইতেছে, দশ বছরের পোষণ-করা সঙ্কল্পগুলি হইয়া উঠিতেছে অর্থহীন। তবু, প্রিয় কল্পনাগুলির এই শোচনীয় পরিণতির জন্ম মনে যে বিবাদ আসিয়াছে, অগ্নানবদনে একটা মিথ্যা কথা বলিয়া যতখানি অমৃততাপ জাগিয়াছে, তার মধ্যেও যদি সে ভুলিতে পারিত অবিনাশের গলার খাঁজে মাটির রেখাটি দেখিতে পাওয়ার বিভূষণ! যাকে সে নিজের সর্বশ্রেষ্ঠ বন্ধু করিবে ভাবিয়াছিল, গলায় তার স্কন্ধ একটি মাটির রেখা থাকিলে কি আসিয়া যায়? সাবানে ধোয়া সঘণ্ডে মাজা-ধরা মাহুয তো সে চায় না, চায় সরল মনের অকৃত্রিম প্রীতি, যে মনে টাকা বিছানো নাই। তাছাড়া এতো জানা কথাই যে, বেশী টাকা যার নাই, জীবিকা অর্জনের কঠোর তপস্যায় সকল সময় সে গলার খাঁজের ময়লা

তুলিবার সময় পায় না। এসব যদি সে বরদাস্ত করিতে না পারে, গরীব মধ্যবিস্তদের মধ্যে নিজের সামাজিক জীবনটি গড়িয়া তুলিতে পারিবে কেন ?

হঠাৎ অতিমাত্রায় আগ্রহ দেখাইয়া অমৃত বলিল, 'চলুন, কাকীমার সঙ্গে দেখা করে আসি।' বলিয়াই অন্দরে যাওয়ার জন্য প্রস্তুত হইয়া অমৃত উঠিয়া দাঁড়াইল। বোঝা গেল তার এই আকস্মিক সিদ্ধান্তে শিতাপুত্র একটু বিব্রত হইয়া পড়িয়াছে। কিছু না বলিয়া অবিনাশ ভিতরে চলিয়া গেল। একটু পরে কিরিয়া আসিয়া বলিল, 'চলুন।'

অবিনাশের মা তাড়াতাড়ি মটকার শাড়ীখানা পরিয়া ফেলিতেছিলেন, অমৃত যখন গিয়া প্রণাম করিল তখনও শেষ করিয়া উঠিতে পারেন নাই। কি আশীর্বাদ করিলেন অথবা একেবারে করিলেন কি না বোঝা গেল না। পাটি বিছাইয়া আগস্কককে বসিতে দিলেন। কপালের সীমানায় কাঁচা পাকা চুলের প্রান্তে ছোট আঁবটি পর্যন্ত ঘোমটা কমাইয়া বলিলেন, 'ভাল আছ বাবা ?'

অমৃত সহজভাবে বলিল, 'ভালই আছি কাকিমা। আর সকলে গেল কোথায় ?'

'স্বনীতির কথা বলছ ? সে বোধহয় রান্না ঘরে।'

অমৃত বলিল, 'ডাকুন না, দেখি কেমন বড়-সড় হয়েছে।'

স্বনীতি আসিল, ভাতমাথা উলঙ্গ ছেলেটাকে বাহিরের ঘর হইতে যে ছ'খানা শাখা-পরা হাত ছিনাইয়া আনিয়াছিল, সেই ছ'হাতে আধময়লা শাড়ীর আঁচল ধরিয়া। এর বিবাহে অমৃত দু'বারে প্রায় পাঁচ শ' টাকা পাঠাইয়াছিল। টাকাটা সার্থক হইয়াছে কিনা স্বনীতিকে দেখিয়া তা অস্বস্তান করা গেল না। মনে মনে হিসাব করিয়া অমৃত দেখিল, তের আর দশে স্বনীতির তেইশ বছর বয়স হইয়াছে। বয়সটা পূর্ণ যৌবনের, যার ভাড়া একটা অংশও স্বনীতির নাই।

এদিকে, আড়ালে দাঁড়াইয়া প্রথম ও অবিনাশের কি যেন পরামর্শ চলিতেছিল, খানিক পরে একটি আধাবয়সী বৌ, একটি বছর পনের বয়সের মেয়ে এবং একটি স্বনীতির সমবয়সী বিধবা মেয়ে একে একে ঘরে আসিয়া দাঁড়াইল, আর আসিল গুটিকতক ছোট-বড় ছেলে মেয়ে। কারো মুখে ভয়ের ছাপ, কারো চোখ দু'টি কোঁতুহলী। কিন্তু মুখে কারো কথা নাই। অমৃতের আবির্ভাবে এ বাড়ীর স্বাভাবিক জীবনযাত্রা থমকিয়া গিয়াছে।

অমৃত বুকিতে পারিল, বাড়ীর মেয়েদের তার সামনে বাতির করিবার সন্কোচটা বাড়ীর কর্তা দু'জন এতক্ষণে কাটাইয়া উঠিয়াছেন।

স্বনীতির ছোটবোন স্বমতিকে দেখিয়া অমৃতের মানসিক বিপর্যয় বাড়িয়া

গেল সবচেয়ে বেশী। অনেক বয়স হইয়াছে স্মৃতির, এবার বিবাহ না দিলেই নয়, ইতিপূর্বে চিঠিতে অমৃতকে এই কথাটা প্রথম আভাসে ইঙ্গিতে জানাইয়া রাখিয়াছিলেন। সাহায্য চাহিবার সেটা ভূমিকা। মধ্যবিত্ত সংসারের সাঙ্গাসিদে একটি মেয়েকে ঘরে আনিবার যে মূহু কামনা অমৃতের মনে আসিয়াছিল, তারি প্রেরণায় সে কি স্মৃতিকে নিজের চোখে দেখিবার জন্য একটু বিশেষভাবে উৎসুক হইয়াছিল? দেখিতে স্মৃতি মন্দ নয়, পরনে একখানা আধময়লা শাড়ী থাকিলেও এই বয়সের স্বাভাবিক পরিচ্ছন্নতার অভাব যে তার নাই তা বোঝা যায়, সলাজ নম্র ভাবটিও তার মনোরম, তবু যেন অমৃত মনে মনে ভয়ানক নিরাশ হইয়া গেল। কেমন করিয়া সে যেন বুঝিতে পারিল, স্মৃতির আগাগোড়া সবটাই ফাঁকি, এ তার চোখ-ভুলানো অস্থায়ী অভিনয়ের মূর্তি, কোন মতে যাহাতে কারো বোঁ হইতে পারে কিছুদিনের জগা তাই সে এসব সংগ্রহ করিয়াছে—ওর আসল চেহারা অবিকল স্মৃতির মত, দেহ এবং মনের। কপালে সিঁছুর উঠিলে দেখিতে দেখিতে ওর লাবণ্য ঝরিয়া যাইবে, নম্রতা হইবে ভোষামোদ, স্নেহ হইবে পাগলামী, কিশোর বয়সের ভাবপ্রবণ সারল্য ঘুচিয়া গিয়া দেখা দিবে স্বার্থরক্ষার নিখুঁত কুটিলতা। এই বিশ্বয়কর অন্তর্দৃষ্টি যেন আলোর মত অমৃতের মনে ফুটিয়া উঠে, স্মৃতিকে যাচাই করিতে আসিয়া সে পরীক্ষা করে স্মৃতিকে। আধঘণ্টা আগে কুণ্ঠিত পদে ঘরে ঢুকিয়াছিল স্মৃতি, আধঘণ্টার মধ্যে তার বুক মমতার বান ডাকিয়াছে। শুধু তাই ডাকিয়া যদি কান্ড থাকিত চোখবোজা অন্ধের মত অমৃত নিজেকে কৃতার্থ জ্ঞান করিত, কিছু দেখিত না, কিছু বুঝিতে চাহিত না।

শুধু তা তো নয়।

অমৃতের লম্বা পাঞ্জাবীর তলার পকেট হইতে মাণিবাগটা পাটির উপর পড়িয়া গিয়াছিল, স্মৃতির আঁচলের তলে সেটা চাপা পড়িয়াছে। মুখখানা পাংশু স্মৃতির, কথা ও হাসি যেন হিষ্টিঝিয়া! স্মৃতির স্বামীর চাকরী নাই? না থাক, সে নিজে এবং তার স্বামীপুত্র কোনোদিন অনাহারে মরিবে না।

স্মৃতিই যে স্মৃতির একমাত্র অবশ্যজ্ঞাবী পরিণতি শুধু এই বিশ্বাসটি আঁকড়াইয়া থাকিবার মত নির্বোধ অমৃত নয়। একথা কোনমতেই ভোলা চলে না যে, অনেককাল স্মৃতির স্বামীর চাকরী নাই। এবং সে যদি স্মৃতিকে বিবাহ করে এমন দিন হয় তো কখনো আসিবে না, স্মৃতির মুখের একটা অনুরোধ যখন স্মৃতির স্বামীর মতো হু'একজনকে চাকরী জোগাইয়া কৃতার্থ করিতে পারিবে না। সে স্মৃতিকে গ্রহণ করিলে স্মৃতি একদিন স্মৃতি হইয়া

উঠবে এ আশঙ্কা গাড়ীতে উঠিয়া বলিবার আগেই অমৃতের মন হইতে মিলাইয় গেল। তবে স্মৃতির সঙ্কেও আশা ভয়না করিবার কিছু থাকিবে কি না সন্দেহ। বিপরীত কারণে সেও এক নূতন রকম শোচনীয় পরিণতি লাভ করিবে। মধ্যবিত্ত সংসারের সরল কল্পনা-প্রবণ লাজুক কিশোরী স্মৃতি অভাবে যদি এমন হইয়া থাকে, প্রাচুর্য্য স্মৃতিকে কি করিয়া দিবে কে জানে ! দারিদ্র্য যদি স্মৃতির সঙ্ক না হইয়া থাকে, টাকা স্মৃতির সহিবে কেন ? টাকা না থাকার চেয়ে টাকা থাকা ভোগ কম ভয়ঙ্কর নয় ! অমৃতের চেয়ে কে তা ভাল করিয়া জানে ?

অক্ষির বেলা হইয়াছে। রাস্তায় গাড়ী ও ফুটপাতে মানুষের তীড়। গাড়ী কখনো জোরে, কখনো আশ্বে চলিতেছিল। গাড়ীর গতি স্রব হইয়া আসিলে ছুপাশের জনশ্রোতের মুখগুলিতে অমৃত যেন আজ শুধু ক্রোধ ও ক্রুধা আবিষ্কার করিতে লাগিল। আজ যেন নগ্নদেহগুলি বিশেষভাবে চোখে পড়িতেছে, একটি ভিখারীর চেহারা আড়াল করিয়া রাখিতেছে, হাজার মানুষকে। ওদের জন্ত অমৃতের মনে গভীর মমতা আছে, আর আছে ওদের সান্নিধ্যের প্রতি নিবিড় ঘৃণা। হঠাৎ গাড়ী থামাইয়া দূর হইতে একটি ভিখারীকে সে একটা টাকা ছুঁড়িয়া দিল। আর একজনকে স্নানচাইতে স্নানচাইতে কাছে আসিতে দেখিয়া আতঙ্কস্তের মত ব্যাকুলভাবে সোফারকে তাড়াতাড়ি গাড়ী চালাইতে বলিল। এবং তার গাড়ীর মত প্রকাণ্ড আরেকটা গাড়ী পিছন হইতে আসিয়া ভিখারীটাকে চাপা দিলে একটু স্বস্তিই যেন সে বোধ করিল। ওই গাড়ীর স্রবেশধারী স্থলকার আরোহীটিকে সে বিস্ময়কর তীব্রতার সঙ্গে ঘৃণা করে, কিন্তু স্নানচাইতে স্নানচাইতে ভিখারীটি গাড়ীর দিকে আগাইয়া আসিবার সময় সে যেভাবে শিহরিয়া উঠিয়াছিল ওর গাড়ীখানা আগাইয়া আসিয়া পাশে থামিয়া গেলে ছ'হাত দূরের মধ্যে এই মোটা ঘৃণা ধনীটিকে দেখিয়া অত্যন্ত মুহূর্ত্তবেও তো তেমন শিহরণ তার জাগিল না ? অর্ধের অস্তায় অসমান বিতরণের পাপ যাদের দিয়া জীবনব্যাপী বীভৎস প্রায়শ্চিত্ত করায়, লাখটাকার শক্তি সঞ্চয় করিয়া তাদের মধ্যে তাদের ভালবাসিয়া তাদেরই একজন হইয়া বাঁচিয়া থাকিবার উদ্দেশ্যে দশবৎসরব্যাপী তপস্কার এ কি পরিণাম ! দূর হইতে ওদের মমতা করিবার মানসিক বিলাসিতাটুকু কম-বেশী কার না থাকে ? এই বিপুলদেহ ধনীটার সঙ্গে, মেনকার বাবা রাখাল হালদারের সঙ্গে তার তবে পার্থক্য রহিল কোথায় ?

অমৃত নামিয়া গেল। দাঁতে দাঁত চাপিয়া ভিখারীর নিষ্পেষিত দেহটা ছহাতে বৃকে তুলিয়া মোটরে শোয়াইয়া দিল। কাঁধের কাছে ভিখারীর

বহুদিনের পুরাতন যে ক্ষত হইতে রক্ত চোয়াইয়া পড়িতেছিল হাতের ভালুতে সেটা চাপ দিয়া রাখিয়া সোফারকে বলিল হাসপাতাল।

না, হাসপাতাল হইতে বাহির হইয়া অমৃতের মন আত্মপ্রসাদে হাকা হইয়া গেল না। সাময়িক উন্নততা, যে স্থনিবিড় জ্বালা আনিয়াছিল, সেটা জুড়াইয়া আসিবার সঙ্গে সঙ্গে রক্তমাখা জামা-কাপড়ের স্পর্শে শরীরটা যেন তার কুকুড়াইয়া যাইতে লাগিল, মনে হইতে লাগিল সে যেন খানায় পড়িয়া গিয়াছিল, ডাষ্টবিনে। জোরে গাড়ী ঠাকাইয়া সোফার তাহাকে বাড়ী লইয়া গেল। অমৃত ছুটিয়া গিয়া প্রবেশ করিল বাথরুমে।

সারাদিন দেহটা তার অন্তি মনে হইতে লাগিল, আয়বিক ব্যাধিগ্রস্ত মানুষের মত নিজেদের স্নাত ও পবিত্র শরীরটার সেই আধঘণ্টার অপব্যবহারকে সে যেন কিছুতেই ক্ষমা করিতে পারিতেছিল না। সন্ধ্যার পর বিষন্ন বিরক্ত ও হতাশ মনে সে দোতলার বসিবার ঘরে বসিয়াছিল, বেয়ারা কার্ড আনিয়া দিল রাখাল হালদারের।

মুহু একটু হাসিল অমৃত। সে জানিত রাখাল হালদার আসিবে। সে জানে সকলেই আসিবে—আজ অথবা কাল। ওদের লজ্জা নাই, দুর্বলতা নাই। হালদার ঘরে ঢুকিলে অমৃত সাগ্রহে তার দিকে হাত বাড়াইয়া দিল। কতকাল নিঃসঙ্গ কাটিয়াছে। মানুষের সাহচর্য ছাড়া কি মানুষ বাঁচে, গুণা করিয়া, ভাল না বাসিয়া? অন্ততঃ তার একটা খুব বাস্তব অভিনয় বিনা? হোক মিথ্যা, হোক ফাঁকি, মানুষের এই রকম প্রকৃতি।

## কাঁসি

সন্দেহ নাই যে, ব্যাপারটা বড়ই শোচনীয়। কে কল্পনা করিতে পারিত, বজ্রিশ বৎসর বয়স পর্যন্ত স্বাভাবিক শাস্ত্র জীবন যাপন করিবার পর গণপতি শেষ পর্যন্ত এমন একটা ভয়ানক ব্যাপারে জুড়াইয়া পড়িবে! শিক্ষিত সঙ্ঘশের ছেলে, কথায় বাবহারে ভদ্র ও নিরীহ, জীবনে ধরিতে গেলে, একরকম সব দিক দিয়াই সুখী, সে কি না একটা লজ্জাকর হত্যাকাণ্ডের আসামী হিসাবে ধরা পড়িল! লোকে একেবারে 'খ' বনিয়া গেল। চরিত্রবান সংযত প্রকৃতির ভদ্র-লোকের মুখোশ পরিয়া কি ভাবেই সকলকে এতদিন খুনীটা ঠকাইয়া আসিয়াছিল! কী সাংঘাতিক মানুষ,—এঁয়া? জগতে এমন মানুষও থাকে?

গণপতিকে পুলিশে ধরিবার পর ভীত-বিরত ও লজ্জায় হুঃখে আধ-মরা আত্মীয়স্বজনের চেয়ে পরিচিত ও অধপরিচিত অনাত্মীয় মানুষগুলির উদ্বেজনাই

যেন মনে হইতে লাগিল প্রথরতর। বিচারের দিন আদালতে ভিড় যা জমিতে লাগিল বলিবার নয়! টিকিট কিনিয়া রঙ্গমঞ্চে মিথ্যা নাটকের অভিনয় দেখার চেয়ে আদালতে নারীঘটিত খুনী মোকদ্দমার বিচার দেখা যে কত বেশী মুখরোচক, সে শুধু তারাই জানে—রোজ খবরের কাগজে আগের দিনের আইন-আদালতের কার্যকলাপের বিবরণ পড়িয়াও যাদের কোঁতুহল মেটে না, বেলা দশটায় খাওয়া-দাওয়া সারিয়া উকিল মোক্তারের মত যারা আদালতে ছুটিয়া যায়।

বাড়ীতেই গণপতির তিনজন উকীল। তার বাবা রাজেন্দ্রনাথ এককালে মস্ত উকীল ছিলেন, মাসে একসময় তিনি দশ হাজার টাকাও উপার্জন করিয়াছেন—এখন, সস্তর বৎসর বয়সে আর কোর্টে যান না। বড়ছেলে পশুপতি বছর বাবো প্রাকৃষ্টিশ করিতেছে,—বাপের মত না হোক নাম-ভাক তারও মন্দ নয়। গণপতির ছোটভাই মহীপতিও উকীল, তবে আনকোরা নতুন! বড় উকীলের বড় উকীল বন্ধু থাকে—সমবাবসায়ী কি-না! গণপতির পক্ষসমর্থনের জন্ত অনেকগুলি নামকরা আইনজ্ঞ মানুষ একত্রিত হইলেন, যে তাতেও মামলার গুরুত্ব গুরুতর রকম বাড়িয়া গেল। তবে গণপতিকে শেষ-পর্যন্ত বাঁচানো চলিবে কি-না সে বিষয়ে ভরসা করিবার সাহস এঁদেরও রহিল কম। মুস্কিল হইল এই যে, মামলাটা একেবারেই জটিল নয়। মামলা যত জটিল হয়, আইনের বড় বড় মাথাওয়ালা লোক মামলাকে জটিলতর করিয়া খুশীমত মীমাংসার দিকে ঠেলিয়া দিবার স্বেযোগ পান তত বেশী!

সহজ সরল ঘটনা। বাহির হইতে ঘরে শিকল তোলা ছিল আর স্বয়ং পুলিশ গিয়া খুলিয়াছিল—সে শিকল। ভিতরে ছিল মাত্র রক্তমাথা মৃতদেহটা আর ভয়ে আধ-পাগলা গণপতি। গোটা দুই টিকটিকি আর কয়েকটা মশা ছাড়া ঘরে আর দ্বিতীয় প্রাণী ছিল না। মশা অবশ্য মাহুষ মারে,—মাহুষ যত মাহুষ মারে তার চেয়েও ঢের ঢের বেশী, তবু কেন যেন এই খুনের অপরাধটা মশার ঘাড়ে চাপানোর কথাটা গণপতির পক্ষের উকীলেরা একবার ভাবিয়াও দেখিলেন না। তারা শুধু প্রমাণ করিবার চেষ্টা করিতে লাগিলেন যে, মৃত-দেহটা আগেই ঘরের মধ্যে ছিল, পরে গণপতিই ফাঁকি দিয়া ঘরে ঢুকাইয়া বাহির হইতে শিকল তুলিয়া দেওয়া হয়।

‘বড় বিপদ, দয়া করে একবার আসবেন?’—এই কথা বলিয়া গণপতিকে ফাঁকি দিয়াছিল একটি লোক, যার বয়স ছিল প্রায় চল্লিশ, পরণে ছিল কোঁচানো পুতি, সিন্ধের পাঞ্জাবী আর পালিশ করা ডার্বি হু। গোঁপ দাড়ি কামানো, চোখে পুরু কাঁচের চশমা, বিবর্ণ ফর্সা রঙ—লোকটাকে দেখতে নাকি অনেকটা

ছিল কলেজের প্রফেসরের মত ! ( কলেজের প্রফেসর হইলেই মাহুষের চেহারা কোন বৈশিষ্ট্য অর্জন করে কি-না গণপতিকে এই কথা জিজ্ঞাসা করা হইলে সে জবাব দিতে পারে নাই, বোকার মত হাঁ করিয়া বিচারকের দিকে চাহিয়া ছিল । ) এই লোকটি ছাড়া আরও তিনজন লোককে গণপতি দেখিতে পাইয়াছিল, বাড়ীর সর্ব লম্বা বারান্দাটার শেষে । তিনতলার সিঁড়ির নীচে অন্ধকারে কারা দাঁড়াইয়াছিল । ( অন্ধকারে দাঁড়াইয়া থাকিলে গণপতি তাদের দেখিতে পাইল কেমন করিয়া ?—বিচারক এইকথা জিজ্ঞাসা করিলে গণপতি এতক্ষণ বোকার মত চুপ করিয়া থাকিয়া জবাব দিয়াছিল যে বিচারক সন্দিগ্ধ দৃষ্টিতে তার দিকে তাকাইয়াছিলেন । )

গণপতি যে কৈফিয়ৎ দিল, সেটা যে একেবারে অসম্ভব—তা অবশ্য বলা যায় না, অমন কত মজার ব্যাপার এই মজার জগতে ঘটিয়া থাকে । কিন্তু দুঃখের বিষয় আট-দশজন দেশ-প্রসিদ্ধ উকীল ব্যারিষ্টারের চেষ্টাতেও এটা ভালমত প্রমাণ করা গেল না । গণপতির ফাঁসির হুকুম হইয়া গেল ।

ফাঁসি ! বিচারক হুকুমটা দিলেন ইংরাজীতে, বাঙ্গালায় যার মোটামুটি চুখক এই যে গলায় দড়ির ফাঁস পরাইয়া গণপতিকে যথাবিধি ঝুলাইয়া দেওয়া হইবে, যতক্ষণ সে না মরে । তবে হুকুমটা যদি গণপতির পছন্দ না হয়, সে ইচ্ছা করিলে আপীল করিতে পারে ।

বুড়া বাজেহ্ননাথের ক্ষীণদৃষ্টি চোখ দু'টি কঁাদিতে কঁাদিতে প্রায় অন্ধ হইয়া গেল । গণপতির বোনেরা ও বৌদিরা যে কাম্মার রোল তুলিল—সমস্ত পাড়ার আবহাওয়াটা যেন তাতে বিষন্ন হইয়া আসিল । গণপতির বৌ রমার এত ঘন-ঘন মূর্ছা হইতে লাগিল যে, তার যে গাল দুটি লজ্জা না পাইলেও সারাক্ষণ গোলাপের মত আরক্ত দেখাইত, একেবারে কাগজের মত ফ্যাকাসে বিবর্ণ হইয়া রহিল । গণপতির বিধবা পিনী ঠাকুর-ঘরে এত জোরে মাথা খুঁড়িলেন যে, ফাটা কপালের রক্তে চোখের জল তাহার খানিক খানিক ধুইয়া গেল ।

যথাসময়ে করা হইল আপীল ।

অনেক চেষ্টা ও অর্থব্যয়ের দ্বারা গণপতির পক্ষে আরও কয়েকটি সাক্ষী এবং প্রমাণও সংগ্রহ করা হইল । তার ফলে, সন্দেহের স্রোত্রে গণপতি পাইল মুক্তি । যে লোকটিকে খুন করার জন্ত গণপতির ফাঁসির হুকুম হইয়াছিল, তাহাকে কে বা কাহারো খুন করিয়াছে—পুলিশ তাহারই খোঁজ করতে লাগিল ।

বাড়ী ফিরিবার অধিকার জুটিল অপরাহ্নে—আকাশ ভরিয়া তখন মেঘ করিয়াছে । অপরাহ্নে খুব ঘটা করিয়া মেঘ করিলে মনে হয় বৈ কি যে, এ

আর কিছুই নয়, রাজিরই বাড়াবাড়ি। গণপতির কাজ আনিতেছিল। আনন্দে নয়, আশ্বিতে নয়, বিগলিত মানসিক ভাবপ্রবণতার জন্ত নয়, সম্পূর্ণ অকারুণ্যে—একটা চিন্তাহীন স্তব্ধ অশ্রুমনস্কতায়। বন্ধু-বান্ধবের হাত এড়াইয়া সে গণপতির সঙ্গে ব্যারিষ্টার মিষ্টার দে'র মোটরে উঠিয়া বসিল। মোটরের কোণে গা এলাইয়া দিয়া গণপতি ফৌস করিয়া ফেলিল একটা নিশ্বাস, তারপর নিজেই মিষ্টার দে'র পকেটে হাত ঢুকাইয়া মোটা একটা সিগার সংগ্রহ করিয়া শাদা ধবধবে দাঁতে কামড়াইয়া ধরিল। মিষ্টার দে একগাল হাসিয়া বলিলেন,—যাক্।

কি যে তাহার যাওয়ার অল্পমতি পাইল বোঝা গেল না। হয়ত গণপতির জুর্তোগ, নয়ত অসংখ্য মাহুষের পাগলামী-ভরা দিনটা—আর নয়ত গণপতি যে সিগারটা ধরাইয়াছে—তাই। গণপতি পাংশু মুখ তুলিয়া একবার তাহার পরিভূষণ উদার মুখের দিকে চাহিল, তারপর তাড়াতাড়ি মুখ ফিরাইয়া লইল বাহিরের দিকে, একবার এই গাড়ীতেই সে মিষ্টারদে'র সঙ্গে বসিয়াছিল, কোথায় যাওয়ার জন্ত আজ সে-কথা ঠিক মনে নাই। গাড়ী ছাড়িবার আগে মিষ্টার দে হঠাৎ হাত বাড়াইয়া ফুটপাতের একটা ভিত্তারী দিকে একটা আনি ছুড়িয়া দিয়াছিলেন। দানের পুণ্য আলোর মত সেদিন যেভাবে মিষ্টারদে'র মুখখানিকে উদ্ভাসিত করিয়া তুলিয়াছিল আজ জীবনদানের পুণ্য তো তার চেয়ে প্রথমে জ্যোতির রূপ লইয়া ফুটিয়া নাই! অবিকল তেমনি মুখভঙ্গী মিষ্টারদে'র—ভিত্তারীকে একটা আনি দিয়া তিনি যেমন করেন।

মাহুষের অহুভূতির জগতের রীতিই হয়ত এইরকম—মুড়িমুড়কির এক দর! জীবন ফিরিয়া পাইয়া তার নিজেরও তেমন উল্লাস হইল কই? জীবনের কত অসংখ্য ছোট ছোট পাওনা তাকে এর চেয়ে শতগুণে উত্তেজিত করিয়াছে, নিবিড় শাস্তি দিয়াছে, আনিয়া দিয়াছে দীর্ঘস্থায়ী মনোরম উপভোগ! সুদীর্ঘ ভবিষ্যৎ ব্যাপিয়া বাঁচিয়া থাকিবার প্রত্যাশিত অধিকারটা যতভাবে যতদিক দিয়াই সে কল্পনা করিবার চেষ্টা করুক, জ্যোৎস্নালোকে ছাদে বসিয়া রমার সঙ্গে একমিনিট কথা বলিবার কল্পনা তার চেয়ে কত ব্যাপক, কত গাঢ়তর রসে রসালো!

হু'ভাইকে বাড়ীর দরজায় নামাইয়া দিয়া মিষ্টার দে চলিয়া গেলেন। তখন ঝম ঝম করিয়া বৃষ্টি নামিয়াছে। গাড়ী-বাবান্দার সিঁড়িতে বাড়ীর সকলে ভিড় করিয়া দাঁড়াইয়াছিল; বৃষ্টি না নামিলে হয়ত প্রতিবেশীরাও অনেকে আসিত। গণপতি নামিয়া প্রথমে রাজেন্দ্রনাথকে প্রণাম করিলেন, পিসীমা তাই সে পর্যন্ত ধৈর্য ধরিয়া রহিলেন। গণপতির প্রণাম শেষ হইতেই তাহাকে



বুকে জড়াইয়া ধরিয়া হ হ করিয়া উঠিলেন কাঁদিয়া । একা আশ্রয় অশ্রুত্যাশিত নয়, সকলেই জানিত পিসীমা এমনভাবে কাঁদিবেন ! তাই খানিকক্ষণ সকলেই চূপচাপ দাঁড়াইয়া থাকিয়া তাঁহাকে কাঁদিতে দিল । গণপতির কেমন একটা অস্বাভাবিক লজ্জা বোধ হইতেছিল । বাড়ী আসিবার জন্য মিষ্টার দে'র গাড়ীতে উঠিয়া কাঁদিবার যে জোরালো ইচ্ছা তাহার হইয়াছিল, হঠাৎ কখন তাহা লোপ পাইয়া গিয়াছে । নিজেকে লুকাইতে পারিলে এখন যেন সে-বাঁচিয়া যায় । নিজের বাড়ীতে আপনার জনের আবেষ্টনীর মধ্যে ক্রন্দনশীলা পিসীমার বক্ষলগ্ন হইয়া থাকিবার সময় জেলখানায় তাহার সেই নিভৃত সেলটির জন্য গণপতির সমস্ত মনটা লোলুপ হইয়া উঠিয়াছে । মনে হইতেছে, আর কিছুক্ষণ এমনভাবে কাটিলে তার মাথার মধ্যে একটা কিছু ছিঁড়িয়া যাইবে !

আর কেহ কাঁদিতেছে না দেখিয়া পিসীমা একটু পরে আত্মসম্বরণ করিলেন । তখন গণপতির স্ত্রী পরিমল বলিল, কি চেহারা হই তোমার হয়েছে ঠাকুরপো !

গণপতি গলা মাফ করিয়া মুহূ একটু হাসিয়া বিনয়ের সঙ্গে বলিল, আর চেহারা...?

যার জীবন যাইতে বসিয়াছিল, চেহারা দিয়া সে কি করিবে—এই কথাটাই গণপতি এমনভাবে বলিতে চাহিয়াছিল ; কিন্তু শোনাইল অল্পরকম, মনে হইল, বৌদির স্নেহপূর্ণ উৎকর্ষার জবাবে সে যেন ভারি রুঢ় একটা ভক্ততা করিয়াছে । গণপতিও হঠাৎ তাহা খেয়াল করিয়া মনে মনে অবাক হইয়া গেল । এমন শোনাইল কেন কথাটা ? রোগ হইয়া যার জীবন যাইতে বসে, সে ভাল হইয়া উঠিলে এমনভাবে যখন কেহ তাহার চেহারা সম্বন্ধে উৎকর্ষা প্রকাশ করে, তখন অবিকল এমনভাবেই তো জবাব দিতে হয় ! চেহারা কেন ধারণা হইয়াছে, উত্তর পক্ষেরই যখন তাহা জানা থাকে, চেহারা সম্বন্ধে এই তো তখন বলাবলির রীতি । অথচ আজ এই কথোপকথন তাঁর এতগুলি আপনার জনের কানে গিয়া আঘাত করিয়াছে ।

কারণটা গণপতি যেন বুঝিতে পারিল, রোগে যে রোগী হয়, চেহারা ধারণা হওয়ার অধিকার তাহার আছে, সেটা তার দোষ নয় । কিন্তু খুনের দায়ে জেলে গিয়া বোগা হইয়া আসিবার অধিকার এ জগতে কারো তো নাই—সে তো পাপের ফল,—অজ্ঞানের প্রতিক্রিয়া তার দুর্বল দেহ ও পাংগু মুখ যে শুধু এই কথাটাই ঘোষণা করিতেছে,—অতি লজ্জাকর একটা খুনের দায়ে সে পুলিশের হাতে ধরা পড়িয়াছিল ।

মাথাটা ঘুরিতেছিল, গণপতি একবার বিহ্বলের মত সকলের মুখের দিকে চাহিয়া দেখিল । এতক্ষেণে তাহার চোখ পড়িল রমার দিকে । আর সকলে

তাহার চারিদিকে ভিড় করিয়া আসিয়া দাঁড়াইয়াছে। যমা কিন্তু কাছে আসে নাই, পাশের লাইব্রেরী ঘরে ঢুকিবার দরজাটার আড়ালে সে পাথরের মূর্তির মত স্তব্ধ হইয়া আছে,—অনেক দূরে—দীর্ঘ ব্যবধানে। চাহিয়া থাকিতে থাকিতে ব্যবধানটা যেন ক্রমেই বাড়িতে লাগিল, তারপর লুপ্ত হইয়া গেল অন্ধকারে।

বাড়ী ফিরিয়া পরিমলের সঙ্গে একটা কথা বলিয়াই গণপতি যে মুহূর্তে হইয়া পড়িয়া গেল—তে কারো অবাধ হওয়ার কারণ ছিল না। আহা, প্রায় ছমাস ধরিয়া বেচারা কি কম সঙ্কট করিয়াছে! কারাগারের পাষণ্ড প্রাচীরের অন্তরালে নিজের জীবন লইয়া ভাগ্যের লটারি খেলার অনিশ্চিত ফলাফলের প্রতীক্ষায় একাকী দিন কাটানো তো শুধু নয়,—বাহিরের অদৃশ্য জগতের কাছে বাড় মোচড়ানো অফুরন্ত কাল্পনিক লক্ষ্য ভোগ-করাও তো শুধু নয়, গণপতি যে অনেকগুলি দিন ধরিয়া ফাঁসির দিনও গুণিয়াছে। ফাঁসি! ভাবিতে গেলেও নিরাপদ সহজ মাতৃঘের দম আটকাইয়া আসে না? মুহূর্ত হইয়া পড়িবে বৈকি গণপতি! অনেক আগেই তার দুবার মূর্ছা যাওয়া উচিত ছিল। একবার যখন সে নিজের ফাঁসির হুকুম শোনে—আর একবার যখন সে জানিতে পারে, এ জীবনের মত ফাঁসিটা তাহার বাতিল হইয়া গিয়াছে। আশ্চর্য-রকম শক্ত মাতৃঘ বলিয়াই না মূর্ছাটা সে এতক্ষণ ঠেকাইয়া রাখিয়াছিল!

সহশক্তি রমারও কম নয়। আজ কতকাল সে খুনী-আসামীর বোঁ হইয়া ঝাঁচিয়া আছে—অপাপবিদ্ধ পবিত্র মাতৃঘের ঘরকন্নার মধ্যে পাড়ার একপাল ভদ্রমহিলার কোতুক ও কোতুহল-মেশানো সহানুভূতির আকর্ষণ আবার্তে! কতদিন ধরিয়া সে অহোবাজি যাপন করিয়াছে—স্বামীর আগামী ফাঁসির তারিখের বৈধব্যকে ক্রমাগত বরণ করিয়া! আপীল যদি না করা হইত—স্বাজ রাজি প্রভাত হইলে কারো সাধ্য ছিল না রমাকে বোঁ করিয়া রাখে। তবু এখনো লাইব্রেরী ঘরে ঢুকিবার দরজার আড়ালে পাষণ্ড-প্রতিমার মত তাহার দাঁড়াইয়া থাকিবার ভঙ্গী দেখিলে অবাধ হইয়া যাইতে হয়। না আছে চোখে স্তম্ভ, না আছে দেহে শিহরণ! পাষণ্ড-প্রতিমার মতই তার কাঠিন্য যেন অকৃত্রিম। গণপতি যে মুহূর্তে হইয়া পড়িয়া গেল, তাতেও যেন তার কিছু আসিয়া গেল না। এক-পা আগানো দূবে থাক্, এক-পা পিছাইয়া লাইব্রেরী ঘরের ভিতরে আত্মগোপন করাটাই সে যেন ভাল মনে করিল। স্বামীর,—সত্যবানের মতই যে স্বামী তাহার—মৃত্যুর কবল হইতে কিরিয়া আসিয়াছে, সেই স্বামীর মূর্ছা ভাঙিবার কি আয়োজন হইল, একবার তাহা চাহিয়া দেখিবার সখটাও অন্ততঃপক্ষে রমার গেল কোথায়? এ কোতুহল যে মেয়েমাতৃঘ দমন করিতে পারে—ধরিত্রীর মত তার সহশক্তিও সত্যই অতুলনীয়—যুত ও অসাড়।

মাথায় জল দিতে দিতে অল্পক্ষণ পরেই গণপতির জ্ঞান ফিরিয়া আসিল। জ্বালা-কাপড় বদলাইয়া একবাটি গরম দুধ খাইয়া সে সকলের সঙ্গে ভিতরের বড় ঘরে বসিল। পশুপতি একবার প্রস্তাব করিয়াছিল যে, গণপতি নিজে ঘরে গিয়া বিছানায় শুইয়া বিশ্রাম করুক। গণপতি নিজেই তাহাতে রাজী হইল না। মূর্ছা ভাঙিবার পর নিজেকে লুকানোর ইচ্ছাটা কি কারণে যেন তাহার কমিয়া গিয়াছে! অনেক জল ঢালার ফলে মাথাটা বোধহয় তাহার ঠাণ্ডা হইয়া আসিয়াছিল, সকলের সঙ্গে কথা বলিবার জন্ত এতক্ষণে সে একটু একটু আগ্রহই বরং বোধ করিতে লাগিল।

অল্পে অল্পে একথা-সেকথা হইতে হইতে কথাবার্তা অনেকটা সহজ হইয়া আসিল। ছ'মাসের মধ্যে আত্মীয়স্বজন অনেকের সঙ্গেই বহুবার গণপতির দেখা হইয়াছে, তবু সে এমনভাবে কথা বলিতে লাগিল, যেন ওই সময়কার পারিবারিক ইতিহাসটা স্মরণ করে জানিবার উপায়ও তাহার ছিল না। তিনমাস আগে জেলে বসিয়া পশুপতির কাছে বাড়ীর যে ঘটনার কথা শুনিয়া সে আশ্চর্য হইয়াছিল, আজ পিসীমার মুখে সেই ঘটনার কথা শুনিয়া সে নবজাগ্রত বিশ্বয় বোধ করিল, এমন কি—যে ব্যাপার এখানে সে স্বয়ং প্রত্যক্ষ করিয়া জেলে গিয়াছিল—পরিমল তার বর্ণনা দিতে আরম্ভ করিলে, আজই যেন প্রথম শুনিতোছে এমনভাবে শুনিয়া গেল। স্মৃতি, চিন্তা, অল্পভূতি, কল্পনা প্রভৃতি গণপতির ভিতরে কমবেশী জড়াইয়া গিয়াছে সত্য, তবু জানা কথা ভুলিবার মত অল্পমনস্কতা তো ফাঁসির আসামীরও আসিবার কথা নয়! কিন্তু এই অভিনয়ই গণপতির ভাল লাগিতেছিল। এমনই উৎসুকভাবে একথা-সেকথা জানিতে চাহিলে এবং তার জবাবে যে যা-ই বলুক গভীর মনোযোগের সঙ্গে তাই শুনিয়া গেলে, ক্রমে ক্রমে তার নিজেও অস্তিত্ব সকলেরই যেন বিশ্বাস জন্মিয়া যাইবে দীর্ঘকালের জন্ত সে দূরদেশে বেড়াইতে গিয়াছিল। এতদিন তার গৃহে অল্পপস্থিত থাকিবার আসল কারণটা সকলে ভুলিয়া যাইবে।

হয়তো তাই যাইতে লাগিল এবং সেইজন্ত হয়তো যখন আবার ওই আসল কারণটা মনে পড়িবার অনিবার্য কারণ ঘটিতে লাগিল, সকলেই যেন তখন হঠাৎ একটু একটু চমকাইয়া উঠিতে লাগিল। গণপতিকে পুলিশে ধরিবার অল্প কিছুদিন আগে মহাসমারোহে তার ছোটবোন রেণুর বিবাহ হইয়াছিল। গণপতি একসময় রেণুর সশব্দে প্রশ্ন করিতে সকলের এমনি সচকিতভাব দেখা গেল! এ ওর মুখের দিকে চাহিল—কিন্তু বয়স্ক কেহ জবাব দিল না। শুধু পশুপতির শান্তবছরের মেয়ে মায়া বলিল, পিসীমাকে শব্দরবাড়ীতে রোজ মারে, কাকা।

গণপতি অবাক হইয়া বলিল, মারে ?

মায়া বলিল, তুমি মাছঘষ মেয়েছ কি-না তাই জ্ঞে ।

তিন-চারজন একসঙ্গে ধমক দিতে মায়া সভয়ে চূপ করিয়া গেল । মনে হইল, ধমকটা যেন গণপতিকেই দেওয়া হইয়াছে । কারণ, মায়ার চেয়েও তার মুখখানা শুকাইয়া গেল বেশী । আবার কিছুক্ষণ এখন তাহার কারো মুখের দিকে চোখ তুলিয়া চাহিবার ক্ষমতা হইবে না ।

গণপতি গলা সাফ করিল । বলিল, ঠিক যে মারে তা নয়, তবে ওয়া ব্যবহারটা ভাল করছে না ।

বড় বোন রেণু বলিল, বিয়ের পর সেই যে নিয়ে গেল মেয়েটাকে এ পর্যন্ত আর একবারও পাঠায়নি । মহী ছু'বার আনতে গেছিলো ।

মহীপতি বলিল, আমার সঙ্গে একবার দেখা করতেও দেয় নি । বল্লে—

রাজেন্দ্রনাথ কাঁপা গলায় বলিলেন, আহা, থাক না ও-সব কথা, বাড়ীতে ঢুকতে না-ঢুকতে ওকে ও-সব শোনাবার দরকার কি । ও তো আর পালিয়ে যাবে না !

খানিকক্ষণ সকলে চূপ করিয়া রহিল । বাহিরে বাদল মাঝখানে একটু কমিয়াছিল, এখন আবার আরও জোরের সঙ্গে বর্ষণ শুরু হইয়াছে । ঘরের মধ্যেও এখন ভিজা বাতাসের গাঢ়তম স্পর্শ মেলে । রমা এবারও ঘরে আসে নাই, এবারও সে নিজেই আড়াল করিয়া রাখিয়াছে—পাশের ঘরের দরজার ওদিকে । তবে এবার আর সে দাঁড়াইয়া নাই, মেঝেতে বসিয়াছে । একতলার রান্নাঘর হইতে ভাল সম্ভারের গন্ধ ভিজা বাতাসকে আচ্ছন্ন করিয়া আসিয়া এ ঘরে জমা হইয়াছে, রেণুর বড় মেয়ে সৌখিন স্থাসের অঙ্গ হইতে এসেলেব-যে গন্ধ এতক্ষণ পাওয়া যাইতেছিল তাও গিয়াছে ঢাকিয়া । পিনীমা কয়েক মিনিটের জন্য ঠাকুর-ঘরে গিয়াছিলেন, প্রসাদ ও প্রসাদী ফুলের রেকাবি হাতে-তিনি এই সময় ফিরিয়া আসিলেন । সকলের আগে গণপতিকে বলিলেন.. জুতো থেকে পা-টা খোল তো বাবা ।

জুতার স্পর্শ ত্যাগ করিয়া গণপতি পবিত্র হইলে, পিনীমা প্রসাদী ফুল লইয়া তাহার কপালে ঠেকাইলেন, তারপর হাতে দিলেন প্রসাদ এবং আজও আধা-মমতা আধা-ধমকের স্বরে তাহার চিরন্তন অহুযোগটা শুনাইয়া দিলেন— ঠাকুরদেবতা কিছু তো মানবি নে, শুধু অনাচার করে বেড়াবি ।

এ ঘরে কেহ কিছু বলিল না ; কিন্তু পাশের ঘরের দরজার ওদিক হইতে অক্ষুট কণ্ঠে শোনা গেল, মাগো !

পিনীমা চম্কাইয়া বলিলেন, কে গো ওখানে বোমা ?

পরিমল জিজ্ঞাসা করিল,—কি হল রে, রমা ?

রমার আর কোন সাড়াশব্দ পাওয়া গেল না। পরিমলের কোলেয় ছেলেটি মেঝেতে হামা দিতে দিতে নাগালের মধ্যে আসিয়া পড়িয়াছিল, গণপতি হাত বাড়াইয়া তাকে কোলে তুলিয়া লইল—ওকে আদর করিবার ছলে মাথা হেঁট করিয়া থাকা সহজ। রাজেশ্রনাথ কাঁপা গলায় বলিলেন, ঠাখ্ তো স্বহাস, মেজ-বৌমার কি হ'ল? ফিট্-টিট্ হ'ল নাকি?

পরিমল বলিল, তুই বোস, আমি দেখছি।

উঠিয়া গিয়া নীচুগলায় রমাকে কি যেন জিজ্ঞাসা-বাদ করিয়া সে ফিরিয়া আসিল; বলিল, না, কিছু হয় নি।

—কিছু না। একেবারেই কিছু হয় নাই। কি হইবে ওই পাথরের মত শক্ত মেয়েমানুষটার? এই যে এতকাল গণপতি জেলখানায় আটক ছিল, ফাঁসি-এড়ানোর ভরসা কয়েকদিন আগেও তাহার ছিল না,—রমা কি একদিন আবেগে ভাঙিয়া পড়িয়াছিল, কাঁপিতে কাঁপিতে কাঁদিতে কাঁদিতে নন্দ, জা কারো বৃকে একবার আশ্রয় খুঁজিয়াছিল, কারোকে টের পাইতে দিয়াছিল—তার কিছুমাত্র সাঙ্ঘনার প্রয়োজন আছে? একথা সত্য যে, যেদিন হইতে গণপতিকে পুলিশে ধরিয়াছিল, সেদিন হইতে সে হাসিতে তুলিয়া গিয়াছে, দিনের পর দিন কথা কমাইয়া কমাইয়া প্রায় বোবা হইয়া গিয়াছে, রোগা হইতে হইতে সোনার বরণ তাহার হইয়া গিয়াছে কালি! তা, সেটা আর এমন কি বেশী! দুঃখের ভাগ তো সে দেয় নাই, সাঙ্ঘনা তো নেয় নাই, লুটাইয়া বুকফাটা কান্না তো কাঁদে নাই!

একদিন বুঝি কাঁদিয়াছিল। শুধু একদিন!

গভীর রাতে বাড়ীর সকলে তখন ঘুমাইয়া পড়িয়াছে,—স্বহাস ছাড়া। সেদিন স্বহাসের বর আসিয়াছিল, তাই বর বৌ দুজনেরই হইয়াছিল অনিদ্রা-রোগ। অত রাতে ঘর ছাড়িয়া বাহির হইয়া দু'জনে হাতধরাধরি করিয়া রমার ঘরের সামনে দিয়া তাদের কোথায় যাওয়ার প্রয়োজন হইয়াছিল—সে কথা বলা মিছে। নিজের ঘরে রমা একা থাকিত, এখনো তাই থাকে। অনেক বলিয়া—অনেক বকিয়াও তাহাকে কারো সঙ্গে গুহিতে রাঙ্গী করা যায় নাই। এমন কি শব্দের অহরোধেও না।

যাই হোক, রমার ঘরের সামনে স্বহাস থমকিয়া দাঁড়াইয়াছিল। কান পাতিয়া ঘরের মধ্যে বিশ্রী একটা গোড়ানির আওয়াজ শুনিয়া ভয়ে বেচারীর স্বামী-সোহাগে তাতানো দেহটা হইয়া গিয়াছিল হিম। বরকে ঘরে পাঠাইয়া, তারপর সে ডাকিয়া তুলিয়াছিল—পরিমলকে; বলিয়াছিল, বড়মামী, ঘরের মধ্যে মেজমামী গোড়াচ্ছে, শীগগির এসো।

—গোড়াচ্ছে? ডাক্ ডাক্ তোয় মামাকে ডেকে তোল, হুহাস।—কি হবে মা গো!

পশুপতিকে পিছনে করিয়া পা টিপিয়া টিপিয়া গিয়া পরিমল খানিকক্ষণ রুদ্ধ দরজায় কান পাতিয়া রমার গোড়ানি শুনিয়াছিল। তারপর জোরে জোরে দরজা ঠেলিয়া ডাকিয়াছিল, মেজ-বৌ! ও মেজ-বৌ, শীগগির দরজা খোল।

প্রথম ডাকেই গোড়ানি খামিয়া গিয়াছিল, কিন্তু তারপর অনেক ডাকা-ডাকিতেও রমা প্রথমে সাড়া দেয় নাই। শেষে ধরা গলায় বলিয়াছিল,—কে?

—আমি। দরজা খোল তো মেজ-বৌ, শীগগির।

—কেন দিদি?

পরিমল অবশ্য সে কৈফিয়ৎ দেয় নাই, আরও জোরে ধমক দিয়া আবার দরজাই খুলিতে বলিয়াছিল। রমারও আর দরজা না খুলিয়া উপায় থাকে নাই।

—কি হয়েছে দিদি?

—তুই গোড়াচ্ছিলি কেন যে, মেজ-বৌ?

রমা বিশ্বস্যের ভান করিয়া বলিয়াছিল, গোড়াচ্ছলাম? কে বললে?

বারান্দার আলোয় রমার মুখে চোখের জলের দাগগুলি স্পষ্টই দেখা যাইতেছিল। একটু খামিয়া ঢোক গিলিয়া পরিমল বলিয়াছিল—আমি নিজে শুনেছি, তুই তবে কাঁদছিলি?

—না, কাঁদিনি তো! কে বললে কাঁদছিলাম?—বলিয়া পশুপতির দিকে নজর পড়ায় রমা লম্বা বোমটা টানিয়া দিয়াছিল।

তখন পরিমল বলিয়াছিল, আমি আজ তোয় ঘরে শোব রমা?—

রমা বলিয়াছিল,—কেন?

কি কৈফিয়তই যে মেয়েটা দাবী করিতে জানে! অফুরন্ত!

পরিমল ইতস্ততঃ করিয়া বলিয়াছিল,—ভয়টয় যদি পাশ—

রমা বলিয়াছিল,—ভয় পাব কেন? আমার অত ভয় নেই, ...বড্ড ঘুম পাচ্ছে দিদি।

বলিয়া সকলের মুখের উপর দরজা বন্ধ করিয়া দিয়াছিল। কি রূঢ় ব্যবহার! মনে করিলে আজও পরিমলের গা জ্বালা করে।

যাই হোক, তারপর হইতে রাজে বাহিরে গেলে বাড়ীর অনেকেই চুপি চুপি রমার ঘরের দরজায় কান পাতিয়া ভিতরের শব্দ শুনিবার চেষ্টা করিয়াছে। কিন্তু আর কোনদিন কিছু শোনা যায় নাই!

শোনা যাইবে কি, রমা কি সহজ মেয়ে! হোক না খায়ীর ফাঁসি, সে দিব্য মন্ত একটা ঘরে সারাবাত একা নাক ডাকাইয়া ঘুমাইতে পারে। আজ হঠাৎ

অক্ষুটস্বরে একবার 'মাগো' বলিয়া ফেলিয়াছে বলিয়াই ওর যে কিছু হইয়াছে—  
এ-কথা মনে করিবার কোন প্রয়োজন নাই।

মিষ্টার দে'র কড়া সিগার টানিয়া পশুপতির বোধহয় গলাটা খুস খুস  
করিতেছিল, সে আর একবার গলা মাফ করিয়া বলিল, রেগুর জন্ত তুমি ভেবো  
না গণু। ওকে আসতে দেয়নি বটে, কিন্তু ওকে কষ্ট ওরা দেয় না।

বিবাহের পর প্রথম শস্তরবাড়ী গিয়া আর আসিতে না দিলে, ষোল বছরের  
মেয়েকে কষ্ট দেওয়া হয় কি না, গণপতি ধারণা করিয়া উঠিতে পারিল না ;  
কিন্তু বোনটার জন্ত তার নিজের বড় কষ্ট হইতে লাগিল। যুদ্ধস্বরে সে বলিল,  
ওকে একটা তার করে দিলে হ'ত না ?

পশুপতি বলিল,—তোমার কথা ? থাকগে, কাজ নেই, কি আর হবে  
ওতে ? মাঝখান থেকে বাড়ীর লোকে হয়তো অসন্তুষ্ট হবে ! কাল খবরের  
কাগজেই সব পড়তে পারবে।

খবরের কাগজ ? তা ঠিক, খবরের কাগজে কাল সব খবরই বাহির হইবে  
বটে। কিন্তু রেগু কি খবরের কাগজ পড়িতে পায় ? ভাই খুনের দায়ে ধরা  
পড়িয়াছে বলিয়া অতটুকু মেয়েকে যারা আটক করিয়া রাখিতে পারে—এতখানি  
উদারতা কি তাদের হওয়া সম্ভব ? গণপতি পরিমলের ছেলেকে মেঝেতে  
নামাইয়া দিয়া বলিল, তবু আপীলের ফলটা আগে থাকতে জানতে পারলে—

রাজেন্দ্র বলিলেন, তাই বরং দাও পশু, রেগুর শস্তরকে একটা তার ক'রে  
দাও। লিখে দিও 'প্লিজ ইনফর্ম রেগু'—নয়তো সে ব্যাটা হয়তো মেয়েটাকে  
কিছু জানাবে না।

তার লিখিতে পশুপতি আপিস-ঘরে গেল।

মাহুষের মধ্যে খোঁজ করিলে সব সময়েই মাহুষকে খুঁজিয়া পাওয়া যায়,  
পাশবিকতা দিয়া হোক, দেবত্ব দিয়া হোক, কে নিজেকে সম্পূর্ণ ঢাকিয়া রাখিতে  
পারে ? বত্রিশ বছর যে পরিবারে গণপতি সহজ স্বাভাবিক জীবনযাপন  
করিয়াছে, আজ সেখানে একটা বীভৎস অসাধারণত্ব অর্জন করিয়া ফিরিয়া  
আসিয়া সে যে বিশেষভাবে অহুসঙ্কিত হইয়া উঠিবে এবং এতগুলি মাহুষের  
মধ্যে ক্রমাগত মাহুষকে খুঁজিয়া পাইতে থাকিবে—তাতে আশ্চর্যের কিছু নাই।  
পলকে পলকে সে টের পাইতে লাগল, এরা ভুলিতে পারিতেছে না। বিচার  
নয়, বিশ্লেষণ নয়, বিরাগ অথবা ক্রমাণ নয়, শুধু স্মরণ করিয়া রাখা—স্মরণ  
করিয়া রাখা যে, তাদের এই গণপতির অকথা কলক রটিয়াছে, দেশের ও দেশের  
কাছে সে পরিবারের মাথা হেঁট করিয়া দিয়াছে। আইনের আদালতে  
ভালরকম প্রমাণ না হোক, মাহুষের আদালতে তার পাশবিকতা প্রমাণত

হইয়া গিয়াছে। ফাঁসির হুকুম রদ হোক, এ ব্যাপারের এইখানে শেষ নয়, এখনও অনেক বাকী,—অনেক মন ও মানের লড়াই! প্রত্যেকের ভিতরের মানুষটি এই অনিবার্য ক্ষতি ও বিপদের চিন্তায় ভীত ও বিমর্ষ হইয়া আছে, এই যে মানুষ ভিতরের মানুষ, এ বড় দুর্বল, বড় স্বার্থপর—তাই একথাটাও কে না ভাবিয়া থাকিতে পারিয়াছে যে, এরচেয়ে ফাঁসি হইয়া গেলেই অনেক সহজে সব চুকিয়া যাইতে পারিত! যে নাই, কতকাল কে তার কলঙ্কাহিনী মনে করিয়া রাখে? মনে করিয়া রাখিলেই বা কি? গণপতি না থাকিল, এ বাড়ীতে কেন তার কলঙ্কের ছায়াপাত হইবে? সেটা নিয়ম নয়। লোকে শুধু এই পরিস্থিতিতে পারিত যে, এ বাড়ীতে একটা বদলোক থাকিত, যে একটা স্ত্রীলোকঘটিত অপরাধে জড়িত হইয়া একটা মানুষ খুন করিয়া ফেলিয়াছিল—কিন্তু সে লোকটা এখন আর নাই, এই বাড়ীর আবহাওয়া এখন আবার পবিত্র, এ বাড়ীর মানুষগুলি ভাল।

আর তা হইবার নয়! দুষ্ট মানুষ ঘরে আসিয়াছে, তার দোষে ঘরের আবহাওয়া দূষিত হইয়াছে, দূষিত আবহাওয়া মানুষগুলিকে করিয়াছে মন্দ! অস্বস্তি: লোকে তো তা-ই ভাবিবে।

এত স্পষ্টভাবে না হোক, মোটামুটি এই চিন্তাগুলিই গণপতির অন্তঃসন্ধান তার মনে আনিয়া দিতে লাগিল। ভাবিতে ভাবিতে মহমা রমার জন্ম তার মনে দেখা দিল—গভীর মমতা! জেলে বসিয়া রমার কথা ভাবিয়া তার খুব কষ্ট হইত, কিন্তু সে ছিল শুধু তার দুর্ভাগ্যের কথা ভাবিয়া—রমা যে যাতনা ভোগ করিতেছে, তাই ভাবার কষ্ট! কিন্তু এখন হঠাৎ সে বুঝিতে পারিল, স্বামীর জন্ম শুধু ভাবিয়াই রমা রেহাই পায় নাই, নিজের অন্ধকার ভবিষ্যৎটার পীড়ন সহিয়াই তার মহাশক্তির পরীক্ষা শেষ হয় নাই, আরও অনেক কিছু জুটিয়াছে। বাহিরের জগৎ নরঘাতকের স্ত্রীকে যা দেয়! সে সব যে কি এবং সে সব সহ্য করিতে একটি নিরুপায় ভীকু বধুর যে কতখানি কষ্ট হইতে পারে—ধারণা করিবার মত কল্পনাশক্তি গণপতির ছিল না। যেটুকু সে অনুমান করিতে পারিল—তাতেই বুকের ভিতরটা তাহার তোলপাড় করিতে লাগিল।

নিজেকে সে বুঝাইবার চেষ্টা করিতে লাগিল যে, যাক, রমার একটা প্রকাণ্ড দুর্ভাবনা তো দূর হইয়াছে! স্বামীকে ফিরিয়া পাইয়া আজ তো মনে তার আনন্দের বান ডাকিয়াছে। এতদিন সে যদি অকথ্য দুঃখ পাইয়াই থাকে—আজ আর সে-কথা ভাবিয়া লাভ কি? প্রতিকারের উপায়ও তাহার হাতে ছিল না যে, রমার দুঃখ কমানোর চেষ্টা না-করার জন্ম আজ আপনোস করিলে চলিবে। জেলে বসিয়া রমার দুঃখটা সে ঠিকমত পরিমাপ করিতে পারে নাই ;



অন্তায় যদি কিছু হইয়া থাকে—তা শুধু এই। তা এ অন্তায়ের জন্ত রমার আর কি আসিয়া গিয়াছে। সে বুঝিলেই তো রমার দুঃখ কমিত না।

রাত্রি ন'টার সময় বৃষ্টি বন্ধ হইলে, পাড়ার দু'একজন ভদ্রলোক এবং পাড়ার বাহিরের দু'চার জন বন্ধুবান্ধব দেখা করিতে আসিলেন। গণপতির ইচ্ছা ছিল, গণপতি আজ কারো সঙ্গে দেখা না-করে—সে-ই সকলকে বলিয়া দেয় যে, গণপতির শরীর খুব খারাপ, সে শুইয়া পড়িয়াছে। কিন্তু গণপতি একথা কানে তুলিল না, নীচে গিয়া সকলের সঙ্গে দেখা ও বসিয়া আলাপ করিল। রমার কথা নূতন ভাবে ভাবিতে আরম্ভ করিবার পর গণপতি নিজের মধ্যে একটা নূতন তেজের আবির্ভাব অনুভব করিতেছিল। সে বুঝিতে পারিয়াছিল, যা-ই ঘটিয়া থাক, লীক ও দুর্বলের মত হাল ছাড়িয়া দিলে চলিবে না; নিজের জোরে আবার তাহাকে নিজের পারিবারিক ও সামাজিক জীবনকে গড়িয়া তুলিতে হইবে। ভূমিকম্পে বাড়ী অল্পবিস্তর জখম হইয়াছে বলিয়া মাঠে বাস করিলে তো তাহার চলিবে না? বাড়ীটা আবার মেয়ামত করিয়া লইতে হইবে। লজ্জায় সে যদি এখন মুখ লুকায়, তার লজ্জার কারণটা যে লোকে আরও বেশী সত্য বলিয়া মনে করিতে আরম্ভ করিবে, আরও বড় বলিয়া ভাবিতে থাকিবে।

যাঁরা আসিয়াছিলেন, গণপতির মুক্তিতে আনন্দ জানানোর ছলে কোঁতুহল মিটাইতেই তাঁদের আগমন। গণপতির সঙ্গে কথা বলিয়া সকলে একটু অবাক হইবার বাড়ী গেলেন। মাথুঘটা ভাঙিয়া-চুরিয়া গিয়াছে সন্দেহ নাই, কিন্তু খুব যে নীচে নামিয়াছে—কারো তা মনে হইল না। সে নিজেই এক রকম চেষ্টা করিয়া প্রথম আলাপের আড়ষ্টতা কাটাইয়া আনিল। বেশী বকিল না, বেশী গল্পীর হইয়া থাকিল না, গোঁয়ারের মত ফাঁসির হুকুম পাওয়ার ব্যাপ্যটাকে সবচেলা করিয়া একেবারে উড়াইয়াও দিল না, আবার এমন ভাবও দেখাইল না যে, ফাঁসির গাত এড়ানোর আনন্দে বিগলিত হইয়া পড়িয়াছে! ভগবান তো আছেন, বিনা দোষে একজনকে তিনি কি শাস্তি দিতে পারেন?—এমন আশ্চর্য সরলতার সঙ্গে এমনভাবে গণপতি একবার এই কথাগুলি বলিল যে, শ্রোতাদের মনে তার প্রতি সত্যসত্যই একটু শ্রদ্ধার ভাব দেখা দিল, মনে হইল—আসিবার সময় লোকটার সম্বন্ধে যে ধারণা তাঁদের ছিল, লোকটা হয়তো সত্যই অতটা খারাপ নয়।

আগন্তুকদের মধ্যে এই পরিবর্তনটুকু টের পাইতে গণপতির বাকী রহিল না। জয়ের গর্বে ও আশার আনন্দে তার বুক ভরিয়া গেল। এবার তাহার বিশ্বাস হইতে লাগিল যে, সে পারিবে, তার ভাঙ্গা মান-সম্মতকে আবার সে নিটোল করিয়া গড়িয়া তুলিতে পারিবে। তার নামে চারিদিকে যে টি-টি শব্দ

পড়িয়া গিয়াছে—ক্রমে ক্রমে একদিন সে শব্দ ক্ষীণ হইতে ক্ষীণতর হইয়া আসিয়া একেবারে মিলাইয়া যাইবে। তার সম্বন্ধে স্থণা ও শ্রদ্ধার ভাব মরিয়া গিয়া মাহুকের মনে আবার জাগিয়া উঠিবে প্রীতি ও শ্রদ্ধা—মাহুকের মাঝখানে মাহুকের মত বাঁচিয়া থাকিতে আর তার কোন অস্থবিধা থাকিবে না।

রাজি বাড়িয়া যাইতেছিল, বাহিরের সকলে চলিয়া গেলে, গণপতি আর বেশী দেবী না করিয়া সামান্য কিছু খাইয়া নিজের ঘরে শুইতে গেল। নব-জীবনের স্মৃচনা করিতে বাহিরের কয়েকটি লোকের কাছে খানিক আগে সে যে সাক্ষ্য লাভ করিয়াছিল, তখনও তার মন হইতে তার মাদকতাস্তরা মোহ কাটিয়া যায় নাই এবং খানিক পরে সেই জন্তই রমার সঙ্গে তার বাধিল বিবাদ।

—বিবাদ ? এমন প্রত্যাবর্তনের পর রমার সঙ্গে প্রথম দেখা হওয়ার রাজে—  
—বিবাদ ? হয়তো ঠিক তা নয় ; কিছু রমা ঘরে আসিবার ঘণ্টাখানেক পরে দুজনের মধ্যে যেসব কথাই আদানপ্রদান হইল, সেগুলি বিবাদের মতই একটা কিছু হইবে।

আবেগ উচ্ছ্বসিত হইয়া উঠিবার সাহস দু'জনের কাহারো ছিল না। ঘরে ঢুকিয়া রমা তাই যেমন ধীরপদে তার কাছে আসিল—সেও তেমনি ধীর ভাবেই তাহাকে বুকের মধ্যে গ্রহণ করিল। রমার ওজন অর্ধেক হাঙ্কা হইয়া গিয়াছিল, কিন্তু গণপতি সেটা ভাল রকম টের পাইল না। তার গায়ের জোরও যে অর্ধেক কমিয়া গিয়াছে।

রমার দুচোখ দিয়া আন্তে আন্তে জলের ফোঁটা নামিতেছিল। খানিকক্ষণ পরে সে বলিল, তোমায় ফিরে পাব ভাবি নি।

গণপতি তার মাথাটা কাঁধের পাশে চাপিয়া ধরিয়া বলিল, আমিও ভাবিনি আবার এ-ঘরে তোমার কাছে ফিরে আসতে পাব।

শুধু রমার কাছে নয়, এ-ঘরে রমার কাছে ফিরিয়া আসিবার সাধ ! রমাকে দেখিবার ফাঁকে ফাঁকে এখানে গণপতি ঘরখানাকেও দেখিতেছিল। প্রায় কিছুই বদলায় নাই ঘরের। বাগানের দিকে দু'টি জানালার কাছে, যেখানে যেভাবে খাট পাতা ছিল—আজও সেইখানে তেমনিভাবে পাতা আছে। ও-কোণে দেওয়ালে বসানো আলোটার ঠিক নীচে রমার প্রসাধনের টেবিল,— ছ'মাস কি সে প্রসাধন করিয়াছিল ? এখানে খাটে বসিয়া আজও আয়নাটাতে তাদের প্রতিবিম্ব দেখা যাইতেছে : রমা আগে মাঝে মাঝে কৌতুক করিয়া জিজ্ঞাসা করিত, ওরা কে গো ? আমাদের দেখছে না-তো ? দেওয়ালে তাদের বিবাহের বেশে তোলা ফটো এবং এ বাড়ীর ও রমার বাড়ীর কয়েকজনের ফটো টাঙ্কানো আছে। কেবল পুরানো যে তিনটি দামী ক্যালেন্ডার ছিল তার একটুক

বদলে আসিয়াছে ছুটি সাধারণ ছবিওয়াল ক্যালেন্ডার! তার অল্পপস্থিতির সময়ের মধ্যে একটা বছর কাবার হইয়া গিয়া নতুন একটা বছর যে আরম্ভ হইয়া গিয়াছে! আরও একটা পরিবর্তন হইয়াছে ঘরের। ঔজ্জ্বল্য কমিয়া গিয়াছে। মেঝেটা সেরকম ঝকঝকে নয়, ফটো আর ছবিগুলিতে অল্প অল্প ধূলা আর বুল পড়িয়াছে, চারিদিকে আরও যেন আসিয়া জুটিয়াছে কত অদৃশ্য মলিনতা।

কি দেখছ!—রমা এক সময় জিজ্ঞাসা করিল। প্রায় একঘণ্টা পরে!  
গণপতি বলিল, ঘর দেখছি!

রমা বলিল ঘর দেখে আর কি হবে? এ ঘরে তো আমরা থাকব না।

—থাকব না? কোন্ ঘরে যাব তবে?

—আমরা চলে যাব।

রমা বিছানায় নামিয়া একটু সরিয়া ভাল করিয়া বলিল। বিবাদ শুরু হইয়া গিয়াছে।

গণপতি একটু বিস্মিত হইয়া বলিল,—কোথায় চলে যাব রমা?...

অনেক বিনিত্র রাজি ব্যাপিয়া রমা এ প্রশ্নের জবাব ভাবিয়া রাখিয়াছে, সে সঙ্গে সঙ্গে জবাব দিল, যে দিকে ছুঁচোখ যায়—অনেক দূর অচেনা দেশে, কেউ যেখানে আমাদের চেনে না, নাম-ধাম জানে না—সেখানে গিয়ে আমরা বাসা বাঁধব। আজ রাজ্জেই সব বেঁধে-ছেঁদে রাখি, কাল সকাল সকাল বেরিয়ে পড়ব, কেমন? আর একটা দিনও আমি এখানে থাকতে পারব না।

গণপতি বোকায় মত জিজ্ঞাসা করিল,—কেন?...

রমা স্থির দৃষ্টিতে চাহিয়া থাকিয়া বলিল, বুঝতে পারছ না? সবাই আমাদের ঘেরা করবে—আমরা এখানে থাকব কি করে?

এমনিভাবে শুরু হইল তাহাদের কথা-কাটাকাটি। গণপতি বলিল যে, এমন পাগলের মত কি কথা বলিতে আছে, বাড়ী-ঘর আত্মীয়-স্বজন অর্থোপার্জন সব ফেলিয়া গেলেই কি চলে? কি-ই বা দরকার যাওয়ার? ছুঁচারদিন লোকে হয়তো একটু কেমন কেমন ব্যবহার করিতে পারে, তারপর সব ঠিক হইয়া যাইবে। এত ভাবিতেছে কেন রমা? বিবাদ করার মত করিয়া নয়, আদর করিয়া—খুব মিষ্টি ভাষাতেই গণপতি তাহাকে কথাগুলি বুঝাইবার চেষ্টা করিতে লাগিল। বাহিরের ঘরে, বাহিরের কয়েকটি লোকের মন হইতে অশ্রদ্ধার ভাব সে যে মোটে আধঘণ্টার চেষ্টাতে প্রায় দূর করিয়া দিয়াছিল, একথা গণপতি কিছুতেই ভুলিতে পারিতেছিল না। দেশ ছাড়িয়া চিরদিনের জন্য বহুদূরদেশে—অজানা লোকের মাঝে আত্মগোপন করিয়া থাকিবার ইচ্ছাটা রমার, তাই তার মনে হইতেছিল ছেলেমানুষী।

রমা শেষে হতাশ হইয়া বলিল,—যাবে না ?

গণপতি তাহাকে বুকে টানিয়া আনিল, সম্মুখে তাহার পাংশু কপোলে চুম্বন করিয়া বলিল,—যাব না বলেছি, পাগলি ? চল না চ'জনে দু'চার মাসের জন্ত কোথা থেকে বেড়িয়ে আসি।

রমা অসহিষ্ণুভাবে মাথা নাড়িয়া বলিল, দু'চার মাসের জন্ত আসি কোথাও যাব না। চিরদিনের জন্তে।

—আচ্ছা, কাল এসব কথা হবে রমা।

—না, আজকে বল যাবে কি না, এখনি বল। কাল ভোরে উঠে আমরা চলে যাব।

গণপতি এবার হাসিয়া ফেলিল। বলিল,—আচ্ছা, তোমার কি হয়েছে বলত ? এমন করে কেউ কখনো যায় ? রমা নিখাস ফেলিয়া বলিল,—আচ্ছা, তবে থাক।

গণপতি আরও খানিকক্ষণ তাহাকে আদর করিল, আরও খানিকক্ষণ বুঝাইল। কিন্তু দুর্বল শরীরটা তাহার প্রাণ্ডিতে ভাঙিয়া পড়িতেছিল, তাই আধঘণ্টাখানেক পরে ছেলেমানুষ বোকে আদর করা ও বোঝান দু'টাই যথেষ্ট হইয়াছে, মনে করিয়া সে ঘুমাইয়া পড়িল।

পরদিন সকালে রাজেন্দ্র উকীলের বাড়ীতে একটা বিরাট হৈ-চৈ শোনা গেল। বাড়ীর মেজবো রমা নাকি গলায় ফাঁসি দিয়া মরিয়াছে।

## ভূমিকম্প

মাঝরাতে বঃচকী একবার মাথা নাড়িলেন।

প্রসন্ন অধোরে ঘুমাইতেছিল। কাল গরমে তাহার ভাল ঘুম হয় নাই, আজ ন'টা বাজিতে-না-বাজিতে তাহার চোখ জড়াইয়া আসিতেছিল। খাইয়া উঠিয়া দশ মিনিট কালও সে আজ বসিতে পারে নাই। অমন চাঁদ উঠিয়াছিল আজ, টুকরা টুকরা গতিশীল মেঘে অমন অপরূপ হইয়া উঠিয়াছিল আকাশ, ওদিকে তাকাইবার অবদরও তাহার ছিল না। চোখে ঘুম লইয়া সে শুইয়াছিল এবং শোয়ামাত্র ঘুমাইয়াছিল।

প্রসন্নের মাঝরাতে প্রকৃতির এই কাণ্ড।

প্রসন্নের ঘুম ভাঙিল আতঙ্কে। তখন চাঁদ অস্ত গিয়াছে, ঘরের ভিতর অন্ধকার এমন গাঢ় যে চোখের পাতাটি পর্যন্ত দেখা যায় না। চৌকীটা বেতালে হুলিতেছে, টিনের চালে বন্ বন্ শব্দ উঠিয়াছে, বাহিরের আকাশ শব্দের

আর্তনাদে মুখর। কোণ ছি ড়িয়া মশারির একটা দিক্ গায়ে আসিয়া পড়িয়াছে, হঠাৎ ঘুম ভাঙিয়া বুঝিবার জো নাই যে এই কোমল অবাধ্য আলিঙ্গন মশারিরই, একটা নাম-না জানা ভয়ানক কোন কিছুর নয়।

প্রসন্নের মনে হইল, সে মরিয়া গিয়াছে। ভয়ের এতগুলি সমন্বয় মাতৃষের জীবনে বাঁচিয়া থাকিতে ঘটে না।

হঠাৎ প্রসন্ন সচেতন হইয়া উঠিল, কে যেন উঠানে তারদ্বরে হাঁকিতেছে, 'প্রসন্ন, ওঠ, শিগগির, ভূমিকম্প হচ্ছে। ওরে প্রসন্ন, প্রসন্ন?'

ভয়ের মধ্যে পলায়নের প্রেরণা থাকে, কত যুগযুগান্ত ধরিয়া যে ভয়ের আগে আগে সে পলাইয়া বেড়াইতেছিল তাহার ঠিকানা নাই, কিছু না জানিয়া কিছু না বুঝিয়া ও ভাবে পলায়নের মত ভয়ানক আর কিছু নাই, এবার প্রসন্ন বাঁচিল। মশারির আলিঙ্গন ছাড়াইয়া সে চৌকীর নীচে নামিয়া পড়িল।

কিন্তু পলাইতে আরম্ভ করার মধ্যে যে পরিভ্রাণ নাই সে কথা বোঝা গেল মুহূর্তের মধ্যেই। প্রসন্ন দরজা খুলিয়া পাইল না। তাহার ধারণামত যেখানে দরজা থাকার কথা সেখানটা ছাতড়াইয়া শুধু দরজার বেড়াই তাহার হাতে ঠেকিল। আচ্ছ এই একান্ত অসময়ে সে দরজার অবস্থান ভুলিয়া গিয়াছে। এ কি অসহায় অবস্থা!

ভূমিকম্পের চেয়ে হৃদকম্পই এবার তাহার বড় বিপদ হইয়া উঠিল। মাটির সঙ্গে কাঁপিতে গিয়া সাজানো ইটের বাডী মেঝেতে ভাঙিতে থাকে প্রসন্ন তেমনি ভাবে ভাঙিয়া পড়িতে লাগিল। নাড়া খাইয়া তাহার মগ্ন চেতনা হইতে যে কত দুঃখ ভয় ও দৈবেজ্ঞনার তলানি উঠিয়া আসিয়া তাহার বর্তমান আতঙ্কের সঙ্গে মিশিয়া গেল তাহার হিসাব হয় না।

বাতির শব্দেব শব্দ, হলধ্বনি ও আত্মীয়স্বজনের ব্যাকুল ডাকাডাকির বিরাম নাই। পৃথিবীর যেখানে যত মমতা আছে, সব যেন তাহার বিপদে একসঙ্গে আপসোস জুড়িয়া দিয়াছে, সে বাতির হইতে না পারিলে শেষ পর্যন্ত ওদের বুকও তাহার বকের মতই ভাঙিয়া যাইবে।

'দরজা কই, দরজা?'

'এইখানে দরজা, এইখানে—' মার হাতের বাংলা ঠক্কর শব্দে দরজায় মাথা খুঁড়িতে লাগিল।

প্রসন্ন দরজা খুলিয়া বাতির হইয়া আসিল। বাঁচিবার অনন্ত অবকাশ লইয়া উঠানের কোণে ভাঙা চৌকীটাতে সে বসিয়া পড়িল। এই রুক্ষ কঠোর মাটির পৃথিবীর সঙ্গে অসমান যুদ্ধে সে জয়লাভ করিয়াছে, কিন্তু সে দারুণ আহত।

সেই ভূমিকম্পের পর প্রায় দুই বৎসর পর্যন্ত প্রসঙ্গের মস্তিষ্কে একটা অদ্ভুত ব্যাপার ঘটিতে লাগিল। বসিয়া থাকিতে থাকিতে হঠাৎ উঠিয়া দাঁড়াইলে অল্পমনস্ক অবস্থায় হঠাৎ কেহ জোরে নাম ধরিয়া ডাকিলে তাহার মাথার মধ্যে একটা কালো পর্দা হুলিতে আরম্ভ করে। পর্দাটির প্রান্তগুলি পরল পরল অন্ধকার দিয়া দরমার বেড়ার মত করিয়া বোনা এবং ঝাপা অন্ধকারের দেয়ালে আটকানো। দুই হাতে চোখ বগড়াইয়া জোরে জোরে মাথায় বাঁকুনি দিয়া পর্দা সরানো যায় না, অতীত-জীবনের চেনা অথচ অজানা রহস্যের মত হুলিতে থাকে। চেষ্টা স্বগিত করিলে হঠাৎ এক সময় পর্দাটা অন্তর্হিত হইয়া যায়। আশ্চর্য এই, তখন আর পর্দাটির ভূতপূর্ব অস্তিত্বে প্রসঙ্গ বিশ্বাস করে না। মাথার মধ্যে যে মাঝে মাঝে তাহার অমন খাপছাড়া অভিনয় হয় সে কথাটাও সে বেশ ভুলিয়া থাকে।

বছর দুই পরে চাকরির চেষ্টায় একবার মাদ্রাজ ঘুরিয়া আসিয়া পর্দাটা তাহার মাথা ছাড়িয়া চলিয়া গেল। কিন্তু রাখিয়া গেল অল্প উপসর্গ।

মাদ্রাজ যাওয়ার সময় তাহার সঙ্গে একটি স্মার্টকেসে খান-দুই খুতি ও একটি জামা ছিল, ওই সামান্য জিনিস চুরি যাওয়ার ভয়ে সমস্ত পথ সে চোখ বুজিতে পারে নাই। রূপান্তর লইয়া এই ভয় তাহার মনে কায়েমী হইয়া রহিল। প্রত্যেক রাজ্যে সমস্ত রাজ্যের জন্ত নিজের অচেতন অসহায় অবস্থার কথা ভাবিয়া তাহার ঘুম টুটিয়া যাইতে লাগিল। কোঁতুহলের ছোট বড় সমস্ত বিষয় ঘুমের রহস্যের মতই তাহাকে পীড়ন করিতে লাগিল। যাহা গোপন, যাহা সে বোঝে না তাহাই ভয়ানক, তাহাই নিষ্ঠুর। একদিন ছেলেদের পুরানো মাসিকে একটা সামান্য ধাঁধার জবাব বাহির করিতে না পারিয়া ক্রোধে ক্রোধে সে এমন বিচলিত হইয়া পড়িল যে, পরে ঠাণ্ডা মাথায় বিবেচনা করিয়া দেখিয়া তাহার হৃৎক ও লজ্জার সীমা রহিল না।

তখন দিনের আলো নিবিয়া আসিয়াছে, চারিদিকে আনন্দের দীনতা। কপালের ঘাম বাতাসেই শুকাইয়াছে, তথাপি কাপড় দিয়া কপাল মুছিয়া প্রসঙ্গ ভাবিতে লাগিল, সে যে পাগল নয় তার প্রশংসার সংখ্যাগুলি যদি এমনভাবে কমিয়া আসে তাহা হইলে উপায় হইবে কি ?

অথচ প্রতিকার নাই। সে সবই বুঝিতে পারে, কিন্তু নিজেকে কিছুই বুঝাইতে পারে না। রাজ্যে মশারি গুঁজিয়া শুইয়া তাহার মনে হয় ভাল করিয়া বুঝি গৌড়া হয় নাই, কোথায় ফাঁক রহিয়াছে, মশা চুকিবে। এ যে ভুল বুঝিতে পারিলেও তিন চারবার সম্ভরণে তোবকের চারিপ্রান্ত না হাতড়াইলে তাহার স্বস্তি থাকে না। বসিবার বসে তালা দিয়া বার-বার টানিয়া দেখিয়া আসিলেও

তাহাকে আবার ফিরিয়া গিয়া ভাল ঠিকমত লাগানো সম্বন্ধে নিঃসন্দেহ হইতে হয়। চোঁকীর নীচে বোজাই সে চোর খোঁজে।

এমনি সব অন্তহীন পাগলামী। মাঝে মাঝে সে বিব্রোহ করে, কিন্তু তাহাতে কল আঁরও খারাপ হয়। যুদ্ধ করিয়া হার মানিতে জ্বালা যেন বাড়িয়া যায়। নিজের কাছে নিজের সে কি নির্মম অপমান!

প্রসঙ্গের হৃদয়বৃত্তিগুলি ক্রমে তীক্ষ্ণ ও সতেজ হইয়া উঠিল, অহুভবশক্তি আশ্চর্যকরকম বাড়িয়া গেল;—তাহার মধ্যে ভাবপ্রবণতা দেখা দিল। ছোট ডঃখ তাহার কাছে এখন আর ছোট নয়, প্রাত্যহিক জীবনের যে-সব সূক্ষ্ম ও কোমল সুর তাহার মত অকবির কানে পশিবার কথা নয়, এখন সেগুলি সে বেশ ধরিতে পারে। কল্পনাকে,—অবাস্তব কল্পনাকে, আমল দিতে তাহার ভাল লাগে।

সময় সময় সে অত্যন্ত বিমর্ষ হইয়া পড়ে। জীবনের দেনাপাওনার কড়া হিসাবী সে নয়, তবু সে টের পায় জীবনটা অর্থহীন। বাঁচিয়া থাকার কোন মানেই সে খুঁজিয়া পায় না।

জীবনের যে মানে সে খোঁজে তাহা যে অসাধারণ বৈচিত্র্য, উদ্ভেজনা, ভূমিকম্প, রোগশোক ও আতঙ্কের সমারোহ ভিন্ন আর কিছু নয়। মদের তৃষ্ণা জলে মিটিবে কেন? নিত্য পাত্র ভরিয়া তীব্র সুরা সম্মুখে ধরিবে মানুষের জীবন তেমন শাকীও নয়।

রাত্রে প্রসঙ্গ আশ্চর্য স্বপ্ন দেখে।

একটা খাড়া উঁচু পাহাড়। তার উপরে প্রসঙ্গের স্কুল। অনেক বয়সে স্কুলে পড়িতেছে বলিয়া প্রসঙ্গের বড় লজ্জা, টিফিনের ছুটির সময় স্কুলের সামনে পাহাড়ের একেবারে ধারে সে চূপচাপ দাঁড়াইয়া আছে। হঠাৎ একটা ছেলে তাহাকে এমন ধাক্কাই দিল যে পাহাড়ের নীচে আছড়াইয়া না পড়িয়া প্রসঙ্গের আর উপায় নাই; কারণ আজ শাড়ী পরিয়া স্কুলে আসিয়াছে বলিয়া উড়িবার প্রক্রিয়াটা সে ভুলিয়া গিয়াছে। পাহাড়ের ঠিক নীচে একটা ইঁদারা, শূন্যে পড়িতে পড়িতে প্রসঙ্গ বিবেচনা করিয়া দেখিল ইচ্ছা করিলে ইঁদারার মধ্যেও পড়া যায় অথবা একটু বাঁকিয়া ইঁদারার পাকা বাঁধানো পাড়ের উপরেও আছড়ানো চলে। কি করা উচিত?

আধাআধি পড়িয়া সে মন স্থির করিয়া ফেলিল। ইঁদারার জলে পড়িলে লাগিবে না বটে, কিন্তু ওর মধ্যে আবছা স্বচ্ছকার, ওর মধ্যে অজানা রহস্য। তাছাড়া নিজের চেষ্ঠার উঠিয়া আসিতে না পারিলে ওর মধ্যেই তাহাকে বাকী জীবনটা কাটাইতে হইবে। হেড মাষ্টার নিয়ম করিয়াছেন, কোন ছেলে ইঁদারায় পড়িলে তাহাকে আর তোলা হইবে না।

নৌকার হালের মত হাতের খাতায় বাতাস কাটিয়া প্রসন্ন ইন্দ্রাবর পাড়ে  
আছড়াইয়া পড়িল।

হাত পা ভাঙিল না বটে, কিন্তু আঘাত লাগিল, সত্যিকারের আছাড়  
খাওয়ার সমানই। স্বপ্নে আর বাস্তবে ও-ছাড়া আর তফাৎ আছে কি ?  
ভালবাসিয়া যাহাকে পাই নাই, স্বপ্নে সে পাশে আসিয়া বসিলে এই স্বপ্নে  
পাওয়ার মধ্যে শুধু বাস্তবতার ফাঁকিটুকুই থাকে বলিয়া বাঁচা সম্ভব হইয়াছে।  
স্বপ্নকে তাহার স্নায়ু মূল্য দিতেই হইবে।

প্রসন্ন উঠিয়া আলো জালিল। জল খাইয়া গায়ে একটা চাদর জড়াইয়া  
চূপচাপ বিছানায় বসিয়া রহিল। শুধু বাড়ী নয়, সমস্ত পাড়াটা নিবুম হইয়া  
পড়িয়াছে। আলোটা ভয়ে ভয়ে মিটিমিটি জলিতেছে, রাস্তার আলো এতখানি  
অস্তুরালে যে অস্তিত্বের মূহু প্রমাণটাই বিশ্বয়কর।

এ যেন রাজি নয়, শকার কুয়াসা।

প্রসন্ন ভাবিতে লাগিল, একটা বউ থাকিলে এসময়ে কাজ দিত। প্রেমালাপ  
নয়, মান্নবের সঙ্গে দুটি সাধারণ কথা বলিবার এতবড় প্রয়োজন কি সচরাচর  
আসে ? বউ নিশ্চয় তাহার ভয়ের ভাগ লইত, দু-চোখ বড় বড় করিয়া  
ভীতকণ্ঠে বলিত 'কি গো ? কি ?' সে বলিত 'কিছু না, বড় মশা লাগছে।  
উঠে মশারিটা একবার ঝাড় না ?'—'আলোটা বাড়িয়ে দাও, আমার বড় ভয়  
করছে।' 'আমি রয়েছি ভয় কি ?' বলিয়া সে হাসিত। বউ তথাপি বলিত,  
'না না, আলোটা তুমি বাড়িয়ে দাও।'

মা কেমন করিয়া টের পাইয়াছিলেন, উঠিয়া আসিয়া জানালা দিয়া প্রশ্ন  
করিলেন, 'রাতদুপুরে আলো জেলে বসে রয়েছিস যে ?'

'একটা দুঃস্বপ্ন দেখলাম, মা।'

'তা দেখবি না ? যে অনাচান্টাই তুই করিস। কাপড়ে ভাত পড়ল,  
পই পই করে বারণ করলাম কানে তুললি না, সেই কাপড়ে এসে শুলি। নে,  
মা দুর্গাকে ভেকে আলো নিবিয়ে ঘুমো।'

পরদিন সকালে মা বলিলেন, 'এবার একটা বিয়ে কর বাবা, মাথা খাস।  
রোজগার-পাতি করছিস—'

সকালে বউয়ের প্রয়োজন মিটিয়া গিয়াছে, খবরের কাগজটা নামাইয়া প্রসন্ন  
বলিল, 'কানপুরে কি ভয়ানক কাণ্ড হয়েছে জান মা ? একটা আপিসের ছাদ  
ভেঙে সাতজন কেবাণী মারা গেছে, পনের জন জখম হয়েছে।'

মোটো হেডিংটা দেখিয়া মা বলিলেন, 'ওই লিখেছে বুঝি ?'

'না. ওটা যুদ্ধের খবর।'